




586235

Mag. St. Dr.

Duplicate



CONSTITUTIONES
ET
EXERCITIA
SPIRITUALIA
CLERICORUM SÆCULARI-
UM IN COMMUNE VIVEN-
TIUM.

Joseph APPROBATA
à Sanctissimo Domino Nostro
INNOCENTIO
PAPA XI.

Juxta Exemplar excusum
ROMÆ,

In Typographia Reverendæ Camerae
Apostolicæ.

Cum Facultate Superiorum

VARSAVIÆ

Typis S. R. Maiestatis Anno 1785.

X.J. PRZYBYŃSKI

JMPRIMATUR

Si videbitur Reverendiss. P.
Sacri Palatii Apost: Mag: *J. de*
Ang. Archiep: Urb. Vicesg.

JMPRIMATUR,

586235 St. Dr.


Fr. Raymdus Capisuccus Ordini
nis Præd: Sac. Pal: Apost: Magist.

REIMPRIMATUR

Antonius Okecki Episcopus Po-
naniensis, & Varsaviensis, Supre-
mus Regni Cancell:

1966 K 43 St. Dr.

Jag.



AD S.D. INNOCENTIIUM

PAPAM XI.

BEATISSIME

PATER.

Pastoralis sollicitudo, & animarum pretioso Sangvine Salvatoris Nostri Redemptarum curam plurimis ex capitibus inter tam varia Christianæ pietatis opera, tanquam ex fine præstantissimam, ex occupatione Sanctissimam, ex necessitate cujusvis Christiano gratissima elucet; eò quòd fide-

A i

les per eam à putredine peccatorum virtute divinâ liberati, & ad Episcopum ac Pastorem animarum nostrarum Jesum Christum conversi, securè ad beatam illam ac cælestem vitam deducantur: quam S. Chrysostomus loquens ait: *si quis voluerit Deo commendatus esse, curam habeat ovium illius, publicamque quærat utilitatem, fratrum suorum saluti prospiciat; nullum enim officium hoc Deo charius est; est verò & aliud admirabile curæ hujus encomium, quòd per eam, & curæ hujus amatores id præstetur Christo in terris, quod ab ipso in cælis quivis se consecuturum sperat Christianus; nempe æternò immortalitatis gaudio perfundi; curam enim gerere pastorem, est in eodem, quo Christus perfunctus est, officio versari, eidem collaborare; gaudium Christi in se excitare, & Christo*

gaudium dare; ipsomet attestante, dum ait: *hæc locutus sum vobis, ut gaudium meum in vobis sit; & gaudium vestrum impleatur*; rectè hinc infert S. Dionysius Areopagita, dum inquit: *Divinarum omnium perfectionum divinissima est, Dei cooperatorem esse in reductione animarum ad Creatorem*. Ex quorum omnium consideratione, Beatissime Pater, ad Sanctitatis Tuæ pedes nos humillimi Sacerdotes & Clerici ad collaborandum adjuvante divinâ gratiâ in hac Pastoralis curâ ex toto corde provoluti nos sistimus, quia majus gaudium Sanctitati Tuæ in tot curis, in tantis occupationibus & tam ardentibus desideriis afferri non posse vel ideò credimus, quia ipse Tuæ primæ Apostolicæ literæ in uiversalis Jubileo per communes Christianitatis preces Sacerdotes & bonos animarum curatores à Deo mitti

ardentissimè deposcunt. Et jure meritò de Tua pastoralis sollicitudine pro universâ Christianitate tanquam à te dictum affirmatur; quod Eminentissimus quondam Joannes Philippus Archiepiscopus Moguntinus (cujus pia & exemplaris conversatio, uti & singularis prudentia in regendo, in toto Romano Imperio notissima sunt, uti & ab ipsamet Sanctitate Tua etiamnum commendantur) de semetipso fatebatur, inquit: salus æterna gregis à Deo Nobis commissi sollicitudinem nostram jugiter exstimulat, ut eidem præfici curemus pastores, à quibus & verbo & exemplo ritè pascatur, atq; sic ad omnem honestatem morum, & pietatem Christianam suaviter inducatur &c. quatenus per hoc non tam ipse tibi gaudere, quàm efficere posses, ut Christiani veri Apostolorum & Christi Domini

imitatores effecti, verbum veritatis cum gaudio Spiritûs Sancti exciperent, & hōc pacto illi gaudium in terris dare studerent, à quo in cœlis gaudium expectare credunt æternum. Sicut proinde Salvator Noster verba quæ acceperat; Sanctis Apostolis dans, lēges & constitutiones de Regno Dei præscribens tradidit, & sic in salutem mundi illos misit: Ita nos cum lege illa Evangelica à Salvatore Nostro præscriptâ, Constitutiones à Ven: Dei Servo Bartholomæo Holzhausero &c. Dei, uti confidimus, impulsu conscriptas, à memorato Archipræsule Moguntino summô studio ac ardentî zelo primis typis mundo propositas, & in animarum salutem omnibus in suo Archiepiscopatu pro singulari tanti principis in bonos pastores affectu commendatas accepimus, & à Tua nunc Sanctitate

eum totius Instituti nostri singulari gaudio confirmatas cognovimus, ita easdem Romanis typis excusas ad pedes Sanctitatis Tuæ humillimè præsentando ideo deponimus, quia ex earum observatione Tibi totiq; S.R. Ecclesiæ, ex eo capite gaudium afferendum speramus, quòd gaudium sit Christo, si fructus Apostolicus, si verborum ab ipso datorum canon, à generatione, in generationem, transmittatur; pro quibus omnibus cum gratia Dei fideliter præstandis, uti nos liberè consecravimus, pactò obligavimus, juramentò univimus, sic à Tua Sanctitate Apostolicam Benedictionem submississimè flagitantes, omnem fidelitatem Tibi, & S.R. Ecclesiæ, uti & Rev: D.D. locorum Ordinariis promittimus, in fidelitate diligentiam, in diligentia curam, in cura veritatem, in veritate unitatem, in

(†) 9

unitate pacem, in pace gaudium
Christi hîc in terris sectaturi, alte-
rius verò vitæ communia omnibus
Sanctis gaudia sperantes, qui sumus
& manemus Sanctitatis Tuæ.

Humillimi Sacellani

Sacerdotes & Clerici Saculares

in communi viventes.

A v.

INNOCENTIUS
PAPA XI.*Ad perpetuam rei memoriam.*

Creditæ Nobis divinitus Apostolicæ servitutis ratio postulat, ut salubria Christi fidelium in sortem Domini vocatorum Instituta, ex quibus uberes in Ecclesia Dei bonorum operum fructus affiduè provenire noscuntur, ac Constitutiones pro felici, prosperoq; illorum regimine, & progressu piè prudenterq; factas Apostolici munitinis præfidiò robaremus, piaque illorum studia favoribus, & gratiis decoremus, sicut ad Omnipotentis Dei gloriam, & animarum salutem expedire in Domino arbitramur. Exponi siquidem nobis nuper fecerunt dilecti filii Clerici Sæculares

in communi viventes , quod Annô
MDC.XL. operâ tunc in humanis
agentis Bartholomæi Holzhauser
Vicarii tunc existentis Episcopi:
Chiemenfis in Bavariâ ac ad San-
ctum Joannem in Leöggenthal De-
cani inchoatum fuit eorum Institu-
tum, quod Deo opitulante in aliis
Diæcesibus , & Provinciis in dies
usq; in præsens adeo excrevit , ut
non tantum à bon: memor: Joan-
ne Philippo dum vixit Archiepi-
scopo Moguntino , Sacri Romani
Imperii Principe Electore; sed e-
tiam ab aliis pluribus Archiepisco-
pis , & Episcopis fuerit in eorum
Diæceses receptum, & expressè ap-
probatum , ac ab iisdem per pro-
prias literas, prout etiam à Charis-
simo in Christo filio Nostro Leo-
poldo Romanorum Rege in Impe-
ratorem electo , & à bonæ pariter
memoriæ Maximiliano Primo , &
Ferdinando Maria dum vixerunt

utriusq; Bavariae Ducibus, ejusdem
Sac: Rom. I. Principibus Electori-
bus, huic S. Sedi Apostolicae instan-
tissime comendatum extiterit. Cum
autem sicut eadem expositio sub-
jungebat, Institutum praedictum
sub immediata jurisdictione Ordini-
narium, ac directione unius Su-
premi Praesidis, prout modo dicti
Exponentes eisdem subsunt, omni
prorsus exemptione seclusa, salu-
briter ordinatum, ac pro felici ipso-
rum Exponentium, & Instituti hu-
jusmodi directione, rectaq; juven-
tutis institutione, nonnullae Con-
stitutiones factae fuerint, quae per
Congregationem nonnullorum ex
Venerabilibus Fratribus nostris S.
Romanae Ecclesiae Cardinalibus
super hoc negotio a Nobis specia-
liter deputatam, revisae, & in non-
nullis correctae fuerunt, ac in unum
volumen redactae, tenoris, qui se-
quitur videlicet:

CONSTITUTIONES

*Clericorum Sæcularium in Commune
Viventium.*

PROOEMIUM.

Finis hujus Vitæ Clericalis non est novum institutum, aut Religionem introducere; sed ipsummet Statum Clericalem & Ecclesiasticum à Christo fundatum, & ab Apostolis observatum, sub immediata RR. Ordinariorum potestate, omni prorsus exemptione seclusâ, pure amplecti. Ut verò primæva ac genuina prædicti Statûs honestas tutiûs & sanctiûs conservetur, Sacerdotes hujus vitæ juxta antiquos Ecclesiæ Canones, secluso fæminarum consortio, bini, terni, vel etiam plures, simul sub privatâ, & æconomica quadam unius Superioris directione, ac inspectione vi-

vent, & bona sua Ecclesiastica in communes pios usus conferent: atq; sic & privatam suam, & animarum sibi commissarum æternam salutem gnaviter promovere studebunt, prout sequentes Constitutiones in certa capita digestæ, uberius explicant.

Illud porrò sibi persvadeant, se jurisdictioni Ordinariorum, in quorum Diæcesibus pro tempore beneficia, vel domicilia obtinuerint (seclusâ omni exemptione) semper manere subjectos: Quorum proinde, uti & præcipuè ipsius Sanctæ Romanæ Catholicæ Ecclesiæ Matris nostræ Dogmata, Jura, Decreta, & consuetudines; pro viribus observabunt, atq; defendent, quemadmodum à Clericis ea observari, & defendi par est,

Cæterum Constitutiones hujus vitæ Clericalis in sex partes præci-

puè dividuntur. Prima est de cura propriæ salutis, & profectûs in spiritu. 2. De communitate bonorum. 3. De fraterna cohabitatione. 4. De separatione mulierum. 5. De obedientia. 6. Deniq; de cura animarum.

DE CURA PROPRIÆ SALUTIS,
ET PROPECTUS IN SPIRITU.

I.

Cum fides sit fundamentum, & initium salutis æternæ, sublato omnî proprio iudicio, captivantes intellectum suum in obsequium fidei Jesu Christi, teneant promptam, ac paratam voluntatem omnibus iis fidem, ac obedientiam præstandi, quæ vera Christi Sponsa, ac S. Mater nostra, Romana Orthodoxa, Catholica Ecclesia credenda, aut facienda declaravit, vel imposterum declarabit.

II.

Per rectam intentionem in omnibus suis actionibus sincere gloriam Creatoris sui spectent, curentque quantum in se erit, non solum se ipsos, verum etiam omnes alios, ad serviendum Divinae majestati excitare propter Ipsammet, & propter nimiam charitatem, quâ prior dilexit nos, neq; in ulla re se ipsos quærant, sed in omnibus creaturis, quemadmodum & in semet ipso, Creatorem suum, & omnes in illo diligant.

III.

Unusquisq; perspectas habeat animi sui propensiones, & antevertere noverit tentationes, opponendo ipsis remedia, quæ quivis sibi cum divina gratia comparare, & in promptu habere laborabit, inflectendo se ad ea, quæ sunt contraria peccatis, & profectui spiri-

tâs conducunt; ut si quis animad-
verterit, se ad superbiam, aut iram,
aliamve passionem esse propensum,
is exerceat se in rebus abjectiori-
bus, & quærat ea, quibûs patien-
tiam exercere, aut alii vitiosæ pro-
pensioni resistere possit.

IV.

Ad virtutes solidas hominis sui
interioris pro viribus enitantur;
præcipue verò studeant in sui ipsius
cognitione veraque abnegatione, &
Christiana simplicitate, in humili-
tate, patientia, & charitate, timore
Dei, cum prudentia & discretione
plurimum excellere.

V.

Propter amorem Christi Salva-
toris sui libenter debent ferre iniu-
rias, persecutiones, contumelias &
quævis opprobria, imò ex animo
gaudere, si gratis odiò habuerit eos
mundus, & contempserit: quæ o-

omnia, eò ardentius complectentur, quòd sciant iisdem insignibus Dominum & Magistrum suum fuisse spectabilem.

VI.

Cùm ex sola voluntatis affectione (quantumvis etiam spirituali) vel subita boni, verive apprehensione ad agendum, vel omittendum præcipitanter, & quâ datâ portâ, ruere, maximè semper sit periculosum, ideo affectus suos etiam spirituales, ita refrenent, ut neq; in agendo, neq; in loquendo sint inconsiderati, aut præcipientes, sed re priùs in oculis Dei discussâ, pensent, quæ honestas, utilitas, necessitas, & veritas rebus agendis, vel omittendis subsit, quæve commoda aut incommoda ex iis sint nascitura.

VII.

Temperantiam in cibo, & potu, ad majus DEI obsequium, & per-

fectiorem carnis subjugationem, unicé cordi habeant, & sanctè semper conentur observare. Hinc convivium, quantúm fieri potest, domi forisq; evitent: si verò humanitas, vel Christiana charitas subinde aliud prudenter suaserit, ex Superioris arbitrio stabit, quid hac in re cum ædificatione permittendum sit; nemo proinde hisce citra jussionem se ingerat, aut propriò motu aliquod convivium accedere præsumat. VIII.

Quando itinerantur, apud hujus vitæ Sacerdotes divertant, quòd si in eorum defectu diversorium aliud eos capere necesse fuerit, memores sobrietatis, & frugalitatis, diligenter caveant, ne cibi, & potûs abusû, animæ puritati, & proximorum ædificationi aliquid officiant.

IX.

Quia otium pulvinar diaboli, & iytiorum carnis, aliorumq; pluri-

morum malorum mater esse noscitur; omnî modô sibi prospiciant, ut semper etiam extra statutas exercitationes ordinarias, honestâ aliqua actione sint occupati, quam singuli pro capacitate sui ingenii, & superiorum directione suscipiant.

X.

Statutis Exercitiis diligenter suum tempus tribuant, uniformitatem omnes servant, & semetipsos utiliter de die in diem in sincerum servitium Divinæ Majestatis impendant: hinc quantumvis aridi sint, & desolati, fortiter nihilominus iisdem insistant, scientes, etiam absq; stipendio cælestium consolationum, voluntati Divinæ obsequium rationabile præstare, ejusq; providentiæ, & nutui, perfectâ quadam voluntatis suæ cum divinâ conformatione, in omnibus sese subicere; quare constanter pergant,

& ad devotionem in quibusvis difficultatibus se jugiter excitent.

XI.

In suis spiritualibus exercitationibus viæ ordinariæ, secundum communes prudentiæ, & discretionis regulas, insistant omnes; & ut se contra dæmonis illusiones tueantur, Superiorum, & Confessoriorum ductum sequantur; norintq; modos, tentationes, & insidias maligni spiritûs vitandi & superandi.

XII.

Ad majorem in spiritu profectum, aut saltem ad necessariam illius conservationem, omnes quotidie in meditationem, secundum exercitium trium animæ potentiarum, vel asceticam lectionem, ad minimum per mediam horam post matutinas preces incumbant, adquam se pridie vesperti per horæ quadrantem præparaverint, eam potissimum ex vi-

ta Christi, & Sanctorum materiam feligentes, quam sibi singuli magis profuturam existimabunt.

XIII.

Aveant omnes quotidie celebrare, & ita vivere, ut dignè celebrare possint, idcirco summò studiò conentur conscientiam suam, ab omni, etiam minima labecula mundam servare; mortalem culpam plus, quam faciem colubri formidantes. In hunc finem adminimum semel in septimana sua peccata integre confitebuntur, idq; aliàs toties facient, quoties necesse fuerit, & quotidiana tantorum mysteriorum tractatio requisiverit.

XIV.

Ubi non est Chorus, Breviarium Romanum aliasq; preces consuetas unà cum conscientiae examini- bus simul eodem locò & tempore, cum debita attentione, & devotio-

ne, in Creatoris sui laudem persolvere allaborent.

XV.

Lectiōni, studio, ac meditationi Sacrarum Scripturarum eā sedulitate, ac frequentiā invigilabunt, ut huic tam sancto exercitio, ultra tempus matutinæ meditationis, vel lectiōnis supra nominatum, saltem unam adhuc hōram quotidie impendant, & ad majorem fructum inde percipiendum Sanctorum Patrum, probatorumq; Interpretum explanationem desuper adhibeant.

XVI.

Præter statuta Exercitia quotidiana; omnes, & singuli cujuscunq; Districtūs Sacerdotes, in loco à Superioribus assignando, quot annis recollectioni spiritūs sui per certos dies vacabunt: ad quam etiam extra hoc præscriptum parati esse debent, quando eam Superiores illis,

aut utilem, aut necessariam esse
judicaverint. XVII.

Non solum æquo animò accipiant,
si ad majorem in virtutibus progres-
sum, proprii defectus ipsis à Supe-
rioribus fuerint intimati; verum e-
tiam ad aliorum correctionem viam
sternant: quare si quis grave deli-
ctum, aut tentationem, vel ejus
periculum in altero notaverit, de
hoc Superiorem vel fideliter mo-
neat, vel saltem desuper interro-
gatus veritatem aperiatur, ut ipse
pro paterna in suos cura pericli-
tantibus convenienti remedio possit
succurrere. XVIII.

Caveant Sacerdotes sese nego-
tiis sæcularibus, aliisque rebus ad se
non pertinentibus immiscere, & si
quam causam civilem habuerint,
sublimioris statûs sui intuitu in ju-
dicio personaliter non compareant,
sed utantur Procuratore; quòd si ve-
rò

rò urgente necessitate, causam viduarum, pupilorum, aliorumq; miserabilium personarum suscipere charitas svaferit, non faciant id absq; licentia Superiorum; in iis autem suo duntaxat consilio adiuvandis, memores sint modestiæ, & erga partes litigantes reconciliandæ charitatis.

De Communitate Bonorum.

XIX.

Communitas bonorum hujus vitæ Clericos & Sacerdotes obligat, ut redditus suos Ecclesiasticos, quocunque titulo obvenientes, quorum tamen libera dispositio de jure ad ipsos pertinet, in communes pios usus conferant, collatione stabiliter in vita, & post mortem duratura: (salvis juribus Sacræ Sedis Apostolicæ & RR. DD. Ordinariorum) quam eò ipso facere censentur, dum vitæ huic communi se ag-

gregant. Hanc porrò communitem bonorum, eò ardentius coli decet, quòd Christus Dominus cum Apostolis suis eam tenuerit, in Ecclesia Dei diu viguerit, & sacri Canones tam sanctè ad eam hortentur. Igitur in Authorem vitæ Jesum Christum iugiter respiciant; & memores, se ad vindicandam veram libertatem filiorum Dei, & adipiscendas divitias gloriæ ejus, totum thesaurum suum in Cruce Domini suspendisse, laborent omnem affectum & inordinatam animi sollicitudinem erga res temporales sic extirpare, ut solus Christus Crucifixus, velut summum bonum unius cujusq; præcordia abundanter impleat. XX.

Quapropter, ut in majore pace domestica, & quiete animi, Deo, sibi, proximo vacare, & vivere possint, ubi plures simul habitant, u-

nus eligatur, qui beneficiorum, & functionum Ecclesiasticarum redditus è manibus Sacerdotum sibi cohabitantium recipiat, & singulorum necessitatibus ex æquo prospiciat, atq; de receptis; & expensis suò tempore Superiori ordinatam rationem reddat.

XXI.

Habitatio, victus, vestitus, lecti, pro diversitate locorum uniformiter sic accomodentur, quemadmodum servos & Ministros Dei, & Ecclesiæ decet; infirmorum tamen semper habitâ ratione. Sine expresso consensu Superioris nihil de uno in aliud domicilium transferatur: hinc caveant hospites, itinerantes, aut qui aliò commigrant, ne quid, sive ex Bibliotheca libros, sive ex domo alias quascunq; res, clanculum, & pro libitu suo, secum accipiant, ob confusiones, & in-

commoda, quæ ex opposito consequuntur.

XXII.

Qui Parentes , fratres ; & sorores in necessitate constitutos habent, æconomiam suam ita instituant , & vivant , ut eos charitative iuvare possint , ubi verò beneficiorum tenuitas id non patitur, ex dispositione Superioris defectus aliunde supplebitur. Illi autem, qui ab ejusmodi onere iuvandorum parentum , fratrum , sororum liberi sunt , ne arbitrentur rapinam id, quod ad obsequium pietatis, & necessitatis, in suorum confratrum parentes , fratres , & sorores , ab eodem Superiore commendatos expenditur , verùm sibi persvadeant, (cùm charitati fraternæ omnia sint communia) in suos impendi, unde, qui non habent parentes , fratres, vel sorores in necessitate constitu-

tos, sint tanquam habentes, gratiasq; Deo agant, quòd hâc libertate eos donârit.

XXIII.

Cæterum Communitas bonorum hujus vitæ Clericalis, prout supra insinuatum, procedit solummodo de bonis intuitu munium, functionum ac reddituum Ecclesiasticorum quomodolibet quæsitis: bona autem patrimonialia sub libera cujusque dispositione relinquuntur; cum hoc tamen moderamine, ut in iis dispensandis prima, ac potissima pauperum consanguineorum ratio habeatur: bonô nihilominus communitatis nostræ Clericalis non præteritô. Ad evitandam verò omnem in hac disciplina Clericali, & pace domestica confusionem, & alia incommoda, hujusmodi dispositiones patrimonialium diligenter consignentur, & Superiori, quoties ipsi

videbitur, desuper ratio reddatur: lites verò, si quæ super dictis bonis patrimonialibus movebuntur, non à Sacerdotibus in persona, multò minus nomine communitatis, sed per procuratores coram Tribunalibus agitentur.

De Fraterna Cohabitatione.

XXIV.

Duo, tres, vel etiam plures Clerici, pro locorum qualitate (conformiter antiquis Ecclesiæ Canonibus) eâdem in domo, ac mensa piè, sobriè castè & fraternè cohabitent; nec faciliè aliquis solus exponatur, nisi locorum distantia postulet, eaq; sit parochialium proven-
tuum tenuitas, ut duo cohabitare non possint: tales verò soli exponantur, quæ eam vitæ morumque constantiam probârunt, ut solitudo nihil periculi secum trahere merito credatur.

XXV.

Ut autem hujus vitæ socialis disciplina, vitatô otio, sanctius continuetur, & simul major proximo utilitas accrescat, teneros adolescentes in bonis moribus, & literis, eò usque informabunt, prout singulorum capacitas, opportunitasq; locorum permiserit.

XXVI.

Ne tamen ipsi Clerici notitiam studiorum Theologicorum, & Controversisticorum in scholis acquistam deperdant, se se, etiam postquam ad animarum curam, aliasq; functiones Clericales applicati fuerint, in prædictorum studiorum exercitio diligenter occupabunt, & subinde in loco ad hoc deputando, per repetitiones & conferentias desuper instituendas, aliquod suæ industriæ, ac profectûs specimen exhibebunt.

XXVII.

Fraternam charitatem , & unionem sedulò observare nitatur , supportantes se , mutuò in charitativa patientia , & infirmitatis propriæ recordatione; quemadmodum nos , & totum mundum in peccatis innumeris divina bonitas benignissimè sustinet.

XXVIII.

Quilibet Sacerdotum , quavis hebdomada pro Summo Romano Pontifice, & occurrentibus Sanctæ Ecclesiæ necessitatibus , nec non pro incremento hujus vitæ Clericalis , & singularibus ejus Benefactoribus unam Missam faciat: menstrua verò sacra duo (unum quovis in loco pro ejusdem Ordinario, alterum pro defunctis Confratribus, & Benefactoribus) à singulis celebrentur. Quotiescumq; etiam continget aliquem ex dictis Confratri-

bus è vita decedere præter consue-
tas exequias, quæ in sepulturæ lo-
co peragentur, quivis Sacerdos
hujus vitæ, pro salute animæ ejus-
dem, tria Sacra legat: preces, &
alia pietatis opera uniuscujusq; li-
bertati relinquuntur.

De separatione mulierum.

XXIX.

Cum Sacerdotes quotidianum
Christi Domini receptaculum sint,
arctissimam castitatis custodiam o-
mnes habeant, enitendo Angeli-
cam puritatem imitari; ad quam
obtinendam portas sensuum occlu-
dere, omnesque occasiones, & pri-
vata cum mulieribus commercia
diligentissimè fugere studeant.

XXX.

Quare nullæ mulieres cum hisce
Sacerdotibus in eadem domo ha-
bitent; sed quantum fieri potest, in

administratione domûs & culinæ, opera virorum utantur, si tamen familiæ rusticæ, vel alia inevitabilis necessitas, mulierum famulitium requirat; matres, vel sorores, si haberi possint, vel saltem tales suscipiantur, quas vitæ, morumq; honestas commendat, eâ nihilominus separatione factâ, quæ Superioribus videbitur fore sufficiens, & necessaria.

De Obedientia.

XXXI.

Viam regiam sanctæ illius obedientiæ omnes teneant, quam locorum Ordinariis exhibere Clerici Sæculares communiter tenentur: quemadmodum hæc via Clericalis ab origine sui, sine exemptione illorum Jurisdictioni se subiiciens sanctè servavit, & servare deinceps perpetuò debet. Præterea omnibus, & singulis dictæ vitæ consti-

tutionibus , ac omnibus illis , quæ eorum Superiores rationabiliter in Domino mandaverint , circa actiones , & functiones suas privatas & æconomicas , perfectam quandam obedientiam , non solum opere , verum etiam voluntate , & intellectu , præstare pro viribus instantur , salvâ semper in omnibus Ordinariorum authoritate , & Jurisdictione.

XXXII.

In obtinendis, vel retinendis beneficiis non proprium suum arbitrium , vel commodum spectantes , promptum semper , & paratum animum habeant , vel manendi , vel alio eundi ; sic tamen , ut in acceptance , ac dimissione , seu renuntiatione ejusmodi beneficiorum , ordo debitus , & uniuscujusq; Diæcesis consuetudo semper observetur.

XXXIII.

Secundùm subordinationem superioritatis, & inferioritatis unusquisque in conversatione sua, vel officio, ab alio se dirigi patiatur: si quis tamen fortè irrationabili & indiscreto imperio gravetur, ad Superiorem recurat; qui pro sua discretione in Domino remedium afferet. XXXIV.

Superioribus suas necessitates candidè aperiant, & amotûs suspicionibus, eorum dicta, & facta, ita accipiant, ut semper in meliorem partem interpretentur etsi propriæ voluntati, & judicio contraria esse videantur: maximè verò caveant murmura, & factiones contra Superiorum dispositiones excitare; hæc enim mutuam charitatem scindunt, bonorum regimen disturbant, & instar pestis corpus viresq; Communitatis inficiunt, ac divino spiritui aduersantur.

De cura animarum.

XXXV.

Cum pro nostræ vocationis scopo habeamus , juxta normam SS. Canonum (quo ad ejus fieri potest) & vitæ Ecclesiasticæ honestatem , puritatemq; vivere , & simul per functiones Parochiales Dei honorem , & salutem animarum, sincerè atque vigilanter , cum propriæ perfectionis studio , per Dei gratiam promovere; idcirco Sacerdotes hujus vitæ singulari industriâ dictam animarum curam exercebunt, & quidem eâ ferventi charitate, ac sollicitudine, ut neq; in verbo, neq; in opere, aut exemplo bono aliquid desideretur, quod ad oviculas sibi concreditas, etiam cum extremo vitæ periculo , ritè pacendas conducere possit.

XXXVI.

Sacramentorum itaque admini-

strationem, Sacrarumq; Cæremoniarum functiones, cum decenti gravitate, & veneratione peragant. Ritus etiam ubique illos observent, quos Romana Ecclesia, & locorum Ordinarii præscripserint.

XXXVII.

Ad frequentem usum Sacramentorum, Pænitentiae, & Eucharistiae populum fervidè adhortentur; necessitatem, vim, & effectus eorum explicando; maximè verò invigilent, ut ægroti Sacro Viatico, & extremâ Unctione maturè provisi, ex hac vita decedant.

XXXVIII.

In prædicando Evangelio Christi, solius Dei gloriam, & animarum salutem spectantes, ab omni invectivarum genere, & acrimoniâ verborum in particulares personas abstineant, neque hominibus, sed Deo placere studeant: unde, & o-

stentationem, & auditorum captui minus accommodatos conceptus fugiant; ea semper in medium proferentes, quæ pro diversitate auditorii sui, populum in virtute Christiana erudire, aut in moribus corrigere, vel in charitate, aliarumq; virtutum studio magis accendere apta sint. De quibus plura infra.

XXXIX.

In sensu simplicitatis, & veritatis Christianæ abundantes, Ecclesiæ traditiones, & Sanctorum Patrum doctrinas, præcipuè verò Sacræ Scripturæ libros summè æstiment, venerentur & sibi familiares reddant; quos non ex propria sapientia interpretando, ad subtiles conceptus trahere, sed simpliciter ita proponere studeant, prout est utile ad docendum, ad arguendum, ad corripiendum, & erudiendum in justitia, & prout Sancta Ecclesia,

Sancti Patres, & Theologorum orthodoxorum conſenſus, ſanctè hacætenus intellexit, & etiamnum intelligit.

XL.

Doctrina catechetica, ad rudiores, & parvulos in articulis fidei orthodoxæ, & moribus Chriſtiano homine dignis ritè inſtruendos, ſingulîs Dominicis in Eccleſiis Parochialibus uniformiter ex præſcripto inſtituatur; ut ſic ex naturalibus ignorantie tenebris ad lumen veritatis fidei, & viam ſanctæ converſationis traducantur.

XLI.

Ad hoc plurimum juvabit, ſi ſcholas vernaculas (quæ magnum, præter alia commoda non pauca, doctrinæ catecheticæ cum fructu proſequendæ præſidium conferunt) ruri non minùs, quàm in civitatibus, omni ſtudio & ſolicitu-

dine instituendas curent, frequentius visitent, & ea, quæ in catechesi dicta, vel dicenda sunt, ludimagistrum parvulos suos docere jubcant. XLII.

Ex vernaculis hisce scholis aliqui bonæ indolis parvuli ad ædes parochiales assumantur; qui Sacerdotibus ad altare inserviant, mensæ ministrent, ad eamque Scripturam Sacram legant, canere, & latinè loqui paulatim addiscant; in misteriis quoque Christianæ fidei, timore Domini, ingenuis moribus, bonis literis, & aliis hujus vitæ Clericalis principiis instruantur; sicque ad omnem pietatem, & morum honestatem ab ineunte ætate sollicitè educantur.

XLIII.

Animarum fructum plurimum promoveri sciant, si Parochiani sincerâ charitate foveantur: hinc æ-

grotos frequentius invisant, eisq; cum opus erit, ad ultimam luctam ex debito salutaribus monitis assistant, & confortent: pauperum verò, pupillorum, viduarum, aliarumque miserabilium, & afflictarum personarum singularem quandam curam habeant, earundem necessitates, & misérias, quantum fieri poterit, consiliò, operâ, solatiò sublevando.

XLIV.

In Parochiis suis nihil novi incipiant, nihil mutant; verum consuetudinibus laudabiliter hactenus observatis insistant; maximè verò caveant, ne in ullam controversiam, præsertim cum Magistratibus se intromittant; nisi requisitò priùs Superiorum consiliò, & impetratò consensu.

XLV.


Hanc Clericorum Sæcularium

vitam diligant , defendant , propagent , & in vocatione sua , tanquam generosi milites in statione , quibuscumque adversariis non obstantibus , constanter perseverent ; ac pro firmiore harum Constitutionum observatione , & custodiâ , quandoq ; colloquia instituant , quibûs id efficiant , ne res suæ , sive spirituales , sive temporales , aliquid capiant detrimenti , & casu , quo disciplinam dissolvi , vel æconomiam periclitari deprehenderint ; providô , maturôq ; consiliô occurrant , quod ipsum assequentur faciliùs , si quis in examine privato , juxta statum , & conditionem suam , super his Constitutionibus , cum proposito emendationis , diligenter se examinaverit .

XLVI.

Denique hæ Constitutiones sub peccato , per se loquendo , non o-

bligant, etsi quis ad hanc vitam Clericalem servandam per juramentum se adstringat. Solus autem ille perjurus censebitur, qui proprio motu se ab hujus Clericalis vitæ, & disciplinæ statu separaverit.



CONSTITUTIONES

JUVENTUTIS AD VITAM
SACERDOTALEM CLERICO-
RUM SÆCULARIUM.*In Commune viventium Educandæ.*

P R O O E M I U M.

Finis hujus vitæ Clericalis est,
& Clericos Sæculares in Com-
mune viventes in honestate, & di-
sciplina Clericali conservare & in-
genuos adolescentes ad eadem edu-
care : unde qui hic aluntur firmiter
sibi pronere debent, quòd Sacerdo-
tes facti, sub disciplina hujus vitæ
ad incrementum Ecclesiæ Catholi-
cæ militare, & juxta propriam, &
aliorum salutem ex professo pro-
curare velint. Quare, qui ad hujus
disciplinæ institutionem accedunt,
sibi persuadeant, se verè in filios,

& in membra hujus corporis suscipi: igitur seposito erga domum paternam & consanguineos inordinato affectu, eò magis Deum Creatorem suum, & Spirituales suos parentes diligere debent, quò majora beneficia & pretiosorem vitam omninò gratis ab ipsis accipiunt. Proinde hanc Clericorum sæcularium vitam, ut veram & charissimam Matrem habeant, illius disciplinæ ex animo se submittant, tradendo personas suas, institutas, & erudiendas secundum voluntatem suorum Superiorum: maxime verò ad perfectionem debitam, & gradum quandam excellentem communitalis bonorum, dilectionis fraternæ, castitatis, & obedientiæ ab adolescentia conentur; in quibus, veluti columnis, tota structura hujus vitæ Clericalis subsistit. Porro Constitutiones hu-

jus juventutis ad vitam Clericorum sæcularium ritè educandæ in tria potissimum puncta dividere visum est. Primum erit de pietate Christiana: alterum de morum honestate; tertium de studiis literarum.

De Pietate Christiana.

I.

Articulos fidei Catholicæ, eorumque fundamenta animis suis firmiter imprimere; item tam Sacramentorum virtutes, quàm etiam significationes sacrarum Cæremoniarum, earumque congruitates probè addiscere studeant, ex quorum deinde scientia intelligant, solam Ecclesiam Catholicam cælestis sapientiæ, & divinæ veritatis, insuper & morum laudatissimorum in terris Magistram existere, extra quam salvari impossibile sit.

II.

Nosse prætera debent, mundum, carnem, & diabolum esse tres animæ nostræ capitales hostes, qui viam ad Cælum tanquam latrunculi obsidentes, suis hostilitatibus efficiunt, ut tota vita hominis sit militia super terram, ad quam viriliter oportet accingi. In hunc finem sibi omnis generis practica principia, ac media facilia ex lectione, & meditatione sacra comparabunt, quibus concupiscentiæ motus, aliæque tentationes eludi, & muscarum instar possint ac debeant repelli. Huic rei maximoperè deservient libri piorum Auctorum, quos Pater Spiritualis singulorum captui, atque profectui idoneos judicaverit.

III.

Frequenter sibimetipsis inculcent humani generis vilitatem,
vanita-

vanitatem, fragilitatem & nihilum, ut ex hujusmodi cognitione, & quotidianâ experientiâ agnitionem sui ipsius paulatim consequantur. Item tam beneficia Creationis, Redemptionis, & Sanctificationis, quàm pœnas eorum, qui iisdem abutuntur; sicut & quatuor hominis novissima perpetuò ob oculos ponant; ut sic vel ad amorem Dei, gratiq; animi affectum, vel ad justum timorem Domini seriò impellantur, super quæ, tanquam firma Christianæ vitæ fundamenta, olim solidarum virtutum ædificium extruere oportet. IV.

Virtutum Theologicarum, fidei, spei, charitatis; & Cardinalium, prudentiæ, temperantiæ, fortitudinis, & justitiæ genuinam naturam practicè addiscant. Ad hæc in vera humilitate, patientiâ, abnegatione, sui ipsius jugiter se exerceant, omnesq;

suas actiones in vera discretionem instituere serio conentur: maxime verò quodnam in quavis virtute medium, & quænam vitiosa extrema sint, sedulo indagent: alias enim juvenilis impetus, ob suam immoderatam vehementiam, experientiâ teste facile & plerumque ad extrema deflectit. Hic multum proderit, si quilibet aliquid temporis certo cuidam vitio, vel particulari defectui extirpando, & virtuti oppositæ exercendæ, juxta majorem suam indigentiam & utilitatem de consilio Patris Spiritualis, vel quoties sibi aliàs visum fuerit, impendat.

V.

Veram indifferentiam erga omnes res hujus mundi habeant; solum illud optimum existimantes, quod à Dei, & Superiorum voluntate dimanat: proinde promptam

obediendi voluntatem, quæ omnibus hanc vitam sectantibus maxime necessaria est, à juventute sibi comparabunt.

VI.

Tam primam innocentiam, quàm castitatem mentis, & corporis, ut pupillam oculi, illibatam conservare fatagant: proinde principiis obstant, & omnes malas suggestiones sine cunctatione ex animo ejciant.

VII.

Ad sensuum suorum tam internorum, quàm externorum custodiam pro viribus attendant: maxime verò ab auditione rerum turpium, tanquam à facie colubri, fugiant; & si fugere non possint, reprehendant, vel saltem seriò apud se detestentur.

VIII.

Oculos suos ab omni curioso intuitu Sexûs fœminæ, aliarumque

vanitatum, quæ hominem fasci-
nando inquinare, vel distrahere
solent, sollicitè avertant. Hinc fre-
num timoris Domini sibi iniicien-
tes, foris, & in templo oculos ab
omni inordinata evagatione pro-
viribus cohibere nitantur; quod fa-
ciliùs consequentur, si præsentiam
Dei, & futurorum bonorum stabi-
litem, respectu quorum hæc ca-
duca vilescent, animò jugiter re-
volvunt. IX.

Turpiloquia, sicut & blasphemiae,
procul arceantur; & si quis in his
deprehensus, tertiaque vice corre-
ptus, emendationem effectivè non
demonstraverit, tanquam pestis è
consortio innocentum ejiciatur.

X.

Ne rerum singularium usû ad avari-
tiæ sordes inclinentur, nemini li-
ceat pecunias proprias, aut res ali-
as, clandestinè, possidere; & si quis

à parentibus, consanguineis, tutoribus, aut quibuscunq; aliis simile quid acceperit, non sibi seorsim reservet, sed in communi custodiâ Superiori aservandum tradet. Hinc etsi plutei ad aservationem quarundam regularum studiosæ juventuti necessariarum, singulis permittantur, Superior tamen ad eos clavem magistram habebit.

XI.

Singulis diebus, statim post preces matutinas, mediam horam lectioni spirituali, vel meditationi diligenter impendant; & quæ ex attenta lectione; vel meditatione notatû digna deprehenderit, cum brevi reflexione, primò memoriæ benè mandent, tum etiam in libro suo spirituali ad hoc deputato clare, & breviter notent, ne thesauro spiritualis scientiæ defraudentur.

XII.

Quotidie, tempore, & loco sibi assignato, tremendo Missæ Sacrificio devotè intersint; & sub eodem non solum corpus & animam, verum etiam omnes cogitationes, verba, & opera sua Patri Cælesti per Jesum Christum in servitium offerant: & qui Officium parvum B. Virginis Mariæ necdum orant, Officium Immaculatæ Conceptionis à S. Sede Apostolica approbatum, una cum Hymno S. Casimiri, pariter approbato vel approbando, præcipuè pro conservanda castitate persolvant: cum verò celebrans ad Communionem pervenerit, suam quoq; spirituales Communionem (prout didicerunt) instituant.

XIII.

Qui verò in majoribus Classibus existunt, Officium parvum B. M. Virginis pro incremento gratiæ

vocationis Clericalis singulis diebus recitent; sic quidem, ut Primam, Tertiam, Sextam, & Nonam sub Missæ Sacrificio, Vesperas verò, & Completorium, cum Matutino & Laudibus pro die sequenti, tempore pomeridiano paulò ante cœnam in honorem Genitricis Dei, Reginae, & Patronæ singularis hujus vitæ Clericalis, pro temporum diversitate, alternis vocibus recitando persolvant.

XIV.

In templo sub Missæ Sacrificio, aut Vesperis verâ pietate, & modestiâ prælucentes, ab omni garrulitate, & strepitu, oculorum curiositate, & inordinata mentis, omniumque aliarum facultatum effusione se custodiant. Sub auditione Verbi Dei januam alienis cogitationibus præcludendo, intellectum, memoriam, & voluntatem, ad per-

cipiendum debitum fructum, Con-
cionatoris sermoni ex animo ac-
commodent.

XV.

Philosophiæ, & Theologiæ stu-
diosi singulis septimanis, & majo-
rum totius anni Festivitatum die-
bus, conscientiam suam Sacramen-
tali Confessione expiare, & ad Sa-
cræ Communionem accedere as-
suescant: qui verò in humaniori-
bus scholis existunt, saltem singu-
lis quatuordecim diebus id òbser-
vabunt. Confessariis autem confi-
teantur omnes, quos Superiores,
vel ex hujus vitæ Clericalis Sacer-
dotibus, vel aliunde determina-
verint.

XVI.

Post Cômunionem aliquantum
temporis in gratiarum actionem
pro tanto beneficio, aliquam affe-
ctuosam orationem, vel ore, vel
mente recitando impendant; in

qua omnia viscera sua, cum omnium necessitatum suarum, tam privatarum, quam publicarum Ecclesiæ, explicatione, coram oculis divinæ Majestatis effundent, & in vulnera Christi hospitis amabilissimi abscondendo commendabunt.

XVII.

Ut ab occultis sathanæ & naturæ vitiatæ insidiis facilius præferventur, ab adolescentia assvescant, non raro cum Superioribus, Patre Spirituali, & Confessario super statu hominis sui interioris conferre; & iisdem graviores, præsertim extraordinarios, animi sui motus, & impulsus candidè aperire, id, quod ad cognitionem, & discretionem spirituum, an ex Deo sint, nec ne, plurimum prodesse dignoscitur.

XVIII.

Singulis annis collectioni spirituali, qui ejusdem capaces sunt,

per aliquod dies vacabunt. Idem observetur in eorundem susceptione ad hanc vitam, antequam juramentum præstent: adjungant etiam confessionem generalem totius vitæ, nisi ante eam fecerint.

XIX.

Majores junioribus in observatione constitutionum, tanquam speculum veræ integritatis, pro viribus præluceant; & cogitent, se à pueritiæ indulgentia ablaetatos, jam ad veras & solidas virtutes evocari; proinde spiritali fulgore, studiosis nempe virtutum, & exercitiorum hætenus præscriptorum actibus, in vera discretionem ubique prælucere conentur.

De morum honestate.

XX.

Adeam integritatem morum omnes & singuli pro viribus atten-

dant, ut castigationibus non indigeant; & si deliquerint, citò contriti, & humiliati, fateantur suam culpam, atque cum proposito seriæ emendationis, se Superioris arbitrio submittant, sustinentes libenter pœnitentias, quæ pro qualitate delicti fuerint injunctæ; idque sine resistentia, aut murmuratione, vel frivolâ excusatione.

XXI.

Senectutem venerentur, & tam domi Superiores, quàm foris Sacerdotes, ac personas Ecclesiasticas quascunq; maximè verò præceptores suos, & omnes homines, secundum cujusque statûs dignitatem, ex animo venerentur, ac debitum honoris titulum impendant.

XXII.

In externis cæremoniis, quæ in modò dictæ reverentiæ signum solent adhiberi, hypocriticam pseudo-

politicorum simulationem, & ineptam gesticulationem, ut pestem fugiant, è contrà cum debita gravitate, modestia, & decore, ut recta prudensque dictabit ratio venerationem paucis ostendant.

XXIII.

Quoties domi, vel foris, sibi invicem obviabunt, semper ii, qui sunt in inferiori Classe adolescentium altiorum Classium, omnes verò, & singuli suos Superiores, aliosque Sacerdotes, honore debito prævenerint, Majores quidem detecto capite, Superiores verò, & Sacerdotes, etiam cum inclinatione corporis salutantes.

XXIV.

Coram Superioribus, & majoribus se ultrò non facilè ad loquendum ingerant, ad interrogata verò paucis, modèstè, & graviter respondeant. Cum æqualibus ea agere,

& loqui expedit, quæ vel honestas, vel utilitas, vel necessitas commendat.

XXV.

Quando advertent, ex domesticis aliquem deliquisse, aut ad delictum periculose inclinari, vel si aliud quodcunque scandalum patiantur, ad Superiorem debitâ cum modestiâ, locô, & tempore congruo, fraternæ correctionis causâ deferre teneantur, ut maturè malo occurri possit.

XXVI.

Contra correctionem Superiorum non murmurent & si quid injustè sibi pati videantur, patienti taciturnitate prudenter sufferant, & in meliorem partem accipiendo cogitent, se de præsentî non intelligere correctionis mensuram. In primis autem caveant, ne de suis Superioribus malè loquantur, vel

illos judicent, irrideant, aut illorum dicta, facta, correptiones, dispositiones &c. sinistrè interpretentur; multò minùs talia suis sociis, aut (quod pejus foret) extraneis evulgent.

XXVII.

Contra dispensationem necessariorum, nullas factiones, & murmura excitent; sed si quem defectum horum quomodolibet in veritate notaverint, competenti Superiori seorsim indicabunt, ut suò tempore; & modo sciat remedium adhibere.

XXVIII.

Ab omni specie mendacii abstinere; veritatem verò, quæ inter præcipua benè moratæ juventutis ornamenta meritò numeratur, tanquam pupillam oculi, in omnibus verbis, & actionibus suis custodire studeant.

XXIX.

Non adulentur, non pietatem fingant, neminem decipiendo verbis circumveniant: & in narratione rerum auditarum ab omni falsa amplificatione abstineant, ut sicut os loquitur, ita in veritate sentiat cor. XXX.

Nemo alterum mendacii incivilliter arguat; nec in passione iræ erga se invicem effervescent, aut vindictam sumere quocunque modò attentent: ad competentem verò Superiorem, si rei gravitas postulaverit, rationabiliter, & sine cupiditate vindictæ deferre nemo prohibetur, qui noverit optimè in Domino providere.

XXXI.

Sermone utantur modesto, non sapientiæ sublimitatem affectent, non falsæ humilitatis abiectiōem, sed in omnibus curent simplicita-

tem sinceritatemque Christianam
servare; quibus ædificetur proxi-
mus, non offendatur.

XXXII.

In iis, quæ narrant, ambages. &
superfluos verborum ambitus sicut,
& circumstantias ad rem non per-
tinentes, abscindant & modò rectò,
ac planò ad scopum sui discursûs
festinent, aliis etiam discurrendi
locum celsuri,

XXXIII.

Seipfos præ aliis non extollant,
neque interiùs in suis rebus sibi va-
nè complacent: multò minùs se-
ipfos, aut sua laudare, & per jactan-
ctiam magni facere præsumant:
cogitare enim debent omne bo-
num esse desuper à Patre lumi-
num. XXXIV.

Non sint morosi, erga omnes au-
tem affabiles, manè, & vesperi sa-
lutem invicem impertiantur: mi-

nore in alloquio à majoribus , & superioribus affatum expectent; quod debitæ submîssionis & verecundiæ signum fuerit.

XXXV.

Tam vultûs tristitiam, & oculorum austeritatem, quàm levitatem in seipsis omnes sic corrigant, ut svavitas cum gravitate, modestia verò cum magnanimitate in cujusvis vultu certare videatur, in hoc ipso tamen omnem simulationem, & hypocrysin excludentes.

XXXVI.

Exclusa omni levitate, in incessu gravitatem cum modestia conjungant semper, incedendo non currant; in vestibis munditiam amment, sordes oderint, & in omnibus verbis, actionibusque suis gestus membrorum, ac totius corporis compositionem talem exhibeant, quæ omnem hominem ædificare possit, ac debeat.

XXXVII.

Erga cibos in mensa appositos ipsius appetitûs sensualitatem sibi prædominari sic non sinant, ut gula rectæ rationis usum præveniat; quantum autem ad moderatam corporis refectionem necessarium fuerit comedant: in singulorum ciborum contrectatione debitam modestiam, ac decorem in aliorum ædificationem observent: silentium quoque in triclinio sanctè servetur, extra mensam porro ordinariè sive domi, sive foris, abstineant, neque sine licentia Superiorum alibi comedant, aut bibant.

XXXVIII.

Post mensam aliquantum temporis honestæ recreationi indulgebunt, sic tamen, ut ab indecora corporis agitatione abstineant, & cum ea circumspectione, ac modestia lætitiâ attemperent, ut nemo prudens offendi queat.

XXXIX.

Nemo autem, five domi, five foris, recreationi se subducere, vel ad alia loca, occasiones, aut consortia declinare, vel eo tempore, præpostero ordine, literis operam dare, vel in loco solitario se tristitiæ, aut melancholiæ dedere permittatur: est enim tempus flendi & tempus ridendi. omnia tempus habent.

XL.

Quamvis humanum sit, intra limites virtutis Eutrapeliæ, jocari, & jocos, aut sales ab aliis accipere, ac tolerare posse; nihilominus tamen stultiloquia, scurilitates, & alia, quæ honestatis terminos mediumque discretionis excedunt, in nulla occasione tolerantur. Cum verò ex humana imperfectione, tam domi, quàm foris, contra dictas Eutrapeliæ & discretionis le-

ges non rarò peccari soleat, à teneris absvescant, ne ita delicati efficiantur, ut nihil pati velint, aut possint, existimantes omnia sibi ex voto accidere debere.

XLII.

Cùm valde indecens sit, proprium sermonem suis interpolare cachinis, ideo in narrandis, vel audiendis leporibus, ac facetiis, nolint aliis in ridendo palmam præripere; sed appetitum suum inhibentes, cum moderata suavitate oris sua loquantur, vel alios auscultent: aliis in risum solutis, & ipsi subrideant; prout virtus Eutrapeliæ suaserit; vitando duo extrema, nimiam quidem austeritatem ex una, nimiam verò levitatem ex altera parte.

XLII.

In recreationibus invicem verbis, vel actionibus irritare, aut in-

sulforum morum ineptiis molesti
esse nolint, quibûs alii ad tristi-
tiam, nauseam, irracundiam, vel
antipathiam provocentur.

XLIII.

In auscultando alterius discursu,
secluso omni contemptu, sagaciter
observent, quid is pulchrum, quid
indecens effundat, indeque sibi do-
cumenta tacitè efforment, quomodo
se in simili occasione gerere velint,
quæ cavere, quæ observare: lo-
quentem autem proximum impor-
tunè ne interrumpant, sed patien-
ter audiant; indecens enim est au-
diri velle, audire verò non nisi im-
patienter.

XLIV.

Nemini detrahant, aliorum di-
cta, & facta in melius interpræten-
tur. Sinistrè verò alios judicare,
& amarîs verbis perstringere, ode-
rint, cane pejus & angve.

XLV.

Ubi duo, tres vel plures fuerint simul, cayeant, ne defectus tertii, (quisquis ille fuerit, domesticus, vel extraneus, Superior, vel æqualis) imprudenti ore suggillant, quod enim sibi quis fieri non vult, æquum est, ne faciat alteri.

XLVI.

Alterius dicta vel facta, seu graviora, seu leviora videantur, tertio non revelent; sed ad Superiorem, si correctione indiguerint, cum debita modestia, & commiserationis affectu deferant.

XLVII.

Ab aliis audita in se finant emori, quæ cum debita utilitate, necessitate, aut honestate non propalari possunt: quod fiet, si Superiores abolendæ garrulitati, adulescentes verò servando silentio dederint operam.

XLVIII.

Si quis proximum, vel fratrem suum, de tertio malè loqui audiêrit; hoc tertio non manifestabit: multò minùs, quæ tertius ille de eodem proximo dixerit, velut susurro, effutiet: hæc enim quia discordiam seminant etiam in rebus levibus, adolescentes, odiò capitali prosequi meminerint.

XLIX.

Unus alterum vexando, irritando vel defectus exprobando, ad iram non provocet; multò minùs discordiam inter fratres seminare, aut cum altero verbis, pugnisque contendere attentet, quæ omnia, sicut è diametro bonis, moribus repugnant, ita in domo juventutis nequaquam tolerabuntur.

L.

Quòd si unus alterum læserit, citò in gratiam redeant, & qui illa-

tæ injuriæ reus fuerit, injunctâ pœnitentiâ, læsæ parti humiliter deprecando satisfaciat.

LI.

Injurias tamen ab aliis sibi illatas nullô modô vindicare velint, scientes in patientia possidere animas suas; maximè si tantum in propriam personam, sine alio nocumento redundare videantur.

LII.

Si quando proximus in flagranti passione effervescit, qui sibi præsentibus sunt, cedant, illius iræ dando locum, ne similiter accendantur. Hinc neq; corripiant quemquam in fervore animi constitutum, sed tempus congruum expectent, donec ardor sedetur, & sedatâ passione correctionis sit capax.

LIII.

Nemo alteri quicquam furetur, aut ex petulantia abscondat: proinde

inde seriò sit omnibus interdictum aliorum musæa pervagari, aut pluteos lustrare.

LIV.

Omnium rerum munditiem diligentes, non tantùm in musæo libros, chartas, aliæque studiosis necessaria, post singulos usus in ordinem componant, verùm etiam in cubiculo vestimenta quæcumq; inter sordes perire, & aliis nauseam creare non sinant.

LV.

Longiores crines, aut comam non nutrant; sed proscriptâ indecorâ capillorum longitudine, modestam mediocritatem ex præscripto uniformiter omnes servant, ut caput honestè tegatur, non obruatur.

LVI.

Seorsim dormiant omnes; & totum corpus cum omnibus membris

ad debitam honestatem componere, sicque compositum in obsequio servare assuescant.

De studiis literarum.

LVII.

Gratiæ Dei, & naturæ talentis viriliter cooperentur; virtutumque studio illum scientiarum profectum conjungant, qui virtutibus adminiculetur.

LVIII.

Tam in scholis, quàm domi, eliminatâ omni petulantia, explicationibus, alisque scholasticis exercitationibus, sedulâ attentione aures præbeant.

LIX.

Tempore studiorum nemo strepitum, aut pulveres excitet, multò minùs extra proprium musæum in domo vegetur, aut quocumquo modò alios inquietare, & à studiis impedire audeat.

LX:

Concertationes scholasticæ ab-
sque clamore nimio, qui verita-
tem dubii solummodo confundit,
sic instituantur, ut argumentans
tardè & ordinatè sua proponat; de-
fendens verò patienter argumen-
tum audiens ad formam respon-
deat. In se invicem non invēhan-
tur, neque fervore nimio, vel irā
excandescant: multò minùs unus
alterum confundere, sed rei pro-
positæ veritatem eruere conentur,
& ubi illius evidentia, vel proba-
bilitas constiterit non violenter
argumentum ex stimulo superbiæ
intellectualis torquerè præsumant,
sed veritati, vel probabilitati pru-
denter acquiescant.

LXI.

A prandio ante initium studio-
rum mediam saltem horam cantui
chorali addiscendo impendent o-

mnes, à quo nemo eximi poterit. Hunc semel edocti, vel ad cantûs figurâlis, vel musicæ instrumentalis varia exercitia pro cujusque capacitâ applicabuntur.

LXII.

In quibus quilibet privatim deliquit, etiam privatim castigetur, publica verò delicta publicâ pœnitentiâ intra domesticos parietes mulctentur, ut sic scandalum tollatur, & alii à similibus absterreantur.

Nobis propterea præfati exponentes, ac etiam dilectus filius Abbas Pompejus de Scarlatis dilecti filii Nobilis Juvenis Maximiliani Emmanuelis utriusq; Bavarix Ducis, Sacri Romani Imperii Principis Electoris, in Romana Curia Administer, tam ipsius Prin-

cipis Electoris , quàm dilecti quoque filii Nobilis viri Ducis Maximiliani Philippi ejus Patruī , & Electoratūs Administrātoris nomine humiliter supplicari fecerunt , ut Institutum , & Constitutiones hujusmodi pro majori Religionis Catholicæ bono , ipsiusque Instituti decore & augmento , Apostolicæ confirmationis nostræ patrociniō communire , & alias opportunè in præmissis providere de benignitate Apostolica dignaremur. Nos igitur piis eorundem Maximiliani Emanuelis & Maximiliani Philippi Ducum votis , quantum cum Domino possumus favorabiliter annuere , dictosque exponentes specialis favore gratiæ prosequi volentes , & eorum singulares personas à quibusvis excommunicationis , suspensionis , & interdicti , aliisque Ecclesiasticis sententiis ,

censuris & pænis à jure, vel ab homine quâvis occasione, vel causa latis, si quibus quomodolibet innotatæ existunt, ad effectum præsentium duntaxat consequendum, harum seriè absolventes & absolutas fore censentes, hujusmodi supplicationibus inclinati, de memoratorum Cardinalium consilio, Institutum prædictum sub immediata Jurisdictione Ordinariorum, & directione unius generalis Præsidis, nec non Constitutiones præinfertas, cum omnibus & singulis in eis contentis, Auctoritate Apostolicâ tenore præsentium Confirmamus, & Approbamus, illisq; inviolabilis Apostolicæ firmitatis robur adiicimus, ac omnes & singulos Juris, & facti defectus, si qui desuper quomodolibet intervenerint, supplemus. Præterea eisdem exponentibus alias Constitutiones

præinfertis non contrarias pro spiri-
rituali, temporalique dicti Institu-
ti directione ab hac Sancta Sede
postmodum approbandas conden-
di facultatem impertimur. Ac ad
tollendam omnem ambiguitatem,
cum dicti exponentes sint Clerici
merè sæculares, omnibusque sæ-
cularis Cleri oneribus obnoxii,
eosdem exponentes quorumcunq;
beneficiorum Ecclesiasticorum sæ-
cularium capaces esse, ac proinde
Canonicatus, & Præbendas, Persona-
tus, Dignitates, etiam post Ponti-
ficalem majores in Cathedralibus,
etiam Metropolitanis, & Princi-
pales in Collegiatis Ecclesiis, nec
non Parochiales Ecclesias earum-
que perpetuas Vicarias, & alia
quæcunq; cum cura, & sine cura,
beneficia Ecclesiastica sæcularia
quomodolibet qualificata, quæ per
Clericos sæculares obtineri con-

ſueverunt, poſſidere, ac conſequi
& obtinere poſſe, Auctoritate, &
tenore præſatis declaramus. De-
cernentes eaſdem præſentes lite-
ras ſemper firmas, validas, & ef-
ficaces exiſtere, & fore, ſuosque
plenarios, & integros effectus ſor-
tiri, & obtinere, ac illos, ad quos
ſpectat, & pro tempore quando-
cunq; ſpectabit, in omnibus, & per
omnia pleniffimè ſuffragari, & ab
eis reſpectivè inviolabiliter obſer-
vari; ſicq; in præmiſſis per quos-
cunque Judices Ordinarios, & de-
legatos etiam cauſarum Palatii A-
poſtolicæ Auditores, judicari, &
definiri debere, ac irritum, & in-
anè, ſi ſecus ſuper his à quoquam
quavis auctoritate ſcienter, vel
ignoranter contigerit attentari.
Non obſtantibus præmiſſis, ac
Conſtitutionibûs, & ordinationi-
bus Apoſtolicis, nec non quate-

nus opus sit, quarumvis Ecclesiarum, aliisvè quibuslibet etiam Juramento, confirmatione Apostolica, vel quavis firmitate alia roboratis statutis; & consuetudinibus; privilegiis quoque indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis alias in suo robore permansuris ad præmissorum effectum hâc vice duntaxat specialiter, & expressè derogamus, ceterisque contrariis quibuscunq. Volumus autem, ut earundem præsentium literarum transumptis, seu exemplis etiam impressis; manu alicujus Notarii publici subscriptis, & sigillo personæ in Ecclesiastica

dignitate constitutæ munitis eadem prorsus fides ubique locorum tam in Judicio, quàm extra illud habeatur, quæ haberetur, ipsis præsentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die 7. Junii M.DC.LXXX. Pontificatûs Nostri Anno IV.

J.G. Slusius.



S T A T I O N E S

*Quotidianorum Exercitiorum
Spiritualium omnibus huic
vitæ additis communes.*

STATIO MATUTINA.

I.

Mane omnes , & singuli statu-
tâ horâ è lecto surgant ; &
factô signo S. Crucis inter induen-
dum seriò recogitent , quòd creati
sint , ut Creatori suo in hac vita
serviant , & per hoc ipsum servi-
tium salvi fiant. Ex hac cogitatio-
ne quendam vehementem in vo-
luntate impulsus excitantes , die
illo , ac in omni vita Deo servire ,
ad ipsiusque Majestatis majorem
gloriam , omnes suas cogitationes ,
verba , & opera unicè dirigere ;
consequenter peccatum , tanquam
summum hominis malum , fugere
firmissimè proponant.

II.

Porro vestiti ad abluendum corpus accedant, & sub lotione vultûs, puritatem cogitationum ac mentis; sub lotione oris, prudentiam, & verborum rectitudinem, & deniq; sub lotione manuum, sanctitatem operum suorum à Deo ex pellant.

III.

Uno quadrante sic impenso, flexis genibus ante altare domesticum clarâ voce Litanias Laurentanas, unâ cum adjunctis Sæ. Matris, & S. Josephi collectis, devotè recitent: addatur etiam cum suis versiculis, & responsoriis Oratio pro loci Ordinario, quæ incipit: Omnipotens sempiterne Deus, qui facis mirabilia magna solus. (Idem fiat meridie post Litanias Omnium Sanctorum, & noctu post psalmum, De profundis) tum ad

matutini examinis finem ter Pater & Ave in secreto subjungant, quibûs finitis, ad lectionem spiritualem, vel meditationem singuli accedant.

De intentione dictarum Litaniarum.

IV.

Has Litanias Lauretanas in dilectionis tesseram ex filiali affectu erga suam Matrem Sanctam Mariam Virginem quotidie recitent, unicè ab eadem flagitantes, ut nos filios suos in hora mortis, cum commite, & Sponso suo suavissimo Josepho, maternè velit protegere.

De examine matutino.

V.

In examine matutino super malignitate noctis inquirant, primò, quomodo præterita nocte conscientiam examinaverint, & preces

suas compleverint: in quibus cogitationibus, & desideriiis dormitum iverint: quâ noctem exegerint, & quomodo se mane usq; ad examen gesserint. Secundò, præter culpas, quas de præsentis in se repererint; omnia totius vitæ peccata conceptu quodam colectivo ac generali ante oculos Divinæ Majestatis, ingratitude propriam intimè agnoscentes, statuant; atq; de iisdem dolentes, humillimè se in abyssum misericordiæ Dei, & meritorum Christi per actus Fidei, Spei, & Charitatis proiciant. Tertiò, firmissimè in genere omnia peccata mortalia & venialia de præsentis die per divinam gratiam prorsus evitare proponant: in specie verò contra proprias passionibus suas, certumq; vitium extirpandum animum obfirmant.

VI.

Tria deniq; Pater & Ave in honorem Sanctissimæ Trinitatis persolvent; per Jesum & Mariam trium virtutum Thologicarum incrementum; item cogitationum, verborum & operum suorum rectitudinem perfectionemq; desiderent: insuper proportionatum medium, triplici hac nostrâ operatione ordinatè semper utendi, scilicet Lumen, Gratiam & benedictionem supernaturalem à Deo petant; quorum beneficio sciant (per illuminationem) quid in omni re Creatori suo acceptum sit; moveantur etiam (per gratiæ excitationem) ad eadem facienda; & deniq; moti ita afficiantur (per supernaturalem benedictionem) ut operentur bonum.

Statio Meridiana.

VII.

Postea unô quadrante horæ ante mensam recollectioni spiritûs insistant: & in hunc finem simul omnes Litanias de Omnibus Sanctis, unâ cum earum collecta, recitabunt, easq; præviô examine meridiano, dictisq; submissâ voce septem Pater, & Ave, concludent.

*De intentione dictarum Litaniarum
de Omnibus Sanctis.*

VIII.

Præfatis Litaniis non solum suos Patronos, sed etiam Omnes Sanctos, veluti singulares Dei Amicos & Advocatos amantiſsimos, piô affectu honorent & invocent; ut à Christo Jesu Rege suo veram charitatem fraternam, unitatisque vinculum adamantinum huic statui Clericorum sæcularium impetrare

velint, quò in hac vita, usque ad finem mundi, in debita compage pacis & dilectionis, ad suam & aliorum æternam salutem, mutuò conserventur.

De examine meridiano.

IX.

In hoc Examine recollectionem mentis seriam instituant, & super decursum medii diei sedulò inquirent, quam conformiter, vel difformiter, matutinis suis propositis fuerint operati; vel quibus delictis à præfixo sibi scopo divini servitii aberraverint, & si per divinam gratiam benè in stadio se cucurrisse invenerint, glorificent Deum, lætantesq; spiritû similiter reliquum diei cursum consumere proponant, quòd si verò defectus quoscunque repperint, eorum occasiones indagent, & contrito corde firmiter ad

oppositas virtutes animum assu-
mant. X.

Deniq; septem Pater & Ave sic
perfolvant, ut unicuiq; Pater no-
ster sua petitio (prout ordine in o-
ratione Dominica comprehendun-
tur, & paulò post fusius explican-
tur) correspondeat: idem fiat in
septem Ave Maria per Matrem Dei
à Filio suo postulando septem do-
na Spiritûs S. prout ad hanc vo-
cationem Clericalem, & ad lu-
crandas animas necessaria sunt.

*Explicatio septem Petitionum Oratio-
nis Dominicæ, cum earundem appli-
catione ad supradicta septem Pater
noster.*

PRIMA PETITIO.

*Pater noster, qui es in Cælis, sancti-
ficetur nomen tuum.*

XI.

In primo Pater noster mentem

ad Deum Patrem suum in cælis residentem elevent; & per memoriam innumerorum beneficiorum, quæ unicuiq; & toti orbi benignissimus Pater in creatione, conservatione & gubernatione exhibuit, & quotidie exhibet, filialem quendam affectum excitent, intimè humillimèq; desiderantes, ut primò à se ipsis, deinde à toto Clero nostro sæculari, & denique ab omnibus creaturis Deo Creatori suo omnis gloria deferatur; quemadmodum in cælis per illam unanimum vocem à tota curia cælesti in æternum Sanctus, Sanctus, Sanctus proclamatur.

SECUNDA PETITIO.

Adueniat regnum tuum.

XII.

In secundo Pater noster præsentiae Dei, quàm sibi priùs efformâ-

runt, insistentes, se ad Verbum Dei Incarnatum convertant; itidemq; per memoriam ingentium beneficiorum, quæ sibi ipsis toti; generi humano per redemptionem misericordissimus Salvator contulit, ad majorem quendam amoris affectum mentem suam erigant; totò desiderio intimè cupientes, ut primò à se ipsis, tum à toto Clero nostro sæculari, omnique genere humano fidelissimè huic Filio Dei, amantissimo Salvatori serviatur, & in nomine ejus omne genu flectatur, consequenter idem Salvator omnes homines (propter quorum salutem descendit de cælis) hic in teris, & ibi in cælis sibi regnum facere benignissimè dignetur.

TERTIA PETITIO.

*Fiat voluntas tua sicut in cælo. & in
terra.*

XIII.

In tertio Pater noster ad Spiritum Sanctum conversi, per memoriam beneficiorum, quæ tam in Sanctificantis quàm actualis gratiæ, & aliorum beneficiorum dispensatione specialiter unicuique, & toti mundo abundantissimè præstitit, & adhuc præstat, majore nisi ad amorem voluntatem suam inflammantes ardentissimè desiderent, ut hic Spiritus amantissimus, verus Deus, ab omnibus super omnia diligatur; & Sanctissima ejus voluntas, cum sit ineffabiliter bona, in cælo & in terra impleatur; cujus directioni sanctæ in omnibus conformari dulcissimum est, & his tribus petitionibus, Deo ob proprietatem Personarum, & appropriata-

tionem beneficiorum, gloria, servitium & amor præstari à nobis desideratur.

- QUARTA PETITIO.

*Panem nostrum quotidianum da nobis
hodie.*

XIV.

Verùm, quia secundum Apostolum Paulum non sumus sufficientes ex nobis aliquid cogitare, & tribus illis prædictis titulis divinæ Majestati sine ejusdem nova gratia satisfacere; ideo in quarto Pater noster, non solum corporalem, sed magis etiam spirituales panem, scilicet actuales gratiam ad Dei servitium necessariam, postulent: ad quam facilius obtinendam, more cujusdam mendici, qui cum olula ad divitis fores stare solet, in conspectu Sanctissimæ Trinitatis penitus humiliati se sistant, & o-

stendendo insufficientiam suam, mediantibus omnibus Sanctis, in vas suum inane (quod est anima) donari sibi à Deo efficacem gratiam exposcant, quâ ipsi per decursum diei dignum servitium præstetur.

QUINTA PETITIO.

*Et dimitte nobis debita nostra; sicut
& nos dimittimus debitoribus nostris.*

XV.

Cùm verò scriptura dicat, nimiumq; constet, nos omnes quotidie in multis offendere, quibus triplicem illum titulum divinæ Majestati debitum per neglectum laudis, per transgressionem legis, & deniq; per teporem charitatis lædimus; in quinto Pater noster quotidianorum defectuum veniam deprecantes, intimè à Deo postulent, ut in nullo peccato mortali ab ipso finaliter deserantur: hinc in-

star alicujus leprosi, qui in via iacet, & miseriam suam viatoribus monstrat, sua peccata, & imperfectiones summo Sacerdoti Jesu Christo humillimè lachrymis ostendant, firmissimè secum stantes, omnibus injuriis per alios sibi illatis, semper ignoscere.

SEXTA PETITIO.

Et ne nos inducas in tentationem.

XVI.

Penultimè, cum via hominis sit militia super terram, viamq; cæli hostes sævissimi, mundus scilicet, caro & diabolus perpetuâ obsidione infestent, quorum insidiis tot millia millium ad inferos tanquam spolia rapiuntur, neq; ignoremus, nobis etiam insidias esse paratas ad ruinam; ideo timentes Deum in visceribus suis, ab eo humilimè petant, ut tentationes benignissimè
averte-

avertere dignetur, ne in eas inducantur, in quibus peccarent, aut finaliter perirent: hinc in conspectu Dei, Omniumq; Sanctorum in comparatione suorum hostium se, tanquam parvulos, contra mille gigantes æstimabunt.

SEPTIMA PETITIO.

Sed libera nos à malo.

XVII.

Ultimò, quia nemo coronabitur, nisi, qui legitimè certaverit, in septimo Pater noster ad calicem temptationum heroicè se Patri cælesti offerentes victoriam finalem, & tam liberationem à peccatis, quàm damnatione æternâ vehementissimè postulent, desiderantes à malo æterno liberari. Et hæ quatuor petitiones ad tres ptimas, tanquam media ad finem, ordinatæ esse cernuntur.

XVIII.

Quantum ad septem Ave Maria; in primo donum timoris Domini petant. In secundo, donum fortitudinis in arduis & adversis. In tertio, donum scientiæ, cujus beneficio sciant, quid Deo suo in omni re sit acceptum, simulq; nequitias spirituales mundi, carnis & diaboli in cælestibus dignoscant; quibus debitâ prudentiâ præmuniti; congruè occurrere, & discernentes bonum à malo, in bono malum vincere possint. In quarto, donum pietatis. In quinto, donum consilii. In sexto, donum intellectus, ad intelligendum, contemplandum, atq; interpretandum Sacras Scripturas. In septimo denique, donum Sapientiæ & libertatis Filiorum Dei, quâ omnes suas cogitationes, verba & actiones semper rectè instituere noverint.

*Statio Nocturna.***XIX.**

Vesperī priusquam cubitū i-
bunt, ad recollectiones spiritūs o-
mnes revertantur; gratias agentes
Deo pro beneficiis, quæ per decur-
sum diei in nos contulit. In hunc
finem unam partem Psalterii Be-
atæ Virginis Mariæ, & Psalmum
De profundis, unâ cum duabus col-
lectis (modò infra tradendo) com-
precentur; quibus nocturnum E-
xamen conscientiæ, & quinque Pa-
ter & Ave adjungent.

MODUS RECITANDI

*Psalterium Beatæ Virginis
Mariæ per hebdomadem.*

*De exercitio primæ partis Psalterii
ad diem Lunæ, & Jovis ordinato.*

XX.

Cum fides sit fundamentum reliquarum virtutum, Psalterium à Symbulo Apostolorum ordiantur; sub quo mentem ad Deum elevent, & Stationem suam spiritualem in conspectu Sanctissimæ Trinitatis, Christi Domini, Beatæ Mariæ Virginis, Omniumq; Sanctorum instituant; ostendentes Patri Cælesti mundum cum omnibus statibus, veluti quandam domum leprosis, aliisq; morbidis innumeris scatentem, pro quibus sunt deprecaturi.

XXI.

Ut majorem efficaciam eorum petitiones apud Deum Patrem sortiantur, post Symbolum Apostolorum, sicut & post singulas Decades, unum Pater noster addant, sub quo Filium Dei Unigenitum Jesum Christum; utpote infiniti pretii victimam, in Crucé & Altari immolatam, Patri cælesti offerant, cùjus intuitu ad commiserationem flectatur; non enim negabit, quæ per Filium ejus, in quo sibi super omnia complacuit, ad illius gloriam, & animarum salutem, petiverint.

XXII.

Primam Decadem pro errantibus in fide persolvant, deprecantes Beatam Virginem Mariam, ut per meritum & gaudium, quo Filium Dei concepit, à divina bonitate impetrare velit gratiam, quâ convertantur. Sunt autem hujusmodi in

triplici differentia , primò Pagani, Ethnici & Athei, qui vero Deo debitam gloriam auferunt. Secundò Judæi, qui sua incredulitate Filium Dei, & Sanctissimam Trinitatem blasphemant. Tertiò Hæretici, qui Ecclesiam & Spiritum Sanctum contemnunt. Quæ tria genera infidelium , per Gentes , Populos & lingvas in Sacra Scriptura notantur. Hanc injuriam, quam isti Deo quotidie inferunt , pensantes , vehementer Divinam bonitatem, mediante Christo Domino , & Beata Virgine Maria , ad miserationem perurgeant, desideria amoris & doloris diversa coram Curia cælesti exponendo , prout unicuiq; præsens devotio suggesserit.

XXIII.

In secunda decade pro conversione peccatorum intercedant , quin aliquo peccato mortali existeni

tes, imaginem Dei supernaturalem abjecerunt, serviq; diabolorum effecti, Creatorem suum, & Dominum dereliquerunt cum extrema ingratitude nota, quam dolorosè secum pensent, & intimâ affectûs teneritudine Beatæ Virginis Mariæ inexplicabilem peccatorum miseriam ostendant; unicè sollicitantes, quatenus per meritum & gaudium, quo Filium suum Jesum in utero Virginali portavit, cælestem gratiam à Deo exorare dignetur, quæ eos è statu damnationis resurgere, & jugum servitii divini portare faciat.

XXIV.

In tertia Decade pro imperfectis orent, & Beatæ Mariæ Virgini ostendant omnes. status Ecclesiæ humillimè supplicantes, ut per meritum & gaudium, quo Filium suum genuit, & in lucem edidit,

imperfectionibus nimis, quibus omnes status carnali hoc sæculò, quasi ad ocafum vergente, redundant, remedium à Deo impetrare velit; viros fcilicet perfectos, qui singulos status veluti stellæ illuminent, dirigant & ad antiquum spiritûs vigorem reducant.

XXV.

Quartam Decadem pro sagis, maleficis, & aliis obstinatis peccatoribus persolvant; considerantes, quanta ex hoc capite malorum injuria Domino Deo fiat, Be-
atam Virginem Mariam intenso quodam doloris affectu rogent, quatenus per meritum & gaudium præsentationis, hujusmodi miseras animas Filio suo ad misericordiam præsentare, & in posterum suo patrocínio impedire velit, ne homines taliter seducantur.

XXVI.

In quinta Decade pro innocenti juventute, & aliis in gratia Dei existentibus supplicent; deprecantes Matrem Christi, ut per meritum & gaudium Inventionis, à Filio suo omnibus gratiam, & custodiam contra lapsum in peccatum mortale impetrare dignetur, semperque Filius inveniatur in suo templo, quod sunt animæ justorum.

*De Exercitio secundæ partis
Psalterii Beatae Virginis Mariae,
pro die Martis & Veneris.*

XXVII.

Decadem sextam pro universo statu Clericali recitent, & ad pedes Matris Dei supplicibus lacrymis provoluti, ingentes hujus statûs misérias illi ostendant, simulq,

petant, ut hanc nostram vitam Clericalem, tanquam Domina, Magistra, & Mater nostra, suo Filio unice velit commendare, & contra hostes suos defendere.

XXVIII.

Decadem septimam pro iis, qui præsunt, & pro confessoribus offerant, divinam assistentiam sollicitantes, quæ officia sua ad beneplacitum Dei, & salutem animarum dignè perficiant, vulneribusq; peccatorum congruè medeantur.

XXIX.

Decadem octavam pro statu Virginum, & continentium orent, rogantes Christum spinis coronatum, ut tanquam Rex Virginum, per dolorem spinæ coronæ omnibus gratiam & custodiam suæ virginitatis & continentiae largiri velit.

XXX.

Decadem nonam pro iis, qui de

præsenti, aut de futuro, in aliquo mundi angulo propter fidem, & Justitiam, tanquam Martyres patientur, persolvant; similiter gratiam cæteris hominibus petant, quâ unusquisq; crucem suam tol-
lat, & Christum ad mortem usq; patienter sequatur.

XXXI.

In decima decade non solum Imperii Romani, Regnorum & Principatuum dilacerationem; verum etiam in fide, & moribus dissonantiam deplorent; humillimèq; Christum Crucifixum rogent, ut omnia ad se trahere, & per humilitatem crucis superbiam & æmulationem statuum confundere, ac pacem unitatemq; benignissimè imperitari dignetur.

*De Exercitio tertiæ partis
Psalterii Beatae V. M. pro die
Mercurii & Sabbati.*

XXXII.

In undecima Decade finalem perseverantiam in bono spiritu posscant, quemadmodum David precatus est dicens: Cor mundum crea in me Deus, & spiritum rectum innova in visceribus meis. Ne proicias me à facie tua, & Spiritum Sanctum tuum ne auferas à me. Redde mihi lætiam salutaris tui, & spiritu principali confirma me.

XXXIII.

In duodecimâ decade pro parentibus, fratribus & sororibus; propinquis, & benefactoribus, pro omnibus sibi commissis & commendatis memoriam faciant; gratiam ipsis exposcentes, quâ sic transiant per bona temporalia, ut non amittant æterna.

XXXIV.

In decimâ tertia Decade per viscera misericordiæ Dei à Christo,

mediante Beata Virgine Maria, petant, ne Spiritum S. suum à Polonia auferat, sed misericorditer à spiritibus immundis hæreticorum, falsorumq; Christianorum liberet; largiendo ipsi Spiritum Veritatis, Sanctitatis, Charitatis; Spiritum Sapientiæ, unitatis & consilii.

XXXV.

In decima quarta Decade supplicent Beatæ Virgini Mariæ pro morientibus, ut per gaudium suæ gloriosæ Assumptionis illis assistere, & gratiam benè moriendi à Filio suo impetrare velit, ut post hanc vitam ab Angelis in cælum suscipiantur. XXXVI.

In decima quinta Decade pro animabus adhuc in purgatorio detentis commemorationem instituant; deprecantes Matrem Dei, ut per gaudium Coronationis suæ, miseris animabus liberationem à

pænis purgatorii, & coronam vitæ æternæ apud Filium suum sollicitare dignetur.

XXXVII.

Cæterum die Dominica, antequam cubitum concedant, locò Psalterii Beatæ Virginis Mariæ, Salvatorem suum Jesum Rosariolô ex triginta tribus Pater noster constante venerentur; postulentq; ab eodem gratiam, qua ad plenitudinem meritorum pervenire, & in stadio sic currere possint, ut bravi-um vitæ æternæ apprehendant.

XXXVIII.

Post Psalterium B. V. Mariæ Psalmum *De profundis*, cum duabus Collectis, nempe *Deus veniæ largitor* &c, & *Fidelium Deus* &c quotidie addant; ut animæ fidelium defunctorum, maximè aliis auxiliis destitutæ, à pænis solvantur.

XXXIX.

In hoc Examine, veluti in speculo quodam gressus suos retro considerent; doleantq; vehementer de admissis delictis, & de futuris cavere firmiter per divinam gratiam proponant.

XL.

Quinque Pater, & Ave pro peccatis, & admissis defectibus in honorem quinque vulnerum Christi adjungant, & sensuum suorum, tam internorum, quam externorum puritatem petant.

XLI.

Per hæc statuta exercitia quotidiana Spiritualia ad quandam solitudinem cordis perpetuam, ac recollectionem mentis, nobis in medio turbarum viventibus summè necessariam, omnes pro viribus conentur, ad cujus consecutionem

plurimum juvabit, si tam precibus jaculatoriis, & divinæ præsentiae familiaritati, quam etiam piarum stationum, & personarum effictio-
ni (modò paulò post tratendo) circa humanas suas occupationes ritè afsuescant: sic, ut in omnibus, salvâ externarum actionum libertate, conversatio eorum sit in cæ-
lis.

DE DIVERSIS ORANDI MODIS.

*Quibus ad collectionem mentis,
& conservationem Spiritûs,
pro diversitate temporum, lo-
corum, personarum, & con-
versationum utentur.*

PRIMUS MODUS.

Primus orandi modus est, quò a-
nima ex peccatis suis vel ali-

enis, mentem ad Deum elevat, agnoscendo reatum, deprecandoq; veniam, & humiliando se infra omnia propter nimiam vilitatem suam: sic oravit Manasses in captivitate sua, David, & alii, quos imitari semper utiliter possumus, quando peccatorum nostrorum, vel mundi in maligno positi recordamur.

Secundus orandi modus est, si anima nostra ex beneficiis & creaturis Dei ascendat ad Creatorem suum, laudando eundem & admirando ejusdem sapientiam, & bonitatem, &c. Ita oraverunt tres pueri in camino ardenti, fuitq; communis viris Sanctis.

Tertius orandi modus est, quando anima interdum in tentationibus, aut ad conservandam mentis recollectionem, inter sua negotia precatiunculis utitur: sic orare solitus fuit S. Franciscus, dicendo, *Deus meus, & omnia.*

Quartus orandi modus in eo consistit, ut circa actiones suas, & res quascumque obvias, anima considerationem congruam, & spiritualem, ac utilem suscipiat, quâ mens semper (salvâ functionum debitâ libertate) unita maneat cum suo Creatore dilecto. Ad acquirendum hunc orandi modum multum juvat bona facultas imaginativa, quâ homo sibi vg. in paupere Christum; in Creatura Deum; in leproso peccatorem; in ancilla Martham; in igne infernum; in assato damnatos, in tuba judicem, &c. Spiritualiter effingat.

Quintus orandi modus fit per quandam determinatam vocum & temporum commensurationem: ut si orem Pater noster, Ave Maria, Psalmum; Breviarium, Rosarium &c. Offerendo illud tanquam verba sancta, quibus adoratur Deus

in ejusdem laudem debitam (absque eo, quòd intelligam verba, ad eaque attendam, alteri honestæ, pieque considerationi intentus) vel adstringendo mentem ad sensum & affectus, qui ex prolatione verborum per apprehensionem simplicem formantur; vel expendendo interim certæ alicujus vocis, ac sententiæ prolatae significationem; personæ ad quam dirigitur Oratio, dignitatem; vel mei ipsius vilitatem & indigentiam.

DE MODO MEDITANDI.

Primò, qui cupit benè meditari, pridie statuto tempore certam sibi materiam seligere, eamque in unum, duo, vel etiam plura puncta, pro materiæ capacitate, dividendo, prævidere debet: aliquò modo unum, vel alterum finem, quem varietas, vel sæcunditas materiæ

per apprehensionem quandam simplicem solet proponere.

Secundò; in meditatione anima sui ipsius proprius concionator est, unde meditationis scopus eò tendit; ut per eam homo in aliqua veritate Christiana erudiatur, & clarius illuminetur; vel instruatur in moribus; vel deniq; magis accendatur in charitate erga Deum, & proximum, ex dictis, factisq; Christi, & Sanctorum ejus; quæ proponuntur.

Tertiò; mane statutâ horâ aggrediatur quis meditationem, præmissa invocatione Spiritûs S. de puncto ad punctum exerceat memoriam, intellectum & voluntatem; quæ potentiæ quandoq; pro opportunitate à phantasia juvantur.

Quartò; memoria profert in medium materiam paratam ad meditationem faciendam, & cum neces-

fitas exigit, alia vel lecta, vel audita, quæ ad rem faciunt, & meditationem uberiores reddunt, congruè suggerit.

Quintò; intellectus ratiocinatur circa materiam à memoria propositam, apprehendendo, judicando, concludendo, rem unam ex alia deducendo. Ea porrò, circa quæ versatur operatio-intellectûs, in iis meditationibus, quæ non pertinent ad mysteria Christi, vel Sanctorum; varia sunt, pro varietate punctorum; in mysteriis solent esse personæ, verba & opera personarum, earundemq; cogitationes, & affectus interni: virtutes quoq; modus præterea, & finis verborum, ac operum: item causa, effectus, tempus & reliquæ circumstantiæ, quæ faciunt ad pleniorum mysterii intelligentiam. Illud ordinarium est intellectui in omnibus cujuscunque

materiae, & generis meditationibus, ut in sua ratiocinatione utatur rationibus, exemplis, & similitudinibus ex Scriptura, vel libris SS. PP. aliorumq; nobilium Scriptorum desumptis, ut sic intellectâ & benè perspectâ veritate, varia motiva proponat voluntati; donec eam vincat, & ad prosecutionem, vel fugam rei intellectæ prorsus adducat.

Sextò; voluntas afficitur ex iis, quæ intellectus proponit: excitando in se ipsa amorem, vel odium: desiderium, vel fugam, gaudium, vel tristitiam, spem, vel desperationem; audaciam, vel timorem; aut iram, pro varietate rerum ac motivorum, quæ ab intellectu proponuntur. Dilatari autem possunt hujusmodi affectus multis modis: e. g. admirationis, humiliationis, imitationis, laudis, obsecrationis,

petitionis, prosopopeiæ, querelæ reprehensionis, objurgationis, gratiarumactionis, &c. eosdem conformiter triplici viæ, purgativæ, illuminativæ, & unitivæ exercendo & attemperando.

Septimò, phantasia proponit loca; vultusq; personarum, earumq; motus, situm, magnitudinem; gravitatem, pro exigentia reliquarum trium potentiarum, ut efficacius & cum vivacitate exerceantur.

Octavò, colloquia etiam solent esse in meditatione plura, vel pauciora: in eoq. consistunt, ut meditans, quotiescunque suggerit affectus, in toto meditationis decursu, & in ejus fine, colloquatur cum Deo, Christo, vel cum B. Virgine Maria, aut cum Sanctis Angelis, reliquisq; Sanctis, sive gratias agendo, sive offerendo, sive petendo, sive obsecrando, sive consulendo.

do, five aliquid aliud agendo pro
opportunitate & exigentia medi-
tationis, & propriæ necessitatis:
aliquando assumendo personam fi-
lii agentis cum patre: aliquando
servi, loquentis cum Domino; ali-
quando sponsæ, loquentis cum
sponso; aliquando amici, conver-
santis cum amico; aliquando rei,
deprecantis judicem; aliquando le-
prosi, deprecantis suum Medicum:
aliquando mendici stantis ante do-
mum divitis, &c. juxta Spiritûs S.
dictamen. Concludentur autem
colloquia, quæ fient in fine medi-
tationis, vocali aliqua oratione ad
eas personas, quibuscum facta
fuerunt colloquia.

MANI-

M A N I P U L U S

*Piarum Precum & Exercitio-
rum.*

Pro usu Clericorum Sæcularium in
Commune viventium.

STATIO MATUTINA.

*Mane prima evigilantium cogitatio
fit ad Deum hac precatiuncula.*

Benedicta sit Sancta , & indivi-
dua Trinitas , nunc & semper,
& per infinita sæcula sæculorum,
Amen.

*Dum surgunt; signent se signô san-
ctæ Crucis dicantque.*

In nomine Patris , & Filii , &
Spiritus Sancti, Amen.

In nomine Domini mei JESU
Christi surgo , qui me redemit suô
pretioso sanguine; ille me benedi-
cat, regat, custodiat, & ad vitam
perducat æternam, Amen. F

Dum se vestibus induunt, sinei suum ultimum recogitantes, Deo se Et omnia sua offerant, sequenti precatione.

O Dominus meus, Deus meus, & omnia, justitia mea, bonitas mea & misericordia mea: fiat à te, ut in unione meritorum vitæ, Passionis, Resurrectionis, & Ascensionis Domini nostri Jesu Christi, sicut & sub patrocinio Beatissimæ Virginis Mariæ, ac Sanctorum Seraphim, Cherubim, Thronorum, Dominationum, Virtutum, Potestatum, Principatum, Archangelorum, Angelorum, Patriarcharum, Prophetarum, Apostolorum, Martyrum, Confessorum, Virginum & Viduarum, omnes mei tam boni, quam indifferentes cogitatus, intentiones, suspiria, vota, preces, & exercitia, verba, opera,

omissiones, commoda, incommo-
da, tentationes, angustiae, adver-
sitates, contemptus, irrisiones, u-
na cum omnibus devotorum tiro-
rum precibus, laboribus, tribula-
tionibus, & quibuscunq; necessita-
tibus ad majorem Sanctissimi No-
minis tui gloriam unice cedant,
& tu tantum Deus meus agnosca-
ris ab omnibus, timearis, ameris,
lauderis Benedictus Deus, qui vi-
vis & regnas in saecula saeculo-
rum, Amen.

Ad Beatissimam Virginem.

O Domina mea Sancta Maria,
me in tuam benedictam fidem,
ac singularem custodiam, & in fi-
num misericordiae tuae, hodie &
quotidie, & in hora exitus mei, a-
nimam meam & corpus meum ti-
bi commendo: omnem spem & con-
solationem meam, omnes angus-

stias, & miserias meas, vitam & finem vitæ meæ Tibi committo, ut per Tuam sanctissimam intercessionem & per Tua merita, omnia mea dirigantur, & disponantur eloquia, cogitationes & opera, secundum tuam Tuique Filii voluntatem, & meam ac totius Ecclesiæ utilitatem ac necessitatem, Amen.

Ad S. Angelum Tutelarem.

Angele Dei, qui Custos es mei, me tibi commissum pietate supernâ hodie illumina, custodi, rege, & guberna.

Vel

Angele mi custos tuæ me commendo tutelæ, cui me custodiendum Divina Bonitas commendavit: duc, quæso, cæcum, ignorantem instrue, imbecillum conforta, pupilulum tuere, errantem reduc, pigrum impelle, dormientem excita, gradientem promove; & ex-

tremam illam difficilemq; luctam,
quæ cum morte & dæmone mihi
aliquando futura est, felicem esse
procura, ut in vestrum confor-
tium anima mea, cùm vicerit, re-
cepta lætè decantet: laqueus con-
tritrus est, & nos liberati sumus
Amen.

Ad Omnes Sanctos.

Sancti Dei omnes intercedant
pro nobis ad Dominum, ut nos me-
reamur ab eo adjuvari, & salvari,
qui vivit & regnat in sæcula sæ-
culorum Amen.

Vel

Sancti & electi Patroni mei, N.N.
& omnes Sancti, rogo vos & de-
precor, subvenite mihi, miseremi-
ni mei, corrigite & erigite me mi-
sericorditer, & orate pro me in-
stanter, ut per vos mihi detur à
Deo conscientia sancta, gratia Spi-
ritûs Sancti, virtus Sacramento-

rum, augmentum gratiæ, virtutum Theologicarum, & Cardinalium studium, conversatio honesta, vita honorabilis, & consummatio laudabilis, ut ad vos pervenire merear, Per Christum Dominum nostrum, Amen.

Dum se lavant.

Aspirent ad Dominum Deum, & petant puritatem cogitationum, & rectitudinem verborum, & operum Sanctitatem hanc oratione.

Munda Domine cor meum, ac labia mea, ut te ac tua tantum cogitem; & quod cor sentit interius, hoc lingua proferat exterius. Da virtutem manibus meis ad abstergendam omnem maculam, ut sine pollutione mentis & corporis Tibi servire valeam, Amen.

Ad aspersionem aquæ benedictæ.

Asperge me Domine rore gratiæ Tuæ, munda me à peccatis; do-

leo enim, quod Te, quem super omnia diligo, unquam offenderim: extingue in me omnem affectum tibi adversum, ut Te solum amem & glorificem in perpetuum, Amen.

Deinde ante Altare domesticum flexis genibus alternatim. pro felici morte recitent Litanias Lauretanæ.

LITANIÆ LAURETANÆ.

Kyrie eleyson,
Christe eleyson,

Kyrie eleyson,

Christe audi nos,

Christe exaudi nos,

Pater de cælis, Deus, misere nobis

Fili redemptor mundi Deus, miserere nobis.

Spiritus S. Deus, miserere nobis,

Sancta Trinitas unus Deus, miserere nobis,

Sancta Maria, Ora pro nobis
 Sancta Dei Genitrix,
 Sancta Virgo Virginum,
 Mater Christi,
 Mater Divinae gratiae,
 Mater purissima,
 Mater castissima
 Mater inviolata,
 Mater intemerata,
 Mater amabilis,
 Mater admirabilis,
 Mater Creatoris,
 Mater Salvatoris;
 Virgo prudentissima,
 Virgo veneranda
 Virgo prædicanda,
 Virgo potens,
 Virgo clemens,
 Virgo fidelis,
 Speculum justitiæ,
 Sedes Sapientiæ,
 Causa nostræ lætitiæ,
 Vas Spirituale

Ora pro nobis

Ora pro nobis

Vas honorabile,
Vas insigne devotionis

Rosa mystica,

Turis Davidica,

Turis eburnea,

Domus aurea,

Fæderis arca,

Janua cæli,

Stella matutina,

Salus infirmorum

Refugium peccatorum,

Consolatrix affictorum.

Auxilium Christianorum,

Regina Angelorum,

Regina Patriarcharum,

Regina Prophetarum,

Regina Apostolorum,

Regina Martyrum,

Regina Confessorum,

Regina Virginum,

Regina Sanctorum omnium.

Regina nostra Cælestis
Agnus Dei, qui tollis peccata
mundi, parce nobis Domine.

Ora pro nobis

Ora pro nobis

Agnus Dei , qui tollis peccata
mundi exaudi nos Domine.

Agnus Dei , qui tollis peccata
mundi , miserere nobis.

Christe audi nos ,

Christe exaudi nos ,

Kyrie eleyson.

Christe eleyson.

Kyrie eleyson.

Ave Maria , &c.

Antiphona.

Sub Tuum præsidium confugim⁹
Sancta Dei Genitrix : nostras
deprecationes ne despicias in ne-
cessitatibus nostris , sed à pericu-
lis cunctis libera nos semper Vir-
go gloriosa & benedicta.

¶ Ora pro nobis Sancta Dei
Genitrix

R. Ut digni efficiamur promis-
sionibus Christi.

Oremus.

Gratiam Tuam, quæsumus Domine, mentibus nostris infunde; ut, qui, Angelo nuntiante, Christi Filii tui Incarnationem cognovimus, per passionem ejus & Crucem ad resurrectionis gloriam perducamur. Per eundem Christum Dominum nostrum, Amen.

Ÿ. Ora pro nobis Beatissime Joseph.

R. Ut digni efficiamur promissionibus Christi.

Oremus.

SAnctissimæ Genitricis Tuæ Sponsi, quæsumus Domine, meritis adjuvemur; ut, quod possibilitas nostra non obtinet, ejus nobis intercessione donetur. Qui vivis & regnas in sæcula sæculorum, Amen.

Addantur sequentes versiculi & responsoria cum oratione pro Ordinario loci.

℣. Salvum fac famulum tuum N.

℞. Deus meus sperantem in te.

℣. Esto ei, Domine, turris fortitudinis

℞. A facie inimici.

℣. Nihil proficiat inimicus in eo.

℞. Et filius iniquitatis non apponat nocere ei.

℣. Domine exaudi orationem meam

℞. Et clamor meus ad te veniat.

Oremus.

Omnipotens sempiterne Deus, qui facis mirabilia magna solus prætende super famulum tuum N. & super gregem ei commissum, Spiritum gratiæ salutaris; & ut in veritate tibi placeat, perpetuum

ei rorem tuæ benedictionis infunde. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritûs Sancti Deus per omnia sæcula sæculorum, Amen.

✠. Nos cum prole pia

R. Benedicat Virgo Maria.

Hisce precibûs finitis, probè se examinent sub silentio in tribus punctis.

Primò Quomodo præterita nocte, antequam cubitum concesserunt, conscientiam suam examinaverint.

Secundò, Quomodo preces & exercitia compleverint, & in quibus cogitationibus atque desideriis dormitum se contulerint.

Tertiò, Quomodo se noctu, & mane usque ad examen gesserint.

Conscientiâ sic discussa super peccata memorata & alia totius vitæ,

contritionem eliciant, cum firmo proposito emendationis.

Praxis actûs contritionis frequenter exercendi.

O Amantissime Jesu, doleo ex toto corde meo, quod te Deum meum, Creatorem meum, Salvatorem meum, summum bonum meum, hisce peccatis meis, quæ detestor super omnia detestabilia, offenderim: Ideo in Abyssum misericordiæ tuæ me conjicio, & propono firmius amplius non peccare omnesq; peccandi occasiones devitare, vel centies mori. Speciatim gratiam tuam invoco, qua me ab hoc N. vitio, quod Majestati tuæ in me multum displicet, potenter hac die, & totâ vitâ meâ præserves, & virtutem N. eidem contrariam misericorditer animo meo

inferas. Qui vivis & regnas in sæcula sæculorum. Amen.

Denique subjungant tria Pater, & Ave; in honorem Sanctissimæ Trinitatis pro augmento trium virtutum Theologicarum Fidei, Spei, & Charitatis; ac rectitudine cogitationum, verborum & operum, item pro lumine, gratia & benedictione supernaturali, tanquam medio ad bonum usum triplicis hujus operationis nostræ valde necessario, impetrandis.

STATIO MERIDIANA

Uno quadrante ante corporis refectionem meridianam, redeant ad altare domesticum, & flexis genibus. clara voce pro impetranda unitate ac charitate fraterna inter membra hujus vitæ clericalis Litaniæ Omnium Sanctorum recitent.

LITANIÆ SANCTORUM
OMNIUM.

Kyrie eleyson
Chryste eleyson.

Kyrie eleyson.

Christe audi nos.

Christe exaudi nos.

Pater de cælis Deus , miserere nobis.

Fili Redemptor mundi Deus , miserere nobis.

Spiritus Sancte Deus , miserere nobis.

Sancta Trinitas unus Deus , miserere nobis.

Sancta Maria. Ora pro nobis.

Sancta Dei Genitrix,

Sancta Virgo Virginum,

Sancte Michæel, ora.

Sancte Gabriel, ora.

Sancte Raphael, ora.

Omnes Sancti Angeli & Archangeli,
Orate pro nobis.

Omnes Sancti Beatorum Spirituum
Ordines, Orate pro nobis.

Sancte Joannes Baptista, ora.

Sancte Ioseph, ora.

Omnes Sancti Patriarchæ, & Pro-
phetæ, Orate pro nobis.

Sancte Petre, ora.

Sancte Paule, ora.

Sancte Andrea, ora.

Sancte Iacobe, ora.

Sancte Joannes, ora.

Sancte Thoma, ora.

Sancte Iacobe, ora.

Sancte Philippe, ora.

Sancte Bartholomæe, ora.

Sancte Mathæe, ora.

Sancte Simon, ora.

Sancte Thadæe, ora.

Sancte Mathia, ora.

Sancte Barnaba, ora.

Sancte Luca, ora.

Sancte Marce, ora.

Omnes Sancti Apostoli, & Evan-
gelistæ. Orate pro nobis.

Omnes Sancti Discipuli Domini.

Orate pro nobis.

Omnes Sancti Innocentes, ora.

Sancte Stephane, ora.

Sancte Laurenti, ora.

Sancte Vincenti, ora.

Sancti Fabiane & Sebastiane,

Orate pro nobis.

Sancti Joannes, & Paule. orate.

Sancti Cosma & Damiane, orate.

Sancti Gervasi & Protasi, orate.

Omnes Sancti Martyres. orate.

Sancte Silvester, ora.

Sancte Gregori, ora.

Sancte Ambrosi. ora.

Sancte Augustine, ora.

Sancte Hieronyme, ora.

Sancte Martine, ora.

Sancte Nicolae, ora.

Omnes Sancti Pontifices, & Con-

fessores. orate pro.

Omnes Sancti Doctores, orate.

Sancte Antoni, ora.

Sancte Benedicte.	ora.
Sancte Bernarde.	ora.
Sancte Dominice,	ora.
Sancte Francisce,	ora.
Omnes Sancti Sacerdotes & Le- vite.	Orate pro nobis.
Omnes Sancti Monachi, & Eremitæ,	Orate pro nobis.
Sancta Maria Magdalena,	ora.
Sancta Agatha,	ora.
Sancta Lucia,	ora.
Sancta Agnes,	ora.
Sancta Cæcilia,	ora.
Sancta Catharina,	ora.
Omnes Sanctæ Virgines, & Viduæ,	Orate pro nobis.
Omnes Sancti & Sanctæ Dei, in- tercedite pro nobis.	
Propitius esto, parce nobis Dom:	
Propitius esto, exaudi nos Domine	
Ab obmni malo, libera nos Dom:	
Ab omni peccato	lib.
Ab ira tua,	lib.

- A subitanea & improvisa morte lib.
Ab insidiis diaboli, lib.
Ab ira & odio, & omni mala voluntate. lib.
A spiritu fornicationis lib.
A fulgure & tempestate. lib.
A morte perpetua, lib.
Per mysterium Sanctæ Incarnationis tuæ. lib.
Per Adventum tuum. lib.
Per Nativitatem tuam, lib.
Per Baptismum & Sanctum Jejunium tuum, lib.
Per Crucem & passionem tuam, lib.
Per mortem & sepulturam tuam, libera nos Domine.
Per sanctam Resurrectionem tuam, libera nos Domine.
Per admirabilem ascensionem tuam, libera nos Domine.
Per adventum Spiritûs sancti Paracleti, libera nos Domine.
In die Judicii. lib.

Peccatores, Te rogamus audi nos.

Ut nobis parcas, te rog.

Ut nobis indulgeas. te rog.

Ut ad veram poenitentiam nos perducere digneris, te rog.

Ut Ecclesiam tuam sanctam regere, & conservare digneris, te rogamus audi nos.

Ut Domnum Apostolicum, & omnes Ecclesiasticos Ordines in sancta Religione conservare digneris, te reg.

Ut inimicos Sanctæ Ecclesiæ humiliare digneris, te rog.

Ut Regibus & Principibus Christianis pacem & veram concordiam donare digneris, te rogamus. audi nos.

Ut cuncto populo Christiano pacem & unitatem largiri digneris, te rogamus audi nos.

Ut nosmetipsos in tuo sancto servitio confortare & conservare digneris, te rogamus audi

Ut mentes nostras ad cælistia desideria erigas, te rog.

Ut omnibus benefactoribus nostris sempiterna bona retribuas.
Te rogamus audi nos.

Ut animas nostras, fratrum, propinquorum & benefactorum nostrorum ab æterna damnatione eripias, te rogamus au:

Ut fructus terræ dare, & conservare digneris, te rog.

Ut omnibus fidelibus defunctis requiem æternam donare digneris, te rogamus audi nos

Ut nos exaudire digneris, te rog,
Fili Dei. te rog.

Agnus Dei, qui tolis peccata mundi. parce nobis Domine.

Agnus Dei, qui tollis peccata mundi, exaudi nos Domine.

Agnus Dei, qui tollis peccata mundi, miserere nobis.

Christe audi nos.

Christe exaudi nos.

Kyrie eleyson.

Christe eleyson.

Kyrie eleyson.

Pater noster.

℣. Et ne nos inducas in tentationem.

℞. Sed libera nos à malo.

℣. Lætamini in Domino, & exultate iusti.

℞. Et gloriamini omnes recti corde.

Oremus.

Omnipotens sempiterne Deus,
qui nos omnium Sanctorum
tuorum ~~memoriam~~ ^{memoria} sub una tribuisti
commemoratione venerari, quæ
sumus, ut desideratam nobis tuæ
propitiationis abundantiam multi-
plicatis intercessoribus largiaris.
Per Christum Dominum nostrum.
Amen.

*Oratio pro Ordinario Locī, ut
suprà fol: 132.*

V. Divinum axilium maneat semper nobiscum. R. Amen.

*Postea fiat examen breve, an propo-
sita matutina in effectum deduxerint, et
ubi deviaverint: quibus deprehensis
contritionem eliciant & reliquum sal-
tem diei cursum benè consummare in-
tendant.*

CONTRITIONIS ACTUS

Brevior.

O Jesu! amore tui doleo, quòd
offenderim Te, quem super om-
nia diligo: cupio omnia mea pec-
cata, præsertim hæc N. emendare
tibi que pro iis satisfacere per au-
xilium gratiæ tuæ Amen.

*Continuò subjungant. 7. Pater &
Ave. Per 7. Pater noster recogitent
septem petitiones ejus, ita ut unicuique
Pater noster sua petitio correspondeat.*

Prima.

Pater noster, qui es in cælis:
Sanctificetur nomen tuum.

Secunda.

Adveniat regnum tuum.

Tertia.

Fiat voluntas tua, sicut in cælo & in terra.

Quarta.

Panem nostrum quotidianum da nobis hodie.

Quinta.

Et dimitte nobis debita nostra, sicut & nos dimittimus debitoribus nostris.

Sexta.

Et ne nos inducas in tentationem.

Septima.

Sed libera nos à malo, Amen.

Per septem Ave Maria rogent Beatissimam Virginem Matrem Dei, ut impetrare velit à delectissimo Filio suo septem dona Spiritus Sancti.

1. Petant donum timoris Domini.

Ad

2. Donum fortitudinis in arduis & adversis.
3. Donum scientiæ.
4. Donum pietatis.
5. Donum consilii.
6. Donum intellectûs.
7. Donum sapientiæ, & libertatis filiorum Dei.

STATIO VESPERTINA.

*S*ingulis diebus vesperi ad mediam sextam, adolescentes majorum classium in loco ad hoc deputato omnes conveniant, & pro incremento gratiæ in vocatione sua Clericali Vesperas & Completorium, cum matutino & Laudibus in diem sequentem ex Officio parvo Beatæ *MARIÆ* Virginis alternatim recitent.

Antequam cubitum eunt, revertantur ad altare domesticum; & Deo pro acceptis beneficiis gratias acturi,

unam partem Psalterii Beatissimæ
Virginis Mariæ, & Psalmum de
Profundis alternatim comprecantur:
quibus in silentio annectent examen
nocturnum. & quinque.

Pater & Ave.

MODUS RECITANDI

Psalterium Beatissimæ.

VIRGINIS MARIÆ.

*Formatò imprimis devotè si-
gnò Sanctæ Crucis, dicitur sym-
bolum Apostolorum, seu
Credo, tum Pater noster.*

Hæc tria puncta benè notanda.

I. *S*ub symbolo Apostolorum San-
ctissimæ TRINITATI ac
toti Curie cælesti mundi totius, ac
omnium ejus statuum necessitates &
miserias ad commiserationem exhi-
beant.

II. *Ad singulas orationes Dominicas Deo Patri Filium ejus unigenitum Crucifixum, velut infiniti pretii victimam, ad majorem precum suarum efficaciam conciliandam offerant.*

III. *Sub exordium salutationis Angelicæ in quavis Decade, Beatissimam Virginem ut matrem spectent; ac mysterium in ea Decade considerandum, uti Et petitionem, ad quam dirigitur, in memoriam sibi revocent.*

In qualibet Decade, cum perventum fuerit ad Nomen Jesu, adjicitur.

In Rosario Gaudioso dicendo die Lunæ Et Jovis.

- | | | |
|----|----|---------------------------------|
| | 1. | Virgo concepisti |
| | 2. | Visitando Elisabetham portasti. |
| Ad | 3. | Virgo genuisti. |
| | 4. | In Templo præsentasti. |
| | 5. | In Templo invenisti. |

Quem

S. Maria Mater Dei &c.

*In Rosario Doloroso, quod
dicitur die Martis & Veneris,
Nomini IESU adjiciatur.*

- | | | | |
|-------|-------|-----------------------|--------------|
| 1. | Qui | Sanguinem sudavit. | S. Maria &c. |
| 2. | pro | Flagellatus est. | |
| 3. | nobis | Spinis coronatus est. | |
| Ad 4. | | Crucem bajulavit. | |
| 5. | | Crucifixus est. | |

*In Rosario Glorioso, quod
dicitur die Merc: & Sabbati,
ad singulas Decades post No-
men IESU addatur.*

- | | | | |
|-------|-----|------------------------|--------------|
| 1. | | Resurrexit à mortuis. | S. Maria &c. |
| 2. | Qui | In cælum ascendit. | |
| Ad 3. | | Spiritum Sanctum mi- | |
| 4. | | fit. | |
| 5. | | Te in cælis coronavit. | |

INTENTIONES ROSARII GAUDIOSI.

In Decade

1. Orent pro errantibus in fide.
2. Pro conversione existentium in peccato mortali,
3. Pro imperfectis.
4. Pro sagis, maleficis, & aliis obstinatis peccatoribus.
5. Pro innocenti juventute, & in gratia Dei existentibus.

INTENTIONES ROSARII DOLOROSI.

In Decade

1. Orent pro toto statu Clericali
 2. Pro iis, qui præsunt, & confessariis.
 3. Pro Virginibus, & continentibus.
 4. Pro iis, qui ob fidem, & iustitiam patiuntur.
- Pro statu politico Christianæ Reipublicæ & præcipuè pro S. R. Imperio.

IN ROSARIO GLORIOSO:

In Decade

1. Orent pro perseverantia finali
in bono spiritu.
2. Pro consanguineis, Benefactoribus
& aliis sibi commissis ac
commendatis.
3. Pro Polonia
4. Pro morientibus.
5. Pro animabus Fidelium defun-
ctorum.

Die verò Dominicā venerentur Je-
sum Salvatorem suum Rosariolô 33.
Pater noster, ad impetrandam ab eo-
dem gratiam, quā ad plenitudinem
meritorum pervenire, & in stadio sic
currere possint, ut bravium vitæ æternæ
apprehendant.

Exordium autem fiat à symblo A-
postolorum, cui subiiciantur tria Pa-
ter noster; tum ante primam Deca-
dem orationum Dominicarum præce-
dat unum Ave Maria: idem etiam fiet
ante reliquas duas Decades.

*Post Rosarium quotidianum sequitur
Psalmus De profundis cum duabus.
collectis pro Defunctis.*

De profundis clamavi ad te Domine; Domine, exaudi vocem meam. Fiant aures tuæ intendentes; in vocem deprecationis meæ.

Si iniquitates observaveris Domine, Domine quis sustinebit?

Quia apud te propitiatio est; & propter legem tuam sustinui te, Domine.

Sustinuit anima mea in verbo ejus; speravit anima mea in Domino.

A custodia matutina usq; ad noctem speret Israel in Domino.

Quia apud Dominum misericordia, & copiosa apud eum redemptio.

Et ipse redimet Israel ex omnibus iniquitatibus ejus.

℣. Requiem æternam dona eis
Domine.

℞. Et lux perpetua luceat eis.

℣. Domine exaudi orationem
meam.

℞. Et clamor meus ad te veniat.

Oremus,

Deus veniæ largitor, & huma-
næ salutis amator : quæsum9
clementiam tuam, ut nostræ con-
gregationis fratres, propinquos, &
benefactores, qui ex hoc sæculo
transierunt, Beatâ Mariâ semper
Virgine intercedente cum omnib9
Sanctis tuis, ad perpetuæ beatitu-
dinis consortium pervenire conce-
das.

Fidelium Deus omnium Condi-
tor, & Redemptor animabus famu-
lorum, famularumque tuarum re-
missionem cunctorum tribue pecca-
torum: ut indulgentiam, quam sem-

per optaverunt piis supplicationibus consequantur. Qui vivis & regnas in sæcula sæculorum R. Amen.

Oratio pro Ordinario loci, ut supra fol: 132.

✠. Divinum auxilium maneat semper nobiscum.

R. Amen.

Denique fiat examen nocturnum, quod consistit in quinque punctis.

PRIMUM.

Gratiarum actio pro beneficiis acceptis.

O Infinita bonitas, gratias tibi ago pro omnibus beneficiis, quæ mihi hodie, & totâ vitâ meâ contulisti, tibi laus, & gloria in infinitas sæculorum myriadas.

SECUNDUM.

Luminis petitio.

O Æterna Sapientia Christe Jesu, da ut quidquid tibi hodie in me displicuit, id mihi integre in memoriam redeat.

TERTIUM.

Hic suam quisque conscientiam examinet, quid singulis horis ab ultimo-examine elapsis peccaverit; cogitatione, verbo, & opere; & quæ peccata nondum confessus fuerit.

QUARTUM.

Peccatorum deprecatio.

O Inexhausta misericordia, ignosce mihi quidquid hodie peccavi coram te: omnes offensas hujus diei, & totius vitæ meæ depono in abyssum misericordiæ tuæ; & per mortem Filii tui te deprecor, o Deus, dimitte mihi quidquid unquam in te peccavi.

QUINTUM.

Emendationis propositum.

O Immensa Majestas, firmissimè propono non peccare amplius.

Coronidis loco subjungantur quinque Pater, & Ave, in honorem quinque vulnerum Christi, pro remissione pec-

catorum, & puritate sensuum tam internorum, quam externorum impetranda.

Exuentes se, & cubitum scedentes committant se Beatissimæ Virgini. sicut de die sæpiùs pro commoditate.

O Domina mea Sancta Maria me in tuam benedictam fidem &c. ut supra. fol. 123.

Ad Sanctum Angelum Custodem.

Angele Dei, qui custos es mei me tibi commissum, pietate supernâ hâc nocte illumina, custodi, rege & gubernâ. *Vel*

O Amantissime Angele Dei, qui hucusq; tam fidelis custos es mei, dignare insuper hâc nocte cor & corpus meum immaculatum conservare ut tecum merear SS. Trinitatem æternum contemplari; amare, & glorificare, Amen.

Ad Sanctos Patronos, & omnes Sanctos.

Vos Sancti Patroni, mei & omnes
Sancti Electi Dei, supplete vices
meæ imperfectionis in benedicen-
do & laudando Domino meo: &
impetrate mihi meisq; gratiam in
ejus amore vivendi, perseverandi,
tandemque ejusdem gloriâ vobis-
cum æternum perfruendi.

*Antequam lectum ingradientur, asper-
gant se aquâ benedictâ & dicant:*

Asperge me Domine rore gratiæ
tuæ &c. *ut supra sol. 126.*

*Lectum ingressuri signent se signô S.
Crucis, & dicant.*

Per signum Crucis de inimicis
nostris libera nos Deus noster.

Jesus Nazareus, Rex Judæo-
rum, titulus triumphalis defendat
nos ab omnibus malis. Ecce Cru-
cem Domini nostri Jesu Christi su-
gite partes adversæ, vicit Leo de
tribu Juda, Radix David. Sancte
Deus, Sancte fortis, Sancte & im-
mortalis miserere mei.

Benedicat me Imperialis Majestas, protegat me regalis Divinitas, custodiat me sempiterna Deitas, foveat me immensa divinitas, dirigat me inæstimabilis bonitas, gubernet me potentia Patris, vivificet me Sapientia Filii, illuminet me virtus Spiritûs Sancti, Amen.

Ex horologio P. Drexelij.

Pater Æterne, per vitam & mortem Filii tui, per omnem bonitatem tuam te rogo, concede mihi, ut in bono perseverem, & in gratia tua moriar. Bone Jesu, per extremas illas in Cruce voces, quibus Patri Spiritum commendasti, te rogo, suscipe Spiritum in fine vitæ meæ.

Spiritus Sancte Deus, miserere mei & Sanctâ inspiratione tuâ me semper, & potissimum in hora mortis meæ, adjuva.

Sanctissima Trinitas unus Deus

miserere mei nunc & in fine vitæ,
meæ, Amen.

*In lecto modeste compositi & cancel-
latis ante pectus brachiis in modum
crucis, dicant:*

Da Domine, ut singulæ meæ re-
spirationes totâ nocte tibi laudem,
& gloriam exhibeant. Amen.

In manus tuas Domine com-
mendo spiritum meum.

In pace in idipsum dormiam, &
requiescam.

MODUS OBEUNDI SACRA- MENTUM POENITENTIÆ.

Oratio ante Examen conscientia.

Æterne Parens, Pater miseri-
cordiarum, & Deus totius
consolationis, peccata mea exami-
naturus, vehementer confundor,
sed tu nosti omnia, eorum gravi-

tatem & numerum & indignitatem
habes perspectam. Tu enim scruta-
ris corda & renes, ô Deus meus!
Rogo te humillimè, ut omnia &
singula per gratiam tuam possim
recordari, expendere & deplora-
re. Concede mihi Spiritum San-
ctum tuum, qui mihi eorum me-
moriàm refricet, cogitationes &
discussionem mentis meæ dirigat,
& dolorem animi mei, qui pecca-
ta mea diluere possit, excitet.

Hymnus.

Veni Creator Spiritus,
Mentes tuorum visita,
Imple supernà gratiâ,
Quæ tu creâsti pectora.
Qui diceris Paraclitus.
Altissimi donum Dei,
Fons vivus, ignis, charitas,
Et spiritualis unctio.
Tu septiformis munere.

Digitus paternæ dexteræ.

Tu ritè promissum Patris,

Sèrmone ditans guttura.

Accende lumen sensibus,

Infunde amorem cordibus,

Infirma nostri corporis

Virtute firmans perpeti.

Hostem repellas longius,

Pacemque dones protinus,

Ductore sic te prævio,

Vitemus omne noxium.

Per te-sciamus, da, Patrem,

Noscamus atque Filium,

Teque utriusque Spiritum

Credamus omni tempore.

Deo Patri sit gloria,

Et Filio, qui à mortuis

Surrexit, ac Paraclito.

In sæculorum sæcula Amen.

℣. Emitte Spiritum tuum, & creabuntur.

℞. Et renovabis faciem terræ.

Oremus.

Deus, qui corda fidelium Sancti Spiritûs illustratione docuisti: da nobis in eodem Spiritu recta sapere, & de ejus semper consolatione gaudere. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritûs Sancti Deus, per omnia sæcula sæculorum. Amen.

Discussio conscientiae fiet circa
sequentia.

Peccata contra Deum.

Confessione sacrilegâ, dum peccatum mortale reticui, vel quia de peccatis non dolui, aut propositum emendationis non habui, toties, &c.

Communione sacrilegâ in statu peccati mortalis, toties.

Negligentiâ in præparatione ad confessionem, vel communionem.

Dubitatione voluntariâ circa
aliquem fidei articulum, toties.
Negligentiâ in repellendis cogitationibus contra fidem, spem, charitatem, toties.

Blasphemiâ contra Deum, murmurando contra ejus justitiam, & misericordiam, &c. toties.

Negligentiâ in replendis tentationibus blasphemix, pusillanimitatis, toties.

Violatione voti in re gravi, toties.

Perjurio; cum falsum juravi, vel dubitans de veritate, toties.

Vel cum promisi aut minatus fui cum juramento, vel malum aliquod grave vel leve facturum, animo servandi, toties.

Vel dum juravi me remlicitam facturum animo non servandi, toties.

Fractione juramenti; quando

rem licitam juramentô promissam non servavi, cum possem.

Juramentô temerario; quando sine necessitate, vel utilitate verum juravi.

Missâ die feriatâ omnino non, vel non integrè auditâ, toties.

Distraktionibus in ea voluntariè admissis, toties.

Negligentiâ in vitandis distractionibus in oratione.

Ingratitudine erga Deum pro acceptis specialibus beneficiis, toties.

Contemptu, vel neglectu peccatorum gravium vel levium, toties.

Gloriatione ob peccata gravia vel levia, toties.

Complacentiâ in peccatis mortalibus olim admissis, toties.

Superbiâ circa dona naturæ, vel gratiæ; dum ea non Deo, sed meis meritis attribui, toties.

Jejunio Ecclesiastico, ad quod teneor, non observatô, toties.

Contra seipsum.

Acculo Superbiâ, arrogantia, ambitione, æstimatione mei ipsius nimia, complacentia vana, pertinacia in proprio sensu & judicio, hypocrisi. toties.

de Curiositate sciendi res perniciosas, curiosas, & periculosas. toties.

Cogitationibus lascivis, quibus voluntariè inhæsi toties; vel quibus me oblectavi. toties.

Desideriô deliberato peccandi contra castitatem, in tali specie. toties.

Negligentiâ in præcavendis; & comprimendis illicitis cogitationibus, motibus, illusionibus. toties.

Negligentiâ gravi, vel levi, in custodiendis sensibus, visu, auditu, odoratu, gustu, tactu. toties.

Intemperantiâ gravi, vel levi,
in cibo & potu. toties.

Negligentiâ & defectu appli-
cationis in studiis.

Otiositate, seu tempore malè
collocato.

Contra proximum.

Inobedientiâ gravi vel levi in
parentes, superiores, moderatores.

Murmuratione contra eos, vel
eorum contemptu. toties.

Despicientia proximi, vel aver-
sione ab eo; odio, ira, invidia, im-
patientia, suspicione vana, teme-
rariô judicio. toties.

Detractione contra proximum;
quando falsum delictum, grave vel
leve ipsi affinxi, vel verum occul-
tum detexi. toties. Idque ex o-
dio, & animô ejus famam lædendi.

Mendaciô, cum, vel sine gravi
damno proximi. toties.

Scurrilitate in loquendô, turpi-
loquio. toties.

Asperitate verborum, contentionē, susurratione, maledicentia, convitiis, contumeliis, irrisione.

Verberatione, vulneratione, gravi læsionē. toties.

Desideriō mali alieni gravis vel levis. toties.

Gaudiō ob malum proximi grave vel leve,

Dolore ob bonum proximi, cum, vel sine animo tale bonum impediendi. toties.

Voluntate alteri nocendi, vel me vindicandi, quamvis effectus non sit secutus. toties.

Scandalō gravi, vel levi, toties.

Laude delicti alieni. toties.

Irritatione proximi ad iracundiam, vel aliud malum.

Neglectu correctionis fraternæ, quomodo corrigere debuissē. toties.

Ex his, occurrent faciliē alia, quæ hoc paradi-gmate non continentur.

Antequam accedant ad confessionem, poterunt præmitere hanc orationem.

O Jesu! Deus cordis mei, infinitè misericors & longanimis, infinitè suavis & amabilis, cum Patre & Spiritu Sancto multiplicas super me inæstimabiles divitias misericordiæ, longanimitatis, & charitatis tuæ; qui hucusque me ingratum toties cum Petro respexisti, cum Magdalena in viam salutis reduxisti & in sanguine tuo animam meam dealbasti; toties me prodigum filium in osculum pacis recepisti, & infidelem licet famulum ad intimam familiaritatem invitasti: amplector, veneror; & adoro te, & tanta viscera misericordiæ tuæ erga me; atque omnium creaturarum affectû tibi gratias ago pro ineffabili isto æternæ tuæ dilectionis

nis excessu, quô mihi in tot defectus quotidie labenti, spatium & gratiam relipiscendi, spem veniæ, fiduciam perseverandi, ac gloriam consequendi tribuisti. Utinam ô Deus meus, te infinito amore & honore dignissimum semper amâsem & glorificâsem ! utinam te nunquam offendiâsem, nec offenderem post hac in æternum ! Sed ô bonitas infinita, quid tibi retribuui pro omnibus bonis, quæ tribuisti mihi, præter innumeras meas offensiones, ingrattitudines, & negligentias ? doleo de his ac omnibus & singulis vitæ meæ peccatis ex animo, purè propter te Deum meum infinitè amabilem, quia tibi, quem diligo, æternumque diligam super omnia displicent : ea propono firmiter ardentè per gratiam tuam emendare & compensare. In satisfactionem offero Tibi merita.

omnia, labores, ac dolores ipsumque sanguinem Domini mei Jesu Christi, merita Beatissimæ Virginis, & Sanctorum omnium, meque, ac vitam meam, cum universis meis actionibus, quas cupio dirigere ad gloriam Nominis tui, tibi devoteo. Amen.

Accedens ad confessionem, coram Sacerdote genuflexus dicat:

Benedic Reverende Pater.

Deinde facto signo S. Crucis recitet.

Confiteor Deo Omnipotenti, Beatæ Mariæ semper Virgini, Beato Michaeli Archangelo, Beato Joanni Baptistæ, Sanctis Apostolis Petro & Paulo, omnibus Sanctis, & tibi Pater: quia peccavi nimis cogitatione, verbo, & opere.

His dictis peccata sua integrè, nullò omisso, purè, absq; ulla simulatione, humiliter in conspectu Dei, distin-

Et cum verò emendationis affectu & animo contrito, recenseat, & tandem sic concludat:

De his & omnibus aliis meis peccatis, quorum etiam, non recordor, dico: mea culpa, mea culpa, mea maxima culpa. Ideo precor Beatam Mariam semper Virginem, Beatum Michaellem Archangelum, Beatum Joannem Baptistam, Sanctos Apostolos Petrum & Paulum, omnes Sanctos, & te Pater, orare pro me ad Dominum Deum nostrum.

Post hæc attentè ac devotè excipiat in junctam pœnitentiam, & si quam admonitionem Confessarius impertiat. Denique dum pronuntiatur absolutio, excitet Contritionem superius præscriptam.

Peraçta in hunc modum Confessione, & impetrata absolutione, si injuncta pœnitentia mox per solvi potest, ne

differtur, sed accuratè præstetur magno devotionis affectu. Deinde, si commodè fieri poterit, recitetur sequens.

O R A T I O.

Ex S. August: lib: de Spirit: docum.

Deprecor te Jesu Salvator, bone Redemptor, qui pretiosissimo Sanguine tuo redemptus sum, ut propter, carnis corruptionem non peream, neque veniam in mortem secundam, nec in terram oblivionis. Hæc vox in auribus misericordiæ tuæ sonet, ut tuam faciam voluntatem, & omnis mens mea te meditetur, in te delectetur, te sequatur, te confiteatur, qui redemisti me.

In æternum misericordia tua est, & in misericordia tua revixi perditus peccatis, & surrexi à mortuis.

quoniam segregasti me à peccatis
adolescentiæ meæ; & egi pœniten-
tiam coram te, quia servasti mihi
tempus conversionis, & confide-
rans peccata mea compunctus sum:
lætus jam inde tibi nunc & sem-
per innumeras gratias refero, quia
ut inveniam te, tu prius quæsi-
sti me; ut redirem ad te, tu com-
pulisti me, ut confiterer tibi, tu es
operatus; & ut me recognoscens
plangerem; tu dedisti mihi: tu e-
nim es misericors Dominus, qui
sperantes in te non confundis, re-
quirentes non derelinquis, rever-
tentes ad te, non respuis, sed e-
xultando & laudando suscipis, at-
que in æterna beatitudine, unâ cum
Sanctis & electis tuis æternaliter
regnare concedis, quia est tibi cum
æterno Patre & Spiritu Sancto u-
na Deitas, gloria, virtus, imperi-
um & potestas, in sæcula sæculo-
rum. Amen.

Modus Sacrae Communionis Eucharistiae. Ante Communionem tria sunt, quæ animam ad dignissimum hoc convivium piè disponunt.

Primum; dolor de peccatis, sive compunctio.

Secundum; desiderium, sive fames spiritualis.

Tertium; profunda reverentia, & animi demissio.

Oratio pia continens dolorem, desiderium & animi demissionem.

Ad mensam dulcissimi convivii tui, pie Domine Jesu Christe, ego peccator de propriis meritis nihil præsumens, sed de tua confidens misericordia & bonitate accedere vereor, & contremisco. Nam cor & corpus habeo multis criminibus maculatum; mentem, & linguam non cautè custoditam. Ergo, ô pia Deitas, ô tremenda

Majestas, ego miser inter angustias deprehensus, ad te fontem misericordiæ recurro; ad te festino sanandus; sub tuam protectionem fugio; & quem Judicem sustinere nequeo, Salvatorem habere suspiro. Tibi Domine, plagas meas ostendo: Tibi verecundiam meam detego. Scio peccata mea multa & magna, pro quibus damnari timeo. Confido misericordiis & miserationibus tuis, quarum non est numerus. Respice ergo in me oculis misericordiæ tuæ, pie Domine Jesu Christe, Rex æternæ, Deus & homo, crucifixe propter hominem. Exaudi me sperantem in te: miserere mei, pleni miseris & peccatis, tu qui fons miserationis nunquam manare cessas. Salve salutaris victima pro me & omni humano genere in patibulo Crucis oblata. Salve nobilis & pretiose

Sanguis de vulneribus crucifixi Domini mei Jesu Christi profluens, & peccata totius mundi abluens. Recordare Domine, Creaturæ tuæ, quam tuo sanguine redemisti. Pœnitet me peccasse: cupio emendare, quod feci. Aufer ergo à me, clementissime Pater, omnes iniquitates & peccata; ut purificatus mente & corpore, dignè digustare merear Sancta Sanctorum. Et concede, ut Sancta prælibatio Corporis & Sanguinis tui, quam ego indignus sumere intendo, sit peccatorum meorum remissio; sit delictorum perfecta purgatio, sit turpium cogitationum effugatio ac bonorum sensuum regeneratio operumque tibi placentium salubris efficacia; animæ quoque & corporis contra inimicorum meorum insidias firmissima tuitio. Amen.

Eja ergo laudo te Deus meus &

exalta te in æternum: despicio me
& subiicio tibi in profundum vili-
tatis meæ: ecce tu Sanctus San-
ctorum, ego sordes peccatorum:
ecce tu inclinas te ad me, qui non
sum dignus vel te respicere; & ta-
men tu venis ad me, tu vis esse
mecum, tu me invitas ad convi-
vium tuum.

*Sub ipsa Communione primò, pia
& modesta corporis compositio adhi-
benda est, accedendo ad altare iunctis
ante pectus manibus, oculis demissis,
flectendo genua, capite decenter ere-
ctò, corpore quietò, sine lectione vel
labiorum motu, oreque honestè aper-
tò, cum sacra hostia porrigitur, ita
ut lingua extremum labium attingat;
nec sit ultra exerta.*

*Secundò excitanda spes & amor
in Christum, non orando voce, sed me-
ditando sequentia.*

ORATIO MENTALIS.

Sub ipsa Communione.

O Dulcissime Jesu, in te est totum, quod desiderare possum & deo, tu salus mea, redemptio mea, spes & fortitudo; decus & gloria: amem te ex corde meo. o suavissime Jesu: regna in voluntate mea in æternum, ut nihil amem præter Te, & nihil mihi placeat nisi propter Te, sed semper idem velim, quod Tu vis, idem faciam, quod placet Sanctissimæ voluntati Tuæ.

O Virgo Beatissima Maria, Patroni mei & Sancti Dei omnes adjuvate vestris precibus, ut præstem constanter, quod firmiter propono ad gloriam dulcissimi mei Salvatoris.

*Post sacram Communionem
tria præstanda.*

1. *Agendæ Deo gratiæ.*
2. *Offerendum cor, & quidquid
suadet affectus ac pietas.*
3. *Petendum à Christo; quod no-
stra necessitas requirit.*

Actio gratiarum & oblatio.

Amabilissime Jesu, Deus cor-
dis mei, unde mihi indignis-
simo peccatori tanta dignatio, tanta
dilectio, tantæ majestatis ut me
occulis misericordiæ tuæ tam beni-
gnè, tam amanter visitare, tam mi-
sericorditer reficere, tam paterne-
fovere, tam suaviter, efficaciter &
mirabiliter ad gloriam mihi, ut
spero, prædestinatam, deducere
hucusque digneris? Benedicta sit
in æternum infinita bonitas, cha-
ritas, & misericordia tua, quâ me

ingratum toties cum Patre & Spiritu Sancto ab æterno sic dilexisti, ut. decerneres me cum electis omnibus creare, salvare, dotare, vocare ad tuam gratiam, & conservare ad gloriam: sed quanta benignitas & misericordia tua, quod me in tempore creâris, conservaveris, dotaveris, redemeris pretiô Sanguinis tui pretiosissimi, & hodie animam meam corpore & sanguine tuo refeceris, mihi què pignus amoris tui & futuræ gloriæ te ipsum in Sacratissimo convivio tuo dederis. Agnosco, ô benignissime Jesu, charitatem tuam erga me, & omnium creaturarum affectû, præsertim voce omnium Sanctorum & Spirituum cælestium, te Dominum meum adoro, laudo & glorifico: me infra omnes creaturas in centrum nihili mei demitto, & supremæ tuæ Majestati inclino;

nam tua sola gratiâ sum id, quod
sum. Credo in te, ô ineffabilis ve-
ritas: in te spero, ô fidelissima mea
felicitas: te amo & semper amabo
super omnia, ô summa bonitas!
Gaudeo etiam de omni tua per-
fectione, beatitudine, gloria &
beneplacito tuo, meque tibi usq;
ad mortem & mei annihilationem
resigno: totus tuus esse & in æter-
num permanere desidero, sicut tu
totus in hac suavissima communi-
one & in vita ac morte tua meus
esse voluisti. Omnem vitam meam
tuo offero obsequio: offero tibi
intellectum meum, ut te cogno-
scat, cogitet & meditetur: offero
memoriam, ut tui recordetur: of-
fero voluntatem, ut te diligat: of-
fero omnia pia desideria, quæ un-
quam habui, aut habiturus sum:
offerō sensus meos & affectus, ne
unquam à te declinent: offero

quidquid sum, quidquid habeo, aut
habiturus sum, ut totus tibi ex o-
mnibus viribus & ex tota mente
serviam in æternum, Amen.

Anima Christi sanctifica me.
Corpus Christi, salva me.
Sanguis Christi inebria me.
Aqua lateris Christi lava me.
Passio Christi conforta me.
O bone Jesu exaudi me.
Intra vulnera Tua absconde me.
Ne permittas me separari à te.
Ab hoste maligno *defende* me.
In hora mortis meæ voca me.
Et jube me venire ad te.
Ut cum Sanctis tuis iadem te.
In sæcula sæculorum. Amen.

*Subijciat 5. Orationes Dominicas,
& totidem salutationes Angelicas, ad
honorem 5. vulnerum Christi, eique
commendet;*

1. In Sacrum vulnus dextera; Ec-

Manipulus plar: precum 183

clesiam Catholicam, summum Pontificem, omnesque Ecclesiæ Prælatos.

Pater noster, Ave Maria.

2. In vulnus manûs sinistræ; magistratus, præsertim supremos, statûs sæcularis, & Superiores suos.

Pater noster, Ave Maria.

3. In vulnus Pedis dextri; omnes obduratos & in peccato mortali existentes.

Pater noster, Ave Maria.

4. In vulnus pedis sinistri; animas fidelium defunctorum.

Pater noster, Ave Maria.

5. In vulnus lateris commendet, se, suos Parentes, nutritios, amicos, & inimicos.

Pater noster, Ave Maria.

Memor sit diem, quò Sacram Communionem suscepit, peculiari modestiâ ac pietate transigere, & frequenter diebus insequentibus inestimabilis illius beneficii recordatione se ad

evitanda peccata & sectandas virtutes incitare.

Modus audiendi devotè Sacrum.

Factò signò S. Crucis, Domino Deo, cujus præsentiam recogitabunt; instantem suam orationem offerant, & gratiam benè precandi petant sequenti collectâ, quam aliis quoque prolixioribus orationibus, ac universim quibuscunque negotiis præmitti convenit.

Actiões nostras, quæsumus Domine, aspîrando præveni & adjuvando prosequere ut cuncta nostra oratio & operatio à te semper incipiat; & per te cæpta finiatur. Per Christum Dominum nostrum. Amen.

Factâ hac oblatione, & benedictionis divinæ invocatione, qui in classibus superioribus sunt, usque ad elevationem quatuor minores Horas, id est Primam, Tertiam, Sextam &

Nonam ex Officio B. Mariæ Virginis, pro incremento gratiæ in vocatione sua Clericali recitent. Adolescentes verò inferiorum classium dicant pro conservanda castitate Officium Immaculatæ Conceptionis B. M. Virginis. & Hymnum S. Casimiri.

OFFICIUM PARVUM

*Immaculatæ Conceptionis Beatissimæ
VIRGINIS Mariæ.*

AD MATUTINUM.

℣. **E**ia mea labia nunc annunciate

℞. Laudes & præconia Virginis Immaculatæ.

℣. Domina in adjutorium meum intende.

℞. Me de manu hostium potenter defende.

℣. Gloria Patri, &c.

Hymnus.

Salve mundi Domina,
 Cælorum Regina,
 Salve Virgo Virginum.
 Stellam matutina,
 Salve plena gratiæ,
 Clara lux Divina,
 Mundi in auxilium
 Domina festina.

Ab æterno Dominus
 Te præordinavit
 Matrem Unigeniti
 Verbi, quô creavit.
 Terram, Pontum, æthera;
 Te pulchram ornavit
 Sibi Sponsam, quæ in
 Adam non peccavit.

✠. *Elegit eam Deus, & præelegit eam.*

R. *In tabernaculo suo habitare fecit*

eam.

AD PRIMAM

Hymnus.

Salve Virgo Sapiens,
Domus Deo dicata,

Columna septemplici;

Mensaque exornata,

Ab omni contagio

Mundi præservata,

Ante Sancta in utero

Parentis, quàm nata.

Tu Mater viventium,

Et porta es Sanctorum;

Nova Stella ex Jacob,

Domina Angelorum.

Zabulo terribilis

Acies castrorum,

Portus & refugium

Sis Christianorum.

V. Ipse creavit illam in Spiritu Sancto.

R. Et exaltavit illam inter omnia opera sua.

AD TERTIAM.

Hymnus.

Salve Arca fæderis ;
Thronus Salomonis ,
Arcus pulcher ætheris ,
Rubus visionis ,

Virga frondens germinis ,
Vellus Gedeonis ;
Porta clausa Numinis ,
Favusque Samsonis.

Decebat tam nobilem
Natum precavere
Te ab originali
Labe Matris Evæ ;
Almam , quam elegerat
Genitricem verè ,
Nulli prorsus sinens
Culpæ subjacere.

V. Ego in altissimis habito ,

*R. Et Thronus meus in columna nu-
bis.*

AD SEXTAM.

Manipulus piar: precum 189

Hymnus.

Salve Virgo puerpera,
Templum Trinitatis,
Angelorum gaudium,
Cella puritatis.

Solamen mærentium,
Hortus voluptatis,
Palma patientiæ,
Cedrus Castitatis.

Terra es benedicta,
Et Sacerdotalis,
Sancta, & immunis
Culpæ originalis.

Civitas Altissimi,
Porta orientalis,
In Te est omnis gratia;
Virgo singularis.

†. *Sicut lilium inter spinas,*

‡. *Sic amica mea inter filias Adæ.*

AD NONAM.

Hymnus

Salve Urbs refugii,
Turrisque munita
David, propugnaculis
Armisque insignita.

In Conceptione:
Charitate ignita,
Draconis potestas
Est à Te contrita.

O mulier fortis,
Et invicta Judith!
Pulchra Absag Virgo,
Verum fovens David:

Rachel Curatorem
Ægypti gestavit:
Salvatorem mundi
MARIA portavit.

*V. Tota pulchra es amica mea.
R. Et macula originalis nunquam
fuit in te.*

AD VESPERAS.

Manipulus piar: precum 191

Hymnus.

Salve horologium ,
Quo retrò gradiatur
Sol in decem lineis ,
Verbum incarnatur ,
Homo, ut ab inferis
Ad summa attollatur ,
Immensus ab Angelis
Paulò minoratur.

Solis hujus radiis:
MARIA coruscat ,
Consurgens aurora
In conceptu micat.

Lilium inter spinas ,
Quæ serpentis conterat
Caput , pulchra ut Luna
Errantes collustrat.

*V. Ego feci in cælis, ut oriretur lu-
men indeficiens.*

*R. Et quasi nebula texi omnem te-
ram.*

AD COMPLETORIUM.

Hymnus.

Salve Virgo. florens,
 Mater illibata,
 Regina clementiæ,
 Stellis coronata.

Supra omnes Angelos
 Pura, Immaculata,
 Atque ad Regis dexteram
 Stans veste deauratâ.

Per te Mater gratiæ;
 Dulcis spes reorum.
 Fulgens Stella maris,
 Portus naufragorum,

Patens Cæli janua,
 Salus infirmorum;
 Videamus Regem
 In aula Sanctorum.

¶. Oleum effusum Maria Nomen tuum.

R. Servi tui dilexerunt te nimis.

¶. Domina protege orationem meam.

R. Et clamor meus ad te veniat.

Ore-

Oremus.

Sancta MARIA Regina cœlorum,
Mater Domini nostri Jesu Chri-
sti, & mundi Domina, quæ nul-
lum dereliquis, & nullum despicias:
respice nos Domina clementer o-
culô tuæ pietatis, & impetra no-
bis apud Tuum dilectum Filium
cunctorum veniam peccatorum; ut
qui nunc Tuam Sanctam, & Imma-
culatam Conceptionem devotô af-
fectu recolimus, æternæ in futu-
rum beatitudinis bravium capia-
mus, ipsô, quem Virgo peperisti,
donante Domino nostro Jesu Chri-
sto, qui cum Patre, Spiritu San-
cto vivit, & regnat in Trinitate
Perfecta Deus, in sæcula sæculo-
rum, Amen.

COMMENDATIO.

Supplices offerimus
Tibi Virgo pia,

Hæc laudum præconia.

Fac nos, ut in via
Ducas cursû prospero ,

Et in agonia
Tu nobis assiste ,

O dulcis MARIA, Amen,

Antiph: Hæc est Virga , in qua
nec nodus originalis , nec cortex
actualis culpæ fuit.

✠. *In Conceptione Tua, Virgo Immaculata fuisti.*

R. *Ora pro nobis Patrem, cujus Filium peperisti.*

Oremus.

Deus , qui per Immaculatam Virginis Conceptionem dignum Filio Tuo habitaculum præparasti: quæsumus, ut sicut ex morte ejusdem Filii Tui prævisa, eam ab omni labe præservasti, ita nos quoque mundos ejus intercessione ad te pervenire concedas. Per D^o.

minum nostrum Jesum Christum
Filium Tuum, qui tecum vivit, &
regnat in unitate Spiritûs Sancti
Deus, per omnia sæcula sæculo-
rum, Amen.

✠. *Immaculata B.M.V. Conceptio.*

R. *Sit nobis præsidium & protectio.*

HYMNUS SANCTI CASIMIRI

Ad Beatissimam Virginem.

Omnī die dic MARIÆ
Mea, laudes, anima.

Ejus festa, ejus gesta

Cole devotissima.

Contemplare & mirare

Ejus celsitudinem.

Dic felicem Genitricem,

Dic Beatam Virginem.

Ipſam cole, ut de mole

Criminum te liberet.

Hanc appella , ne procella
Vitiorum superet.

Hæc persona nobis dona
Contulit cælestia :

Hæc Regina nos divina
Jlluſtravit gratiâ.

Lingua mea dic trophæa
Virginis puerperæ ,

Quæ inflictum maledictum
Miro transfert germine.

Sine fine dic Reginæ
Mundi , laudum cantica :

Ejus bona ſemper ſona ,
Semper illa prædica.

Omnes mei ſenſus ei
Perſonate gloriâ.

Frequentate tam Beatæ
Virginis memoriâ.

Nullus certè tam diſertæ
Extat eloquentiæ ,

Qui condignos promat hymnos
Ejus excellentiæ ,

Omaes laudent , unde gaudent ,
Matrem Dei Virginem.

Nullus fingat, quod attingat
Ejus celsitudinem;
Sed necesse, quod prodesse
Piis constat mentibus,
Ut intendam, quod impendam
Me ipsius laudibus.
Quamvis sciam, quod **MARIAM**
Nemo dignè prædicet,
Tamen vanus & insanus
Est, qui illam reticet.
Cujus vita erudita
Disciplinâ cælicâ,
Argumenta & figmenta
Destruxit hæretica.
Hujus mores, tanquam flores,
Exornant Ecclesiam:
Actiones, & sermones
Miram præstant gratiam.
Evæ crimen nobis limen
Paradisi clauferat;
Hæc dum credit, & obedit,
Cœli claustra referat.
Propter Evam homo sævam
Accepit sententiam:

Per MARIAM habet viam;
 Quæ ducit ad Patriam.
 Hæc amanda, & laudanda
 Cunctis specialiter :
 Venerari, & precari
 Eam decet jugiter.
 Ipsa donet, ut, quod monet
 Natus ejus, faciam :
 Ut finitâ carnis vitâ,
 Lætus hunc aspiciam.

SECUNDA PARS.

O Cunctarum sæminarum
 Decus atque gloria!
 Quam electam & electam
 Scimus super omnia.
 Clemens audi, tuæ laudi
 Quos instantes, conspicias.
 Munda reos, & fac eos
 Donis dignos cælicis.
 Virga Jesse, spes oppressæ
 Mentis & refugium,

Decus mundi, lux profundi,
Domini sacrarium
Vitæ forma, morum norma.
Plenitudo gratiæ:
DEI templum, & exemplum
Totius Justitiæ.
Virgo salve, per quam valvæ
Cæli patent miseris,
Quam non flexit, nec allexit
Fraus serpentis veteris.
Generosa & formosa
David Regis filia,
Quam elegit Rex, qui regit,
Et creavit omnia.
Gemma decens, rosa recens,
Castitatis lilium,
Castum chorum ad polorum
Quæ perducis gaudium.
Actionis & sermonis
Facultatem tribue,
Ut tuorum meritorum
Laudes promam strenuè.
Opto nimis, ut imprimis
Des mihi memoriam,

Quâ decenter & frequenter
Tuam cantem gloriam.

Quamvis muta, & polluta
Mea sciam labia;

Præsumendum, nec silendum
Est de tua gloria.

Virgo gaude, omni laude
Digna, & præconiô,

Quæ damnatis libertatis
Facta es occasio.

Semper munda & fœcunda
Virgo tu puerpera,
Mater alma, velut palma
Florens & fructifera.

Ejus flore, & odore
Recreari cupimus;

Cujus fructu nos à luctu
Liberari credimus.

Pulchra tota sine nota
Cujuscunque maculæ,
Fac nos mundos & jucundos
Te laudare sedulè.

O Beata! per quam data
Nova mundo gaudia,

Et aperta fide certâ
Regna sunt cœlestia.
Per te mundus lætabundus
Novô fulget lumine.
Antiquarum tenebrarum
Exutus caligine.
Nunc potentes sunt egentes,
Sicut olim dixeras:
Et egeni fiunt pleni,
Ut Tu prophetaveras.
Per te morum nunc pravorum
Relinquuntur devia,
Doctrinarum perversarum
Pulsa sunt præstigia
Mundi luxus, atque fluxus
Docuisti spernere:
DEUM quæri, carnem teri,
Vitiis resistere;
Mentis cursum tendi fursum:
Pietatis studio;
Corpus angi, motus frangi
Pro cœlesti præmio.

Tu portâsti inter casti
Ventris claustra Dominum
Redemptorem, ad honorem
Nos formans pristinum.
Mater facta sed intacta
Genuisti filium,
Regem Regum, atque rerum
Creatorem omnium.
Benedicta, per quam victa
Hostis est versutia,
Destitutis spe salutis
Datur Indulgentia.
Benedictus Rex invictus,
Cujus Mater crederis,
Increatus ex te natus,
Nostri salus generis.

TERTIA PARS.

Reparatrix, Consolatrix,
Desperantis animæ,
A pressura, quæ ventura
Malis est nos redime.

Pro me pete, ut quiete
Sempiternâ perfruar,
Ne tormentis comburentis
Stagni miser obruar.
Quod requiro, quod suspiro,
Mea sana vulnera;
Et da menti te poscenti
Gratiarum munera;
Ut sim castus & modestus,
Dulcis, blandus, sobrius,
Pius, rectus, circumspectus,
Simultatis nescius,
Eruditus & munitus
Divinis eloquiis,
Timoratus, & ornatus
Sacris exercitiis,
Constans, gravis, & suavis,
Benignus, amabilis,
Simplex, purus, & maturus,
Patiens & humilis:
Corde prudens, ore studens
Veritatem dicere,
Malum nolens, DEUM colens
Piô semper opere;

Esto tutrix & adjutrix
Christiani populi :
Pacem præsta , ne molesta
Nos perturbent sæculi ;
Salutaris stella maris ,
Summîs digna laudibus ,
Quæ præcellis cunctis stellis
Atque luminaribus ;
Tuâ dulci prece fulci
Supplices & refove.
Quidquid gravat , vel depravat
Mentes nostras , remove ,
Virgo gaude , quòd de fraude
Dæmonis nos liberas ,
Dum in vera & sincera
Carne DEUM generas.
Illibata & ditata
Cælesti progenie ,
Gravidata nec fraudata
Flore pudicitiae :
Nam quod eras , perseveras ,
Dum intacta generas ,
Illum tractans atque lactans ,
Per quem facta fueras.

Commendare me dignare
Christo tuo Filio,
Ut non cadam, sed evadam
De mundi naufragio:
Fac me mitem, pelle litem,
Compesce lascivam,
Contra crimen da munimen,
Et mentis constantiam:
Non me liget, nec fatiget
Sæculi cupiditas,
Quæ indurat & obscurat
Mentes sibi subditas:
Nunquam ira, nunquam dira
Me vincat elatio,
Quæ multorum sit malorum
Frequenter occasio;
Ora DEUM, ut cor meum
Suâ servet gratiâ,
Ne antiquus inimicus
Seminet zizania:
Da levamen & juvamen
Tuum illis jugiter,
Tua festa, sive gesta
Qui colunt alacriter. Amen.

Ad consecrationem & elevationem hostiæ usque ad orationem Dominicam, dicantur tarde & pensulatè sequentes orationes.

Ave verum corpus natum de Maria Virgine: verè passum immolatum in Cruce pro homine: cujus latus perforatum unda fluxit sanguine; Esto nobis prægustatum in mortis examine. O dulcis, ô pie, ô Jesu Fili Mariæ Miserere mei. Amen.

O Jesu Fili Dei & Mariæ Virginis, Dominus meus, & Deus meus, qui pro me in Cruce mori dignatus es, adoro, amo, & glorifico te super omnia: credo in te: spero in te: doleo purè propter te, quòd unquam offenderim te. Ex hoc momento paratum cor meum ad omnem nutum tuum. Tuus sum ego, eroque in æternum: posside me, &

tuæ voluntati penitus me conforma. Pater misericordiarum respice in faciem dilectissimi Filii tui, quem in sacrificium laudis, gratiarum actionis, & propitiationis tibi offero., per illius lachrymas, sudorem & sanguinem: per gemitus & suspiria, per labores & obsequia; per dolores & supplicia per infinita ejus merita miserere mei, & omnium, pro quibus mortuus est, ut te semper perfectè amemus, & tuam Sanctissimam voluntatem amplectamur & exequamur in tempore, & in æternitate.

Miserere etiam misericordissime Pater omnium fidelium defunctorum, eisq; requiem æternam concede, ut te æternum laudent, benedicant & glorificent, cui debetur omnis laus, honor, & gloria, Amen.

Respice pie Pater piissimum Fi-

lium tuum pro me crucem passum: intuere sacratissima ejus vulnera: cerne manus innoxias promanantes cruore; & remitte placatus scelera, quæ patrauerunt manus meæ. Considera inerme latus crudeli perfossum cuspide, & renova me sacrò fonte, quem inde fluxisse credo. Vide immaculata vestigia, quæ non steterunt in via peccatorum, sed semper ambulârunt in lege tua, diris confixa clavîs: & perforce gressus meos in semitis tuis, & fac me odio habere omnem viam iniquitatis.

Postmodum cum celebrante recitent orationem Dominicam, quæ sequitur.

ORATIO.

Libera nos, quæsumus Domine ab omnibus malis, præteritis, præsentibus, & futuris, & intercedente Beatâ & gloriosâ semper

Virgine Dei Genitrice Maria, cum Beatis Apostolis tuis Petro & Paulo atque Andrea, & omnibus Sanctis: da propitius pacem in diebus nostris: ut ope misericordiæ tuæ adjuti, & à peccato simus semper liberi & ab omni perturbatione securi. Per eundem Dominum nostrum Jesum Christum Filium tuum, qui tecum vivit & regnat in unitate Spiritus Sancti Deus, per omnia sæcula sæculorum. Amen.

Agnus Dei, qui tollis peccata mundi, Miserere nobis.

Agnus Dei, qui tollis peccata mundi. Miserere nobis:

Agnus Dei, qui tollis peccata mundi. Da nobis pacem.

Hic spirituales Communionem per varios fidei, spei, charitatis & aliarum virtutum actus erga Deum & Christum in venerabili Sacramento realiter præsentem instituant ad hunc modum:

Adoro te Domine Jesu vivâ, & verâ fide, in hoc Sacramento Corpore & animâ, carne & sanguine, vi mirabilis potentiae & bonitatis verè præsentem; & spero in te, ó fons omnis bonitatis & misericordiae; non enim sum dignus ut intres sub tectum meum, sed tantùm dic verbô, tu qui solô nutu potes omnia, & sanabitur misera & languens anima mea. Amo Te Domine tam amantem mei ex toto corde meo, super me & omnia: & ideo cupio te sumere modò saltem spiritualiter per gratiam tuam, quæ cor meum à tot peccatis & imperfectionibus purificet, meritis & virtutibus exornet, Sanctis cogitationibûs & illustrationibûs, velut divinæ sapientiæ tuæ radiis, illuminet, accendat in charitate, confortet in tentationibus, ne unquam separer à te, consoletur in

tribulationibus , ut amore tui & propter te feram eas patienter, lubenter & gaudenter; in sancta vocatione mea ad tuam gloriam, & animarum salutem corroberet, atque sic ad finem usque perseverantem, ad vitam æternam securè perducatur. Amen.

Anima Christi sanctifica me , ut
supra fol: 182.

Tum pro gratiarum actione ob maximum beneficium, quod in Sacramento Eucharistiæ, & Sacrificio Missæ Christus nobis exhibuit, se ipsum communicando, & Deo Patri pro nobis offerendo, uti & pro ipsa Sacratissima passione, quam hoc Sacrificium repræsentat, dicatur, Antiphona.

O Sacrum Convivium, in quo Christus sumitur, recolitur memoria passionis ejus: mens impletur gratiâ; & futuræ gloriæ nobis pignus datur.

*Ps. Panem de cælo præstitisti nobis.
R. Omne delectamentum in se habentem.*

Oremus.

Deus, qui nobis sub Sacramento mirabili passionis tuæ memoriam reliquisti: tribue quæsumus, ita nos Corporis, & Sanguinis tui Sacra Mysteria venerari; ut Redemptionis tuæ fructum in nobis jugiter sentiamus, qui vivis & regnas cum Deo Patre in unitate Spiritûs Sancti Deus, per omnia sæcula sæculorum. Amen.

Sequitur Oratio S. Francisci Xavierii, quam ipse sub sacro pro conversione paganorum dicere solebat, ad hæreticorum, & omnium gravium peccatorum emendationem à Deo exorandam directâ.

Æterne rerum omnium effector
Deus, memento abs te ani-

mas infidelium, hæreticorum & peccatorum procreatas, easq; ad imaginem & similitudinem tuam conditas. Ecce Domine in opprobrium tuum his ipsis infernus impletur? memento Jesum dilectum Filium tuum pro illarum salute atrocissimam subisse necem: noli, quæso Domine, ultra permittere, ut Filius tuus ab infidelibus, hæreticis, ac peccatoribus contemnatur; sed precibus Sanctorum virorum, & Ecclesiæ Sanctissimæ Filii tui sponsæ placatus recordare misericordiæ tuæ, & oblitus idololatriæ, infidelitatis, contumaciæ & malitiæ eorum, effice, ut ipsi quoque agnoscant, timeant ac diligant aliquando, quem misisti, Dominum nostrum Jesum Christum, qui est salus & vita, & resurrectio nostra, per quem salvati & liberati sumus, cui sit gloria per infinita sæcula sæculorum. Amen.

Denique ad finem Missæ ex Officio parvo B. MARIÆ Virginis recitent hymnum & collectam ejus diei, cum versiculo & responso, ac cum celebrante percurrant sequens Evangelium.

Initium Evangelii S. Joannis.

In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per Ipsum facta sunt, & sine ipso factum est nihil, quod factum est, in ipso vita erat, & vita erat Lux hominum: & Lux in tenebris lucet, & tenebræ eam non comprehenderunt. Fuit Homo missus à Deo, cui nomen erat Joannes. Hic venit in Testimonium, ut Testimonium perhiberet de Lumine, ut omnes crederent per illum. Non erat ille Lux, sed ut Testimonium

perhiberet de Lumine. Erat Lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt: Quotquot autem receperunt eum, dedit eis potestatem filios Dei fieri, his, qui credunt in nomine ejus: Qui non ex sanguinibus, neque ex voluntate carnis, neq; ex voluntate viri, sed ex Deo nati sunt. Et Verbum caro factum est, & habitavit in nobis: Et vidimus gloriam ejus, gloriam quasi Unigeniti à Patre, plenum gratiæ & veritatis. Deo gratias.

Oratio ante quodvis opus.

Actiones nostras, quæsumus Domine, aspirando præveni, & adjuvando prosequere, ut cuncta nostra oratio & operatio semper à

te incipiat, & per te cæpta finiat.
tur. Per Christum. &c.

Alia

O Christe Jesu, in unione charitatis illius, quâ opus nostræ redemptionis operatus es in medio terræ, offero tibi hoc opus. N. & omnes actiones meas ad maiorem Nominis tui gloriam, meam & proximorum salutem.

Oratio post quodlibet opus.

Benedictus es Domine Deus meus, qui exordium, progressum & exitum huic operi tribuisti, tuum est, si quid in eo bonum est, propter quod te laudo: meum, si quid in eo peccatum, de quo doleo. Dignare ô piissimè Domine, suscipere, & meritis Unigeniti Filii tui supplere imperfectum meum & da, ut quod à me neglectum, alias juxta beneplacitum tuum corrigatur & perficiatur.

Ante

Ante scholam & studia recitetur.

Veni Sancte Spiritus, reple tuorum corda fidelium, & tui amoris in eis ignem accende: Qui per diversitatem linguarum cunctarum gentes in unitate fidei congregasti.

℣. Emitte Spiritum tuum & creabuntur.

℞. Et renovabis faciem terræ.

Oremus.

Deus, qui corda fidelium Sancti Spiritus illustratione docuisti, da nobis in eodem Spiritu recta sapere, & de ejus semper consolatione gaudere. Per Dominum nostrum Jesum Christum Filium tuum, qui tecum vivit & regnat in unitate ejusdem Spiritus Sancti Deus, per omnia sæcula sæculorum. Amen.

Oratio ante studia.

Verbum Patris æterni . . . & o-
K

mnis sapientiæ fons, Domine Jesu Christe, docilitatem mentibus nostris & intelligentiæ lumen infunde, ut feliciter nobis cedant hæc literarum studia, quibus adjuti ad clariorem tui agnitionem, & perfectum amorem bonitatis tuæ pervenire possimus. Qui vivis & regnas Deus in sæcula sæculorum. Amen.

Alia Oratio ante studia S. Thomæ Aquinatis.

Creator ineffabilis, qui de thesauro sapientiæ tuæ, tres Angelorum Hierarchias annotasti, & eas super cælum Empyreum mirò ordine collocasti, atque elegantissimè partes Universi distribuisti. Tu, inquam, qui verus fons luminis & sapientiæ diceris, atque supereminens principium, infundere digneris super intellectûs mei tenebras tuæ radium claritatis, duplices, in

quas natus sum, à me removens tenebras, peccatum scilicet, & ignorantiam. Qui linguas infantium facis esse disertas, linguam meam erudias, atq; labiis meis gratiam tuæ Benedictionis infundas. Da mihi intelligendi acumen, retinendi capacitatem, interpretandi sublimitatem, addiscendi facilitatem, loquendi gratiam copiosam: ingressum instruas, progressum dirigas, egressum compleas. Per Christum Dominum nostrum. A.

Oratio post studia.

Gratias ago Tibi æterna Sapientia Jesu Christe, cui hæc, quæ modo didici, me docere placuit. Da Domine labori meo incrementum, quò proficiat ad tuam gloriam, & meam ac proximorum meorum æternam salutem. Amen.

Quoties auditur signum horæ, recitetur unum Ave Maria cum versiculis:

K ij

MARIA Mater gratiæ,
 Dulcis Parens clementiæ,
 Tu nos ab hoste protege
 Et mortis horâ suscipe,
 Ad signum Angelicæ salutationis.

1. *Angelus Domini nuntiavit Mariæ,
 Et concepit de Spiritu Sancto.*

Ave MARIA. &c.

2. *Ecce Ancilla Domini, fiat mihi
 secundum verbum tuum*

Ave MARIA. &c.

3. *Et Verbum Caro Factum est, Et
 habitavit in nobis.*

Ave MARIA. &c.

Oremus.

Gratiam tuam, quæsumus Domine, mentibus nostris infunde, ut qui Angelo nunciante, Christi Filii tui Incarnationem cognovimus, per Passionem ejus & crucem ad Resurrectionis gloriam perducamur. Per eundem Christum Dominum nostrum. Amen.

*Die Jovis ad Christi agoniam pro
opportunitate dicentur septem Pater
noster.*

*℣. Proprio Filio suo non pepercit
Deus.*

*℞. Sed pro nobis tradidit
illum.*

Oremus.

Domine Jesu Christe, qui misē-
rias & angustias, opprobria ac
convitia, calumnias & injurias, pæ-
nas & afflictiones, passionem &
mortem patienter pro nobis misē-
ris peccatoribus redimendis ferre
voluisti: te supplices exoramus, ut
omnes cruciatus, vitam, & mor-
tem tuam, inter judicium tuum,
& animas nostras, nunc & in hora
mortis nostræ ponere, & largiri
digneris vivis misericordiam & gra-
tiam, defunctis requiem & veni-
am, Ecclesiæ tuæ pacem & con-
cordiam, patriæ nostræ tranquil-

litatem & nobis peccatoribus vitam & lætitiā sempiternā. A.

Cum puljatur die Veneris ad obitum Christi, precentur omnes :

Christus factus est pro nobis obediens usq; ad mortem, mortem autem Crucis; propter quod Deus exaltavit illum, & dedit illi nomen, quod est super omne nomen.

℣. Adoramus te Christe & benedicimus tibi.

℞. Quia per Sanctam Crucem tuam redemisti mundum.

Oremus,

Respice, quæsumus Domine, super hanc familiam tuam, pro qua Dominus noster JESUS Christus non dubitavit manibus tradi nocentium & Crucis subire tormentum, qui tecum vivit & regnat in sæcula sæculorum, Amen.

Benedictio Mensæ ante prandium.

℣. Benedicite. ℞. Benedicite.

℣. Oculi enim in te sperant Domine, & tu das escam illorum in tempore opportuno.

℞. Aperis tu manum tuam & imple omne animal benedictione.

℣. Gloria Patri & Filio & Spiritui Sancto.

℞. Sicut erat in principio & nunc & semper & in sæcula sæculorum. A.

Kyrie eleyson, Christe eleyson.

Kyrie eleyson. Pater noster &c.

℣. Et ne nos inducas in tentationem.

℞. Sed libera nos a malo.

✠ Oremus.

Benedic Domine nos & hæc Tua dona, quæ de Tua largitate sumus sumpturi. Per Christum Dominum nostrum. ℞. Amen.

℣. Jube Domine benedicere.

℞. Mensæ cælestis participes faciat nos Rex æternæ gloriæ. Amen.

Post Prandium.

℣. Tu autem Domine miserere nobis.

℞. DEO gratias.

℣. Confiteantur tibi Domine omnia opera tua.

℞. Et Sancti tui benedicant tibi.

℣. Gloria Patri & Filio & Spiritui Sancto.

℞. Sicut erat in principio & nunc & semper & in sæcula sæculorum. A.

Agimus tibi gratias omnipotens Deus pro universis beneficiis tuis, Qui vivis & regnas in sæcula sæculorum. *℞. Amen.*

Laudate Dominum omnes gentes, laudate eum omnes populi.

Quoniam confirmata est super nos misericordia ejus & veritas Domini manet in æternum.

Gloria Patri & Filio & Spiritui Sancto.

Sicut erat in principio & nunc

Manipulus piar: precum 225

& semper & in sæcula sæculorum. A.

Kyrie eleyson, Christe eleyson
Kyrie eleyson. Pater noster.

℣. *Et ne nos inducas in tentatio.*
nem. R. Sed libera nos à malo.

℣. *Dispersit dedit pauperibus.*
R. Justitia ejus manet in sæculum
sæculi.

℣. *Benedicamus Dominum in omni*
tempore.

R. *Semper laus ejus in ore meo.*

℣. *In Domino laudabitur anima*
mea.

R. *Audiant mansueti & latentur.*

℣. *Magnificate Dominum mecum.*

R. *Et exaltemus nomen ejus in id*
ipsum.

℣. *Sit nomen Domini benedictum.*

R. *Ex hoc nunc & usq; in sæcu-*
lum.

Retribuere dignare Domine, o-
mnibus nobis bona facientibus pro-
pter nomen tuum vitam æternam.
Amen.

K. V.

✠. *Benedicamus Domino.*

R. *DEO gratias.*

✠. *Fidelium animæ per misericordiam Dei requiescant in pace.* R. *A.*

Pater noster secreto.

Deus det nobis suam pacem. R. *A.*

Ante Cœnam.

✠. *Benedicite.* R. *Benedicite.*

Edent pauperes & saturabuntur & laudabunt Dominum, qui requirunt eum: vivent corda eorum in sæculum sæculi.

✠. *Gloria Patri & Filio & Spiritui Sancto.*

R. *Sicut erat in principio & nunc & semper & in sæcula sæculorum.* A.

Kyrie eleyson. Christe eleyson, Kyrie eleyson. Pater noster.

✠. *Et ne nos inducas in tentationem.*
R. *Sed libera nos a malo.*

Oremus.

Benedic Domine nos & hæc tua.

Manipulus piar: precum 227

dona, quæ de tua largitate sumus
sumpturi. Per Christum Domi-
num nostrum. R. Amen.

Jube Domine benedicere. Ad
cænam vitæ æternæ perducatur nos
Rex æternæ gloriæ.

Post Cænam.

✠. *Memoriam fecit mirabilium suo-
rum misericors & m̃j creator Domine.*

R. *Ejcam dedit timentibus se.*

✠. *Gloria Patri & Filio & Spi-
ritui Sancto.*

R. *Sicut erat in principio & nunc
& semper & in sæcula sæculorum. A.*

Benedictus Deus in donis suis,
& Sanctus in omnibus operibus su-
is; qui vivit & regnat in sæcula
sæculorum. R. Amen.

Laudate Dominum omnes gen-
tes & reliqua ut supra 224.

*In Nativitate Domini usque ad
Cænam Vigiliæ Epiphaniæ exclusivè
dicitur.*

V. Verbum Caro factum est. Alleluia.

R. Et habitavit in nobis. Alleluia.

Gloria Patri & Filio & Spiritui
Sancto.

Sicut erat in principio & nunc
& semper, & in sæcula sæculorum.
Amen. *In fine dicitur.*

V. Notum fecit Dominus Alleluia.

R. Salutare suum Alleluia.

In Epiphania & per totam suam.

*V. Reges Tharsis & insula, mune-
ra offerent Alleluia.*

*R. Reges Arabum & Saba dona ad-
ducunt. Alleluia.*

Gloria Patri &c. ut supra.

In fine dicitur.

V. Omnes de Saba venient. Alleluia.

R. Aurum & thus deferrentes. Allel.

Gloria Patri & Filio & Spiritui S.

Sicut erat in principio & nunc &
semper & in sæcula sæculorum. A.

In Cana Domini dicitur absolute.

Christus factus est pro nobis o-
bediens usque ad mortem.

Manipulus piar: precum 229

Deinde Pater noster totum secreto.

In fine iterum dicitur.

Christus factus est ut supra

*Postea Psalmus 50. Miserere mei
Deus, quò finito sine*

✠. Gloria Patri. Secreto dicitur.

*Pater noster. Deinde absolute O-
ratio. Respice, quæsumus Domine,
ut supra 222. sine qui tecum &c.
In Parasceve Domini.*

*Eodem modo fit sicut in cæna Do-
mini, sed dicitur ad.*

✠. Christus factus est &c.

R. Mortem autem Crucis.

Sabbato Sancto.

✠. Benedicite. R. Benedicite.

*✠. Vespere autem Sabbati, quæ
lucescit in prima Sabbati, Alleluia.*

*R. Venit Maria Magdalene &
altera Maria videre sepulchrum,
Alleluia.*

Gloria Patri, & Filio, &c.

In fine repetitur. ✠.

Vespere autem Sabbati, *ut supra*.
 Gloria Patri, & Filio, & Spiritui S.
 Sicut erat in principio, & nunc, &
 semper, & in sæcula sæculorum.
 Amen.

Laudate Dominum omnes gen-
 tes, &c.

Kyrie eleyson. Chryste eleyson.
 Kyrie eleyson. ⁊ *reliqua ut supra*,

In die Paschæ usq; ad canam se-
quentis sabbati.

⁊. Hæc dies, quam fecit Domi-
 nus. Alleluia.

R. Exultemus & lætemur in ea,
 Alleluia.

Gloria Patri, &c. *In fine iterum*
dicitur.

R. Hæc dies *ut supra*, cum reliquis.
In Ascensione Domini usque ad Vigi-
liam Pentecostes exclusivè.

⁊. Ascendit Deus in jubilatione,
 Alleluia.

R. Et Dominus in voce tubæ, Al:
Gloria Patri, & Filio, & Spiritui S.
Sicut erat in principio, & nunc, &
semper, & in sæcula sæculorum. A.

In fine dicitur.

✠. Ascendens Christus in altum,
Alleluia.

R. Captivam duxit captivitatem,
Alleluia.

Gloria Patri, & Filio &c.

*In Festo Pentecostes, à Vigilia e-
jusdem inclusivè usque ad cœnam se-
quentis Sabbati exclusivè:*

✠. Spiritus Domini replevit or-
bem terrarum, Alleluia.

R. Et hoc, quod continet omnia,
scientiam habet vocis. Alleluia.

Gloria Patri, & Filio, &c.

In fine dicitur.

✠. Repleti sunt omnes Spiritu S. Al:

R. Et ceperunt loqui, Alleluia.

Gloria Patri, & Filio, & Spiritui S.
Sicut erat in principio, & nunc, &
semper, & in sæcula sæculorum. A.

L I T A N I Æ

De

SVAVISSIMO NOMINE

I E S U

Approbatæ à Sede Apostolica ad Instantiam Ducis Bavaricæ.

K yrie eleyson. Christe eleyson.
Kyrie eleyson.

Christe audi nos.

Christe exaudi nos.

Pater de Cælis Deus, Miserere nobis

Fili Redemptor mundi DEUS, Mi:
Spiritus Sancte DEUS, Miserere.
Sancta Trinitas unus DEUS, Mi:
JESU Fili DEI vivi. Miserere nobis.

JESU Potentissime.

JESU Fortissime

JESU Perfectissime.

JESU Gloriosissime.

JESU Jucundissime.

JESU Carissimè.

JESU Clarior Sole.

JESU Pulchrior Luna.

JESU Splendidior Stellis.

JESU Admirabilis,

JESU Delectabilis,

JESU Honorabilis,

JESU Humillime,

JESU Pauperrime,

JESU Mitissime,

JESU Patientissime,

JESU Obedientissime,

JESU Castissime,

JESU Amator castitatis,

JESU Amator pacis,

JESU Amator noster,

JESU Speculum vitæ,

JESU Exemplar virtutum,

JESU Decus morum,

JESU Zelator animarum,

JESU Refugium nostrum,

JESU Pater pauperum,

JESU Consolator afflictorum,

Miserere nobis

Miserere nobis.

JESU Thesaurs fidelium ,
JESU Gemma pretiosa,
JESU Armarium perfectionis.
JESU Bone pastor ovium
JESU Stella maris ,
JESU Lux vera ,
JESU Sapientia æterna,
JESU Bonitas infinita ,
JESU Gaudium Angelorum,
JESU Rex Patriarcharum.
JESU Inspirator Prophetarum,
JESU Magister Apostolorum,
JESU Doctor Evangelistarum,
JESU Fortitudo Martyrum,
JESU Lumen Confessorum,
JESU Sponse Virginum ,
JESU Corona Sanctorum omnium.
Propitius esto, Parce nobis JESU.
Propitius esto, exaudi nos JESU.
Ab omni malo, Libera nos JESU.
Atransgressione mandatorum tuor:
Ab omni peccandi occasione.
Ab incurſu omnium malorum.

Miserere nobis.

A morte perpetua ,
A pœnis inferni,
Per incarnationem tuam,
Per Nativitatem tuam,
Per Crucifixionem tuam (tionem
Per cœlestem Nominis Jesu imposi
Per dolores tuos.
Per flagella tua,
Per mortem tuam ,
Per Résurrectionem tuam,
Per Ascensionem tuam,
Per gaudia tua ,
Per gloriam tuam ;
Per dulcissimam Virginem Ma-
trem tuam, Libera nos Jesu.
Per intercessionem omnium SS.
tuorum, Libera nos Jesu.
Peccatores, Te rogamus audi nos.
Ut dulcem melliflui nominis tui
memoriam, in tabulis cordis no-
stri digitò virtutis tuæ inscribere
digneris, Te rog: audi nos.
Ut Nomen hoc Sanctissimum & vi-

Libera nos JESU.

Miserere nobis.

m.
U.
U.
U.
or:

ventes in opere, & morientes
in ore habere mereamur, Te
rogamus audi nos.

Ut benignissime Jesu, nobis sis Je-
sus, Te rogamus audi nos.

Agnus Dei, qui tollis peccata
mundi, Parce nobis JESU.

Agnus Dei, qui tollis peccata
mundi. Exaudi nos JESU.

Agnus Dei, qui tollis peccata
mundi. Miserere nobis JESU.

JESU audi nos.

JESU exaudi nos.

Kyrie eleyson.

Christe eleyson,

Kyrie eleyson.

Pater noster.

Ÿ. Sit Nomen Domini benedictum.

R. Ex hoc nunc, & usq; in sæcu-
lum.

Oremus.

Omnipotens sempiterne Deus,
dirige actus nostros in benepla-

cito tuo, ut in nomine dilecti Filii tui, mereamur bonis operibus abundare.

Deus virtutum, cujus est totum quod est optimum, insere pectoribus nostris amorem tui Nominis, & præsta in nobis religionis augmentum, ut quæ sunt bona nutrias, ac pietatis studio, quæ sunt nutrita custodias: Qui vivis & regnas cum Deo Patre in unitate Spiritu Sancti Deus, per omnia sæcula sæculorum, Amen.



LITERÆ APOSTOLICÆ
IN FORMA BREVIUM.

*Quibus Sanctissimus Dominus N. D.
Benedictus Papa XIII Institutum
Clericorum Sæcularium in Commune
Viventium Apostolica Authoritate ab
Innocentio. P. P. XI. Confirmatum,
Archiepiscopis, Regni Poloniæ & M.
D. Lithvaniæ commendavit.*

ima.

*Ad Celsissimum Illustriissimum ac Re-
verendissimum Dominum Dominum
Theodorum á Potok POTOCKI Ar-
chiepiscopum Gnesnensem, Legatum
Natum Regni Poloniæ & M. D. Lit:
Primates Primumq; Principem Ab-
batem Tynecensem.*

*Venerabilis Frater Salutem & Apo-
stolicam Benedictionem. Dignissi-
mam tuo Ordine, tuaq; Pastoralis solli-
citudine operam reputamus, si ad pro-
pagandum Institutum Clericorum in
Commune viventium, authoritatis &
Zeli tui vires impendas. Neq; vero
gratius Tibi quidpiam esse potest,*

quàm ea curare atq; provehere, quæ ad 120
Ecclesiasticæ Disciplinæ præsidium
comparata esse intelligis, Te proinde
Venerabilis Frater Vehementer hor-
tamur, ut ad laudabile illud; atq; ab
hac Sancta Sede probatum Clericalis
vitæ genus, tuendum & amplifican-
dum, tam in tua ista, quàm in cæteris
Provinciae Tuæ Ecclesiis eam sedulita-
tem adhibeas, quam in rebus ad Divi-
num cultum animarumq; salutem per-
tinentibus eximia cum laude impende-
re non prætermittis. Ad Divini siqui-
dem Honoris & Disciplinæ Incremen-
tum spectant tam instituti illig oratio-
nes, quam nostræ hujusmodi Commen-
dationis Officia; quibus dum Frater-
nitatem tuam alacri animo obsecunda-
turam consistimus, Tibi Venerabilis
Frater Apostolicam Benedictionem
permanentem impertimur. Datum Ro-
mæ apud Sanctam Mariam Majorem
sub annulo Piscatoris Die xxv. 8bris
MDCCXXVI. Pontificatus nostri
Anno tertio.

C. Archiep: Emisensis [LS.]

2da

Ad Cellissimum Illustrissimum ac Reverendissimum Dominum Dominum. Constantium in Szaniawy SZANIAWSKI. Episcopum Cracoviensem, Ducem Severiæ.

Venerabilis Frater Salutem & Apostolicam Benedictionem. Salutares fructus, quos ab Instituto Clericorum Sæcularium in Communi viventium provenire dignoscimus, & uberius proventuros esse confidimus, quemadmodum vehementer nos excitant, ut ad illius incrementum in tua ista Diœcesi curas Apostolicas conferamq, ita fraternitatis Tuæ operam deposcunt; neq; nos sinunt, quia Tibi grata futura sint nostræ benignitatis Officia, quibus opem authoritatis, ac pietatis Tuæ requirimus, & flagitamus. Quod igitur Institutum ista Tibi injuncta Pastoralis Ministerii sollicitudo commendet, hoc Virtuti, ac Patrocinio Tuo, studiis etiam nostris
magno-

magnoperè commendamus. Enitere propterea Venerabilis Frater pro ea, quam in colenda Domini vinea præstas vigilantia, solertiaq; ut laudatissimæ Institutionis opus latius propagetur, Tuiq; Zeli præsidium jugiter experiatur. Id autem, cum filialis Tua erga nos observantia, & Ecclesiasticæ disciplinæ Zelus cumulatassimè polliceatur, amplius confirmatura speramus Paterna vota, quibus Tuum subsidium poscimus, & præcipuam caritatem, quàm fraternitati Apostolicam benedictionem impertimur. Datum Romæ Die 2. Maii 1726.

Ad Illustrissimum Excellentissimum ac Reverendissimum Dominum Dominum N. PANCERZYNSKI, Episcopum Vilnensem.

Venerabilis Frater Salutem. Quem in cunctis Episcopalis Ministerii Curis & actibus egregiè probas, Zelus Ecclesiasticæ Disciplinæ facit: ut

quæcunq; ad illius utilitatem & Incrementum redundatura confidimus Tuæ Virtuti ac Vigilantiæ alacri fidentiq; animo commendemus. Hoc autem in genere potissimum censemus Institutum Clericorum in Communi Viventium, quod hujus Sanctæ Sedis Iudicio probatum, magis adhuc utilitate Ecclesiarum commendari magnopere optamus. Propterea Fraternitatem Tuam ad illius præsidium Paternis Officiis advocamus Tibi certo confirmantes, futurum nobis gratissimum, Tuisq; Pastoralibus laudibq; dignum si Tuæ authoritatis ac sollicitudinis opem conferas, & qui soles animarum saluti advigilare, solertiam adhibeas, ut salutaris Institutio in Tua Diœcesi propagetur. Quanti enim Ecclesiæ interfit, ut Clericalis vita optimis Exemplis abundet, fraternitas Tua sat intelligit, idq; si unquam aliàs, temporum nostrorum conditio vehemen-

ter posulat Te igitur adnitente laudabile Institutum nova Incrementa suscipiat, quod non solum ad consolationis nostræ, sed meritorum etiam Tuorum simul accedet, ac Fraternitati Tuæ Apostolicam Benedictionem permanentiter impertimur. Datum Romæ Die 2. Maii A.D. 1726.

Similia Brevia ab eodem SSmo sunt data Illustribus & Rndissimis Episcopis Posnaniensi, Luceoriensi, Płocensi, &c.

BREVE APOSTOLICUM

Sanctissimi Domini N Innocentii Papæ XI Quo jus ad Beneficia &c. declaratur, & titulus ordinationis pro Clericis Sæcularibus in Commune viventibus conceditur.

INNOCENTIUS PAPA XI.

Ad futuram rei memoriam.

Prospero felicique Instituti dilectorum filiorum Clericorum Sæcularium in Communi viventium statui, & progressui quantum No-

bis ex alto conceditur providere, eosq; specialibus favoribus, & gratiis prosequi volentes, & eorum singulares Personas à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis, à jure vel ab homine quavis occasione, vel causa latis, si quibus quomodo libet innodatae existunt, ad effectum præsentium duntaxat consequendum harum serie absolventes & absolutas fore censentes, supplicationibus eorum nomine Nobis super hoc humiliter porrectis inclinati: de Congregationis nonnullorum ex Venerabilibus Fratribus Nostri Sanctæ Romanæ Ecclesiæ Cardinalibus, & aliquorum ex dilectis filiis Romanæ Curiae Prælati à Nobis specialiter deputatæ consiliò, auctoritate Apostolica tenore præsentium declaramq;

eosdem Clericos Sæculares in communi viventes, quorum Institutum & Constitutiones nuper approbavimus, ex assumptione statûs & vitæ Communis juxta Institutum & Constitutiones hujusmodi nullô modo reddi incapaces Beneficiorum Ecclesiasticorum, cum cura vel sine curâ animarum & alias cujuscumq; qualitatis conditionis vel naturæ existentium, quæ per Clericos Sæculares in titulum, Commendam vel administrationem, aut aliàs quovis modo obtineri censueverunt, ac proinde ipsos Clericos Sæculares in Communi viventes, tam præsentés, quàm futuros, quæcunq; Beneficia Ecclesiastica hujusmodi, quæ de præsentî Canonicè obtinent, retinere, & alia quælibet, servatîs de jure servandis, consequi & obtinere posse; & quatenus ad illa cæ-

teroqui Canonicè præsententur, vel eligantur aut aliàs quovis modo assumantur in illis Institui, electionesque de eorum personis factas confirmari posse, & debere in omnibus & per omnia, perinde ac si Institutum prædictum minimè assumpsissent, nec in illo viverent. Ita tamen ut ipsi omnibus & singulis eorundem Beneficiorum obligationibus satisfaciant, oneraq; illis incumbentia supportent, quemadmodum alii Clerici Sæculares illa obtinentes satisfacere, & supportare deberent. Prætereà eosdem Clericos in communi viventes, cum Sæculares sint, omnibus & singulis Clericorum Sæcularium juribus, prærogativis, præeminentiis, immunitatibus, facultatibus, & privilegiis uti, frui, potiri, gaudere posse & debere. Ac demum eisdem Clericis Sæcularibus

in Communi viventibus , ut licet
sufficientem beneficii vel patrimo-
nii titulum ad sacros ordines de
jure requisitum non obtineant, ni-
hilominus de Superioris Generalis
dicti Instituti pro tempore existen-
tis licentiâ ad titulum Communi-
tatis sive Instituti prædicti pro ar-
bitrio, & conscientia Ordinariorum
locorum ad sacros Ordines hujus-
modi, servatis aliâs servandis, pro-
moveri valeant, autoritate & te-
nore præfatis concedimus, & in-
dulgemus, eâ tamen lege, ut si eos
subinde dimitti contingat, idem In-
stitutum eis omnia ad congruam eo-
rum sustentationem necessaria sub-
ministrare teneatur, idque donec,
& quousque eis aliunde sufficienter
fuerit provisum, ad id autem præ-
fatus Superior Generalis bona di-
cti Instituti in forma Juris valida
obligare & hypothecare debeat in

manibus eorundem Ordinariorum, quibus cura erit sedulô inspicere, an eidem Institututo sufficientes suppetant facultates, ex quibus necessaria sicut præmittitur Clericis prædictis valeant, supportatis cæteris ipsius Instituti oneribus, subministrari. Decernentes easdem præsentis litteras semper firmas, validas, & efficaces existere, & fore, suosque plenarios & integros effectus sortiri & obtinere, ac illis ad quos spectat & pro tempore spectabit in omnibus & per omnia plenissimè suffragari, & ab eis respectivè inviolabiliter observari, sicque in præmissis per quoscunq; Judices Ordinarios & delegatos etiam causarum Palatii Apostolici Auditores judicari & definiri debere, ac irritum & inane si secus super his à quoquam quavis auctoritate scienter vel ignoranter conti-

gerit attentari. Non obstantibus
Apostolicis ac in Universalibus Pro-
vincialibusque & Synodalibus Con-
ciliis editis generalibus vel specia-
libus Constitutionibus, & ordina-
tionibus, nec non quibusvis etiam
confirmatione Apostolicâ vel quâ-
vis firmitate roboratis, statutis &
consuetudinibus, privilegiis quoq;
indultis & litteris Apostolicis in
contrarium præmissorum quomo-
dolibet concessis, confirmatis, &
innovatis, quibus omnibus & sin-
gulis illorum tenores præsentibus
pro plenè & sufficienter expressis
& ad verbum insertis habentes il-
lis alias in suo robore permanfuris
ad præmissorum effectum hâc vice
duntaxat specialiter & expresse de-
rogamus, cæterisque contrariis
quibuscumque. Volumus autem, ut
earundem præsentium literarum
transumptis, seu exemplis, etiam

impressis , manû alicujus Notari;
publici subscriptis , & sigillô perso-
næ in Ecclesiastica dignitate con-
stitutæ munitis , eadem prorsus
fides ubique locorum tam in judi-
cio , quàm extra illud habeatur,
quæ haberetur ipsis præsentibus, si
forent exhibitæ vel ostensæ. Da-
tum Romæ apud Sanctam Mariam
Majorem sub Annulo Piscatoris
die 1x Febr: MDCLXXXV. Ponti-
ficatus Nostri Anno Nono.

J. G. Slusius.

*Loco † Annuli Piscatoris
Laurentius Bellus.*

*Cur: Caus: Cam: Apost: Notar.
Romæ, Ex Typographia Reverendæ
Camerae Apostolicæ MDCLXXXV.*

BREVE APOSTOLICUM.

*Sanctissimi D.N. Innocentii Papæ XI
(concessionis Indulgentiarum pro In-
stituto Clericorum Sæcularium in
Commune viventium.*

INNOCENTIUS PP. XI,

Ad perpetuam rei memoriam.

Cum Nos Institutum, & Constitutiones Clericorum Sæcularium, in Commune viventium auctoritate Apostolica confirmaverimq, & (sicut accepimus) iidem Clerici in vinea Domini ad animarum salutem strenuè laborent, multaque pietatis, & Christianæ charitatis opera assiduè exerçant: hinc est, quod Nos felici eorum in vinea mandatorum Domini progressui, dictiq; Instituti ad Dei gloriam, & Ecclesiæ Catholicæ, cui Superni dispositione consilii, meritis licet imparibus præsidemus, utilitatem, spiritualemq; Christi fidelium ædificationem propagationi, & incremento, quantum Nobis ex alto conceditur, providere cupientes, de omnipotentis Dei misericordia, ac Beatorum Petri & Pauli Apostolorum ejus auctoritate confisi, omnibus, & singulis Clericis Sæ-

cularibus, qui dictum Institutum in posterum ingredientur, die primo eorum ingressûs, si vere pœnitentes, & Confessi, Sanctissimum Eucharistiæ Sacramentum sumpserint, plenariam, illis quoq; qui Institutum hujusmodi ingressi, & in eo viventes juramentum de perseverando usque ad mortem in eodem Instituto juxta Constitutiones prædictas præstiterint, & verè similiter pœnitentes, & confessi, eo die Sacrâ Communione resecti fuerint, itidem plenariam; ac præfatis Clericis Sæcularibus in Commune viventibus, nunc & pro-tempore existentibus, in cujuslibet eorum mortis articulo, si verè pariter pœnitentes, & confessi, ac Sacrâ Communione resecti, vel quatenus id facere nequiverint, saltem contriti, Nomen Jesu ore, si poterint, si minus, corde devotè invocaverint,

etiam plenariam ; præterea iisdem præsentibus, & futuris Clericis Sæcularibus verè similiter pœnitentibus & confessis, ac Sacrà Communionem refectis, qui aliquam dicti Instituti Ecclesiam vel Oratorium, vel Parochialem Ecclesiam loci, ubi pro tempore commorabuntur, die festo S. Petri ad Vincula à primis Vesperis usque ad occasum Solis diei hujusmodi annis singulis devotè visitaverint, & ibi pro felici Instituti præfati progressu & propagatione ac pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, pariter plenariam; Insuper eisdem Clericis Sæcularibus in Commune viventibus, qui spiritulia exercitia per octiduum continuum in aliqua ejusdem Instituti domo peregerint, & interea

verè quoq; pœnitentes , & confessi, Sanctissimum Eucharistiæ Sacramentum prædictum sumpserint, ac ut præfertur , oraverint , similiter plenariam semel in anno omnium peccatorum suorum Indulgentiam, & remissionem misericorditer in Domino concedimus. Ac demum eisdem Clericis Sæcularibus præsentibus , & futuris sub Instituto prædicto viventibus , qui singulis diebus manè conscientiam suam diligenter examinaverint, cum proposito à peccatis abstinendi, & se corrigendi, ac Litanias Beatæ Mariæ Virginis devotè recitaverint, & ut supra expressum est , oraverint, centum dies pro unoquoque die, quò id egerint, de injunctis eis, seu alias quomodolibet debitis pœnitentiis in forma Ecclesiæ consueta relaxamus. Præsentibus perpetuis futuris temporibus valituris.

Volumus autem, ut earundem præsentium litterarum transumptis, seu exemplis, etiam impressis manu alicujus Notarii publici subscriptis, & sigillò personæ in Ecclesiastica dignitate constitutæ munitis, eadem prorsus fides ubique locorum habeatur, quæ haberetur ipsis præsentibus, si forent exhibitæ vel ostensæ. Datum Romæ apud Sanctam Mariam Majorem sub annulo Piscatoris die XI. Aprilis MDCLXXXV. Pontificatûs nostri A. Nono.
Loco ✝ Annuli Piscatoris

J. G. Slusius.

BREVIS DELINEATIO

*Vitæ Eximii Servi Dei Bartholomæi
 HOLZHAUSER Presbyteri Sæcularis
 &*

INSTITUTI CLERICORUM
*Sæcularium in Commune viventium.
 Initium & progressus.*

Venerabilis Vir Bartholomæus
 Holzhauser p. m. in pago Lon-

gnau quatuor horas Dilingâ sub ditione Illustriſſimorum DD. Comitum Fuggerorum ſito, circa Feſtum S. Bartholomæi 1613. natus, latinæ rudimenta Auguſtæ Vindelicorum poſuit: litteras humaniores Neoburgi ad Danubium, Ingolſtadii verò Philoſophicas, & Theologicas diſciplinās abſolvit: ubi & S. Presbyteratûs Ordine ritè initiatus ipſo die feſto Pentecoſtes 1639. in Capella B. V. MARIÆ de Victoria primum Sacrum fecit: Anno dein 1640. inſequentē, & ſtudiorum ſuorum Theologicorum poſtremo, licentiâ Doctoratûs Theologici inſignitus rectâ Salisburgum ſe contulit, prima vitæ Clericorum Sæcularium in communi viventium reſtaurandæ fundamenta poſiturus, id quod cum aliquot ſuæ intentionis Sacerdotibus in Eccleſia Collegiata S. Laurentii in Tittmoning,

in Canonicum Curatum assumptus, ipso D. Petri ad Vincula die ejusdem anni re ipsa præstitit. Annò 1642. jubetur esse Vicarius Reverendissimi, & Illustrissimi Principis Episcopi Chiemensis & Decanus ad S. Joannem in Leoggonthal; ubi usque ad annum 1655. cum magno subditorum ac pauperum, nec minori complurium Sacerdotum id temporis furorem Svecicum declinantium, ac aliorum quorumcunq; quâcunq; animi perturbatione pulsatorum, subsidio & solatio perstitit. Inde vocatus ab Eminentissimo & Celsissimo Principe Electore Moguntino Joanne Philippo per triennium Decanus & Parochus Bingæ infra Moguntiam fuit usq; ad 20. diem Maii 1658. quâ sub horam nonam matutinam in præsentia quatuor Sacerdotum animam ejus Deo commendantium, cum perventum

esset ad illa verba : *Subvenite Sancti Dei, &c.* inter sereni vultûs indicia, Sacramentis Ecclesiæ ritè provivus animam Deo reddidit ; cum annos vitæ numeraret quadraginta quinq; minus tres menses ; atq; secundum restitutam à se vitam communem in Clero Sæculari superstes annos egisset octodecim, vidissetq; non sine magno suo solatio eandem receptam in binis Archiepiscopatibus Salisburgiensi & Moguntino, nec non in Episcopatibus tribus Chiemensî, Friburgiensi, ac Herbipolensi, majoribus identidem incrementis succrescere ; in quorum posteriori non solum anno 1654. Clericis vitam hanc communem viventibus Seminarium, & plura Parochialia beneficia collata sunt, sed ipsum etiam eorum Institutum anno 1655. publicis literis (prout & anno 1644. ab Illustri-

fimo & Reverendissimo Principe
Episcopo Curiensi, & anno 1653. à
pariter Illustrissimo & Reverendif-
fimo Principe Episcopo Ratisbo-
nensi pro eorum Diœcesibus) appro-
batum, & commendatum per to-
tam Diœcesim extitit. Ab obitu V.
D. Bartholomæi cura Sacerdotum
ejusdem Instituti effecit, ut annô
1661. Moguntiaë Seminarium pro
eodem Instituto fuerit erectum ac
dein ipsius Constitutiones appro-
batæ, ac jussu & autoritate Emi-
nentissimi Archiepiscopi An: 1662
primò impressæ publicatæq; fue-
rint. Cujus prudentissimi Principis
Electoris secutus exemplum Illu-
strissimus ac Reverendissimus SRJ.
Princeps Præpositus ac Dominus
Elvacensis, Episcopatûs Augustani
id temporis Administrator, huic
Instituto in Principatum suum in
modq dicta Augustana Diœcesi exi-

stentem, jam annò 1663. à se intro-
ducto, Beneficia aliquod Parochia-
lia committi, & insuper Seminarium
in Civitate Dilingæ sub Patrocinio
S. Francisci de Sales, in Episcopum
electus anno 1665. erigi, ac ipsas etiam
Constitutiones denò imprimi curavit,
Annis de hinc 1666. in Diocesim Palsaviensem
receptum, & 1674. in Archiepiscopatum
Strigoniensem Regni Ungariæ
Primum introductum fuit idem
Institutum, ibiq; anno 1676. appro-
batum, atq; Episcopis Comprovin-
cialib; singulari Archipræsulis il-
lius Zelo commendatum, an: 1680
26. April: S. Congregatio Eminen-
tissimorum Cardinalium in hunc fi-
nem specialiter deputata illud au-
thoritate Apostolicâ approbandum
censuit, sicut eâdem autoritate die
7. Junii ejusdem anni a S. N. D. Inno-
centio PP. XI. unâ cum Constitu-

tionibꝫ in fôrma specifica fuit approbatum & confirmatum, atq; Romano Imperatori, diversis Archiepiscopis, Episcopis, & Principibus per Brevia Apostolica commendatum. Anno 1682. Rex Hispaniarum in ejusdem introductionem in Regnis suis cum Consilio Regio, clementissimè consensit, ac proinde favente Reverendissimo & Illustrissimo Episcopo in Civitate Gerundensi Seminarium cæptum fuit. Jisdem temporibus Eminentissimꝫ Cardinalis de Norfolkia Regnorum Angliæ & Scotiæ Protector, eorundem Regnorum Sacerdotibꝫ omnibus, hocce Institutum Clericorum Communis vitæ Pastoralibꝫ litteris commendavit; Quod similiter Eminentissimus Cardinalis de Alteriis S.R.E. Camerarius pro Regno Hiberniæ præstitit. Circa idem tempus etiam in Italiam plantatum est

Institutum, præcipuè in Regno Siciliae, iam duodecim Domus Collegiatae à Sacerdotibus Communis vitae inhabitantur. Anno deinde 1683. Singulari *Serenissimi Regis Regni Poloniae* benevolentia, *Illusterrimus & Rendissimus Episcopus Posnaniensis* idem Institutum, in suum Episcopatum introduxit. Quem brevi post, nempe 1684. secutus *Illusterrimus Episcopus Luceoriensis*, idem Institutum in suo Episcopatu cum Consensu Synodi Diocesanae acceptavit & Seminarii Janoviae fundati, directionem commisit. Annò verò 1685. Id ipsum per Comitia Generalia publicè receptum est. Eodem annò cum consensu V. Capituli Varsaviensis Ecclesiae Collegiatae S. Joannis, directio Seminarii penes dictam Ecclesiam erecti, ejusdem Instituti Sacerdotibus concredita. Successu temporis circa

annum 1699. *Illustrissim9 D. Dol-*
ski Marechalcius M.D Lithuaniae, in
suis bonis Hæreditariis Carolin pro-
pè Pinscum, Præposituram pro Sa-
cerdotibus Communis vitæ de no-
vâ radice erexit anno dein 1711.
Illustrissim9 & Excellentissimus Do-
minus Joannes Bonaventura, in Cra-
cove Comites *Krasinski Palatinus Plo-*
cessis, Parochian⁹ suam Vegroviën-
sem in Præposituralem erexit, &
novâ fundatione auctam, Clericis
Sæcularib9 in Commune viventi-
bus tradidit. Iisdem temporib9 no-
va fundatio Cameneci Lithvanien-
sis facta, pro eodem Instituto per
Synodum & Decretum *Illustrissimi*
Episcopi Luceoriensis, atq: V. Capi-
tuli confirmata, Recenter verò *Cel-*
lissimus Princeps Constantinus Sza-
niawski Episcopus Cracoviensis An-
no 1726. Sacerdotes Sæculares in
Communi viventes in Almam Diæ-

cesim Cracoviensem admisit, tradendo eisdem Clericis Sæminarium Dioecesanum Kielcentē; quod à Præsato *Celsissimo*, à fundamentis, in Amplissimâ & magnificâ formâ de muro ædificatum, sufficientique ac largâ dote provisum est & fundatum. *Recentissime Illustrissimum & Excellentissimus Dominus Archiepiscopus Metropolitanus Leopoliensis Joannes Skarbek* præfatum Institutum ad suam Archidioecesim introduxit, ad interim Seminarium Dioecesanum hujus vitæ Sacerdotibus committendo. *Illustrissima* verò *Sieniawska Ducissa Regni*, novam in eadem Archidioecesi fecit fundationem, Sacerdotes hujus Instituti locando ad Ecclesiam Præposituralem in Arce Brzezanensi.

EPISTOLA FUNDAMENTAIS

*Ven: Viri Bartholomæi HOLTZHAU-
SERI Restitutoris vitæ communis Cle-
ricorum Sæcularium; quam ad suos
Asseslus adversitatibus pressos, iis-
dem & posteris eorum pro solatio scri-
psit. Anno 1644.*

Pax, Gratia & Charitas Dei cum omnib; vobis A.

Inter cæteras sollicitudines, Fra-
tres Charissimi, quib; per omne
Tempus erga minimum vitæ Cleri-
calis novum institutum superabun-
do; quomodo videlicet continem
cursum meum & fidelis inveniar?
Omnium maxima est de vobis,
non solum autem de vobis, verùm
etiam de omnibus, qui in hoc vi-
tæ proposito continentur, ut in
obsequio fidei & incorruptæ simpli-
citatæ contra mundi carnis & dia-
boli machinamenta inviolati substi-
stant; Quò Fundamento firmiter
stante, sicut omnium hostium Tela

in vanum cadent, ita sanè eòdem labente structura vestra spiritualis totaliter rueret. Et bonam meam sollicitudinem magis & quidem de vobis illud auget: quòd audiui inter vos murmur & Spiritus disgustum exurgere contrarium probationi fidei vestræ; quod ex parte credo: Cum sciam, quia satan vos cribrabit, habens enim iram magnam ex innumerabilibus fructibus, quos defactò ex hoc modico evenire & magis eventuros astutè sagax prævidet, non ita facilè inultos vos transire permittet, sed secundùm Tempus & tempora (prout & quantum Dei dispensatio permiserit) multùm insidiabitur calcaneo fidei vestræ, & intelligentias vestras in humano sensu propriæ sapientiæ exacuans; simplicitatem spei vestræ primæ, in quâ olim benè ambulabatis, ex adversis variè contingentibus enervare conabitur. Ex quo capite tandem omnem confidentiam erga eum, qui hoc negotium dirigit, amitteretis, & remissi facti in probatione fidei vestræ animum desponderetis, respicientes post quietam ollarum Egyptiacarum fruitionem; quâ mundum hunc & amatores illius gaudere cum

dolore conspicitis. Et quamvis in Christo Jesu, qui fidelis Deus est penitus confidam, vos ultra id; quod potestis sustinere, & utile vobis est non tentandos esse; verum tamen non tam presenti malo remederi, quam de futuro præcavere volens. hanc Epistolam vobis scribo, ex qua sciatis contra omnem eventum contrarium in inviolatâ fide probationis vestræ immoti per gratiam Dei stare.

Primum fundamentum, cui in omnibus difficultatibus & advesitatibus unicè innitamini, est fides vestra; quâ in spe filiorum Dei sine hæsitatione penitus confidere debetis; Me, etsi indignum ad hoc opus Ecclesiæ Christi dispositione miserantis Dei prorsus vocatum: deinde vos omnes similiter in ejusdem operis Ministerium præordinatos & vocatos esse: Quæ vocatio mihi quidè revelatione divinâ per fidem certò constat, de quâ plura literis consignare, humilitatis modestia, & Personæ meæ peccatrici vilitas non sinunt; vobis verò omnibus sicut & mihi decursus omnium eorum, per quæ isto quatriennio propositum nostrum exurrexit & conatus simplicitatis nostræ fuere præventi, prædictam

vestram vocationem tanquam per signa credibilitatis omnino indubiam reddit, si modo ea pensculatè per ordinem considerare velimus. Quam enim mirabiliter conjuncti sumus! quam conjunctionem neq; caro aut sanguis, neq; proprii amoris stimulus, aut vani alicujus honoris incentivum, nec denique ullum aliud temporale commodum ac humanum interesse effecere, cum hæc omnia à nostro proposito penitus proscripta & procul relegata manifestè cernantur. Ergo gratia Spiritûs Sancti, qui consolatur humiles, conjunxit nos, & vocavit consolatione suâ ad opus, in quo parturientes Spiritu laboramus. Deinde, quis nos in hac unitate hætenus conservavit, & fortitudinem & Spiritûs longanimitatem ac patientiam Crucis tribuit, quæ tanquam sortes Atheletæ Christi per omnia adversa calcantes gaudio spirituali sustinuimus? quod enim angustiae & tribulationes, & Cruces, & pericula ex hoc mundo, ex falsis fratribus, ex insidiis hominum, ex linguis mendacium, ex susurratione invidentium, ex detractationibus ignorantium & ex insultibus diabolorum, qui omnia tentaverunt jam ab in-

tra, jam ab extra turbationes animorum, antipathias ingeniorum, contrarietates opinionum & judiciorum: nos ipsos sæpius adversus invicem concitavit! Zelum indiscretum in animis hominum contra nos, tanquam incendium effervescente fecit, quò incensi, multi putantes se obsequium superiori potestati præstare, nos humiles persecuti sunt, & obstacula posuerunt & disturbare nos voluerunt verbò, factò & exemplò & sexcenta alia. Et in his omnibus sustinuumus crucem, didicimus pati; & non solum nemo ex nobis defecit, sed fortiores facti sumus, & exuperavit gaudium, consolatio & gratia Dei in cordibus nostris, quæ omnia certam vocationem nostram reddunt, & solidissimè probant ex hac minimà, ex humili plantulà ejusmodi arborem exurrecturam in his ultimis dieb9, quæ umbraculum faciat æstuantì huic sæculo in sceleribus suis. Denique finis & media hujus vocationis honestate, necessitate, & utilitate plena & possibilia præ oculis existunt, sicut omnes homines alicujus ingenii, qui institutum legerunt, aut legunt sine affectu judicantes unanimiter fassentur. Quis ergo inspiravit? An

diabolus ? Sed contra regnum suum
quod per hanc vitam directè destrui-
tur, nihil faciet aut inspirabit. An
propria sapientia ? Sed ipsi scitis me
à puero parvulum lactentem fuisse u-
bera simplicitatis; neq; in persuasibi-
libus humanæ Sapientiæ argumentis
exuperâsse. Quid ergo aliud dicemus,
nisi Jesum Christum per Matrem suam,
& voluntatem, & intelligentiam, & o-
pus hoc in manibus nostris posuisse:
respexit enim nos humiles & abscon-
dit hæc à Sapientibus qui fuerunt tot
sæculis & revelavit ea parvulis suis
servis, qui facient & benedicentur &
prosperabuntur in multâ humilitate.
Ergo vocati sumus à Christo Jesu in o-
pus & coronidem operis sui Sancti in
Ecclesiæ ædificationem, ergo etiam
omnia cooperabuntur nobis in bonum
finaliter. Ergo adversa variè nobis con-
tingentia, quæ subinde secundum præ-
sentem instantiam nos urgent, non de-
stituunt vocationem nostram primam,
sed ædificant & probationem fidei no-
stræ afferunt; probatio autem spem,
spes verò non confundit. Quid ergo
dicemus in adversis; quod infidelis sit
Deus, absit. Quod reprobus sit vester
Antesignanus, aut quod seducatur spi-

ritu fallaci fugacitatis, nullò modo;
sed probatio fidei horum omnium finis est: Cum etiam Sancti Dei contemptibiles & imbecilles in præfenti vita extiterint: Ergo non consummaverunt cursum, ergo seducti sunt vanò spiritu fugacitatis? nullò modo, sed probati sunt in paucis & in multis benè dispositi. Cum enim quis probatus fuerit, & probatio fidei apud, Deum mensuram suam impleverit, accipiet coronam fidei, quâ fidelis per omnia adversa substitit per gratiam Christi.

Secundum Fundamentum est scientia in adversis & difficilibus, quâ videlicet prudenter sciatis, in quem finem divina Providentia illa permittat: quod fundamentum quia in vobis radicatum non est, in vocatione vestrà subinde nutantes turbabimini ad tempus, Hoc ergo scitote intelligentes, quòd Deus omnia sua opera præcipua in summâ humilitate exurgere voluerit. Deinde incrementum aliud etiam Deus ab æterno non disposuit, quam in gentes difficultates, tribulationes, adversa, cruces, contemptus, detractiões, falsiloquia, judicia contraria hominum, falsos Fratres, Zelum insidietum persecutorum; insidias inimi-

corum Crucis Christi Machinamenta
occulta diabolorum & errores, & ten-
tationes & sexcenta alia, quæ o-
mnia huiusmodi operum incremen-
tum Dei Sapientia esse voluit, ut pri-
mi lapides posteritati in omni humi-
litate, patientiâ & longanimitate, tan-
quam purissimum aurum in igne pro-
bati subsistentiam mererentur. Elegit
enim Deus stulta huius mundi, ut con-
fundat fortia. Et hoc Fratres charis-
simi, esse veritatem solidissimè fun-
datam, vobis constare potest non so-
lùm ex scripturâ, verum etiam ex o-
mnibus retro sæculis, in quibus viri
fortes Ecclesiam Dei operibus suis San-
ctis ædificaverant. Ergo adversa, etsi se-
cundum præsentem instantiam pror-
sus destructura subindè exurgentem
nostram plantulam videantur; nullò
modo destruunt, sed magis ædificant;
& vos omnes in virtutibus & scientiâ
depurant. Quæ facies erat exurgen-
tis Ecclesiæ Xsti; secti sunt, distenti
sunt, dispersi sunt, lapidati sunt; com-
busti sunt. Si hodie Mille Christiani
facti, sequenti die sæpius omnes oc-
cisi, & turbatio usq; ad aliquot cen-
tenos annos. Contempti sunt, stulti
habiti, ducti ad præsides, & quis pru-
dens sibi imaginari tunc poterat Ec-

clesiam hanc sive sectam (ut vocarunt
prudentes hujus Sæculi) ad statum
Monarchicum mundi perventuram;
cum ad aliquot centenos annos, nihil
nisi occisio, & turbatio, & inundatio
malorum fuerit. Sed vos dicitis: viri
illi Spiritum Dei habuerunt, nos au-
tem infirmi sumus, erramus, seduci-
mur, indiscreti sumus, immaturum Ze-
lum habemus: & culpâ nostrâ tribula-
tiones nobis eveniunt. Verum etsi Spi-
ritum Dei habuerint, tamen hæc i-
p̃s etiam & millies graviora in pro-
bationem fidei acciderunt, ingemue-
runt sub jugo malorum. Apostolus di-
cit: tædet nos vivere: infirmi erant,
indiscreti erant, tentati sunt, conten-
tiones habebant, æmulabantur, pecca-
verunt, erraverunt: imponebant manus
& dabant Spiritum Sanctum indignis
decepti: postea illi utpote ex diabo-
lo inceperunt schismata. hæreses, &
docuerunt contra, rebelles facti, sicut
maximè conqueritur Apostolus Pau-
lus de falsis fratribus. Quid ergo di-
cemus de his? ergo Spiritum Dei non
habuerunt, aut exciderunt de gratiâ
Spiritûs discretionis; nullô modo: Sed
Deus permittit subtrahendo ad tem-
pus sine culpâ lumen veritatis in pro-

bationem fidei Sanctorum. Deinde in
Temporalibus constituerunt œcono-
mos, Diaconos; et falsi fratres se ma-
gis motivò necessitatis & sustentatio-
nis per otium associarunt: postea re-
bellaverunt, defraudaverunt, accepe-
runt; discesserunt, elati sunt, & de-
voraverunt. Ubi hoc scriptum est; in
Apostolo Paulo dicente: sustinetis ve-
rò, si quis in servitutem redigit, si quis
devorat, si quis accipit, si quis extol-
litur. Secundum ignobilitatem dico,
quasi nos infirmi fuerimus in hac par-
te. Hoc & ego dico vobis, in hac par-
te, quâ vehementer vos disgustatos &
impatientes fuisse & esse, scio: Ite-
rum dico, ne quis putet me ideò esse
insipientem; quod multi devoraverint,
multi acceperint, multi elati sint &
discesserint: In his ego gloriabor,
quia sustinui sine culpâ, quid dicem⁹
ergo in his; ergo nos peribimus, ergo
temporalia in ruinam nobis erunt, er-
go nos dissolvemur? nullò modo: sed
magis ex hoc sapientes erimus, con-
firmabimur & divites erimus multum
& stabimus gloriantes in omnibus his
per Jesum Christum Crucifixum: Si
enim ipsi passi sunt, & millies plura,
& graviora passi sunt, & nos patientes

talia fidem accipimus firmam de consummando cursu nostro, quem gratia Jesu Christi & Ecclesiæ suæ Sanctæ nos evacuantes suscepimus. Ergo o Fratres mei charissimi, alacres estote, & omne gaudium existimate, si in varias tentationes incideritis; probatio enim fidei vestræ pretiosior omni aurō & argentō. Itaq; fratres mei charissimi, nolite terreri, nollite turbari in omnibus adversis, sed gaudete & sperate, & omnem confidentiam, hæc videntes in vobis concipite; quia hæc omnia solidissimum fundamentum sunt ex quo scire possumus, cursum nostrum nos feliciter & finaliter consummaturos. Cælum non statim ruet, neque statim secundum præsentem malorum instantiam institutum nostrum peribit: sunt muscæ diaboli, & quō major turbatio, eo minus ego turbor, & quo majora pericula, eo minus ego curo in fortitudine Spiritus per Jesum Christum confirmatus.

Tertium Fundamentum est libertas Filiorum Dei, in qua stantes liberè agimus foras missō timore inani offensionis humanæ; neq; attendentes ad humanam hujusmodi sapientiam, quæ stultitia est apud Deum; Domi-

num Cæli timemus, Præcepta ejus
observamus, implentes etiam ea, quæ
Superiorum potestates nobis Canoni-
cè mandant, in cursu nostro & in acti-
bus nostris libertatem servamus, non
curantes eos, qui resistere nobis vo-
luerint, aut opera nostra judicantes
reprehenderint, & sinistrè omnia in-
terpretati fuerint. Hæc libertas Fi-
liorum Dei, in qua omnes Sancti Dei,
& viri fortes stantes olim cursum su-
um consummaverunt, nobis tam ne-
cessaria est, quam necessaria est ani-
ma corpori, sine qua mortui sumus:
in hac libertate Fratres, vellem ita
vos abundare sicut in timiditate inani
vos abundare scio: nimis cito turbami-
ni credentes judicantibus vos: nihil
arduum audetis timentes etiam mi-
nimas confusiones: pacem cordis amit-
titis nimis inordinatè placere cupien-
tes omnibus, maxime iis qui foris no-
bis præsunt, quibus impossibile est in
cursu nostro semper placere, quidquid
dicant homines, non curandum si se-
cundum Regulam mandatorum Chri-
sti & Ecclesiæ ejus operemur: Quid
verba hominum? Volant, nec lapides
movere possunt, neq; maiores neque
minores estis ex verbis eorum. Nimis

aniles estis attendentes ad omnia, quæ sparguntur, quibus & cor præbetis, & in iis sæpius usque ad turbationem & pusillanimitatem & desponsionem animi involvimini. Judicia hominum nimis superstitiosè accipitis, mihi autem pro minimo certè est, si ab hominibus judicor: Hinc vos in vobis ipsis diffiditis, contemptibiles efficiemini, & timidi & nihil audetis arduum in bonis, quia verba & judicia reprehensionesq; Hominum timetis. Creditis inimicis vestris, & dimittitis de spæ vocationis vestræ, vocatis in quæstionem vocationem vestram, tanquam dubiam rem, quam firmiter credere, sperare & resignare humillimè divinæ voluntati deberetis, stantes firmi in Fundamento vocationis vestræ. Quid ergo hic vel ille, qui libertatem carnis & Spiritus diligit, aut ignorat, nesciens intrinsecam instituti structuram. judicat nos, non posse cursum inceptum consummare, nos non consummabimus! An iudicium hominum Dei voluntatem evertet, & faciet decreta ejus irrita, opera suæ potentiæ impossibilia, Sapientiæ insipientia, fortia imbecillia, ardua non futura, difficilia non possibilia? Nullò modo.

Proinde vos infirmi estis, & libertatem Sanctam nondum benè radicam habetis citò in vobis ipsis ex verbis & judiciis hominum inaniter diffluentes. Et ex hoc capite opera nostra in timore & pusillanimitate sunt, judicia instabilia, proposita infirma, & Consilia nostra tanquam arundo ventis agitata, omni mutabilitati subiecta cernuntur. Ergo unusquisque huiusmodi libertatis subsistentiam per gratiam Dei & frequentationem actuum in animo acquirere, & probè fundare studeat, in quâ veluti in quodam propugnaculo stantes liberè operari, bona proposita executioni dare, & Consilia benè stabilita habere possitis, si debità circum spectione & providentiâ illâ semel rectè ponderaveritis. Essetis enim hic servi, quibus mundus illuderet, & tandem in eam angustiam animi coniceret, quæ vos totaliter in agendo perplexos redderet; cum nihil tam Sanctum & prudens factum sanumq; Consilium, quod non Sapientia huius mundi carpere possit.

Quartum Fundamentum est ut vobis firmiter persuadeatis, cursum huius vitæ propositi per media ordinata, quæ in humana providentiâ semper

42
existant aut existere videantur, con-
sequenter neq; via ordinaria per huma-
num ordinem perpetuò decurrere posse
Hoc se ita labere ipsi vobis facile per-
suadebitis, si consideretis, quod non so-
lum nulla via extet, quam ad hanc
vitam & Clericorum conjunctionem a-
liquis nobis stravit; verùm etiam
quòd Divina Providentia proposito fi-
ne Militibus suis ad Majorem Glori-
am meritorum media ordinariè ab-
scondat; sicut Pater aliquis volens ad
se attrahere filium, manum ostendit,
nucem verò abscondit: Hinc semper
difficultatem & maximam arduum
mediorum in executione finis servis
suis relictum, quam postea mediante
suâ gratia & auxiliò per ingentes la-
bores, curas, preces, varia Consilia,
industriam, cruces, tribulationes, va-
rietates bonorum & malorum prospe-
rorum & adversorum superantes vin-
cere debent. Et hoc ita Deum absol-
lere nobis ex omnibus retro sæculis
constat, ubi semper propositò sine ser-
vis suis abscondit media, ut illa per
Heroicam fidem, spem & resignatio-
nem à Domino successivè tanquam per
violentiam Spiritualem efflagitarent,
sic Deus Abraham promittit, dicens;

Multiplicabo Semen tuum sicut Stellas Cœli, medium autem ob Saræ sterilitatem nullum extitit. Sed credit Abraham, & reputatum est ei ad justitiam, quâ meruit Filium præter Naturam accipere; postea probans Deus Abrahami, an infirmus esset in fide, spe & resignatione; jussit immolari Filium suum: & sic iterum nullum prorsus medium ad illum finem cernebatur: Et obedivit Abraham & credidit contra spem, de spe priori in spem alteram, & meruit audire vocem Angeli de non immolando Filio suo. Et sic sæpissimè Deus non solum media abscondit, sed dans illa denuò irrita sæpe facit ad tempus, ut ad majorem fidem, spem & resignationem servos suos alliciat. Sic & nos in nostro proposito procedere debemus, etsi media certa subindè non appareant, aut apparentia denuò deficient & irritentur, de fide tamen spe & resignatione in Dominum nostrum Jesum Christum & Matrem ejus, aut de fine proposito quidquam recedere non debemus, sed alacriores reddi ad laborandum: Sic omnibus Fundatoribus Statuum Deus proposuit finem, & media abscondit, & tamen finem feli-

citer afsecuti funt, non per viam ordinariam & media in humana providentiâ jam existentia, fed per Fidem mereri debuerunt & per laborem afsequi, quod non viderant. Sic & mihi Deus ante undecim annos in revelatione per fidem finem pofuit, media autem prorfus abscondit; Et credere didici contra fpem, de fpem in fpem alteram; & accipere merui univerfale fiftema alicujus Monarchici Corporis de quo fcitis, fed media ulterius non vidi, quibus propositum meum inciperem: proinde credidi tanquam cæcus innitens baculo divinæ voluntatis & credidi contra fpem, de fpem priori in fpem alteram. Et Deus movit corda veftra contra voluntatem veftram naturalem, ut efsetis Socii & parati ad hanc vitam, & fic ufque huc ficut ipfi fcitis, in fide, fpem & resignatione cordis ambulavi, & pleraq; præter humanam expectationem in confufionem hujus Sæculi Sapientiæ acciderunt & prosperata funt, ut optime memoriâ tenetis, itaque quia media viâ ordinaria in aliqua humanâ providentiâ non exiftunt, quid mirum eft, fi ii, qui foris funt, finiftre difpofitionem noftram judicent & inſipient-

tiam æstiment, aut quid turbamini, si subinde errore decipiamur, viam enim à nemine strata[m] quis, sine errore & peccato maxime politico accedet, quæ tam ardua & spinosa est? Hoc ideo dico, ut sicut ego vestras libenter infirmitates sustineo, ita vos errores meos & defectus ad extra, quos Deus in mei humiliationem & probationem uberioremque eruditionem subinde in meis dispositionibus permittit, aut imposterum permittet, in scientiâ accipiatis; ex animo supportantes, donec ego vobiscum & vos mecum crescamus in virum perfectum & mensuram plenitudinis Christi: neq; imposterum murmurare contra me vobis expedit in contrariis eventibus, sed magis æquò animo prospera & adversa accipere: neq; nimis sapere vos decet supra id, quod ad vos non spectat: Confido enim per gratiam Jesu Xti, me vobis non fore ignominiam, nisi in Cruce Domini nostri; neq; vos seducam, aut in tentationes nocivas coniciam, sicut quidam avaritiæ cultores arbitrantur vos turbare volentes. Scitis enim quomodo hætenus vobis condescenderim, è contra me & omnia mea evacuando im-

penderim & superimpenderim & adhuc impendam quamdiu guttulam Sangvinis in corde meo & capillum in capite superstitem habuero. In simplicitate mea sicut hactenus ambulabo & secundum scientiam: proinde finite me agere. Consilia vestra audiam, sed mihi dispositio & judicandum reservare erit, quod in quovis negotio agendum vel omittendum. Non expedit vobis in contemptum abire, aut judicare, quando tempestas adversorum ingruit; Socii laborum Socii & præmiorum, Socii in prosperis, Socii in adversis. Charitas nunquam evacuatur, omnia credit, omnia sperat, omnia sustinet. An jam saturati estis, an jam regnatis, an jam Sapientes facti estis, an jam super abundatis, an jam Judices estis implentes etiam mensuram cum hoc mundo? Hæc scribo vobis, ut bonam confidentiam, quam olim habuistis, conservantes de animis vestris excidere non sinatis, & in vocatione vestra, in qua vocati estis, firmiter stantes, permaneat, adversa qualiacunq; illa sint, vos perturbare non sinatis; quia sic oportet fieri in incrementum nostrum; proinde libertatem animi maximè ad ex-

tra conservare; certam facite vocationem vestram coronantes eam conatibus Sanctis in hoc vitæ proposito. Et hæc est Epistola, quam vobis ex intimis medullis Charitatis quâ erga vos omnes & institutum nostrum in veritate totus incendor scribere volui, ut diligatis me, & diligatis & invicem in sinceritate & sanctitate & dilectionis vestræ non sit finis, usq; dum conveniamus in Patriâ. Interim bonam spem habeatis ausû alacri & indefessô Studio laborantes, (unusquisq; prout accepit à Domino) usq; dum cursum nostrum consummemus Orate pro me, sicut ego vos semper in orationibus meis habeo. Estote salutati in osculo dilectionis Jesu Christi. Gratia Domini nostri Jesu Xti cum omnibus vobis Amen. *Bartholomæus Peccator.*

§ FINALIS.

Mementote mei, & miseremini vestri homuncionis infimi o Fratres mei intimi! Mementote quæso mei, ut hæc faciatis: tanquam parturiens & agonizans, o Filioli mei, hæc lachrymor & scribo. Sobrii estote, & in habitu Sancto humiles converſamini in hoc mundo. Omne tempus in Gloriam Dei


*Et salutem animarum collocate, sicut
præscripsi vobis: viam verarum Et so-
lidarum Christianarum virtutum a ju-
ventute ingredienti, semper in melius
ambulate: Communitatem bonorum,
tanquam Testamentum vitæ æternæ
ambabus ulnis sine decisione Et frau-
de osculo dilectionis amplectentes sem-
per tenete, ut sitis nihil habentes Et o-
mnia possidentes, Et benè utentes hoc
mundo, sic transeatis per bona tempo-
ralia, ne amittatis æterna. Et qui æ-
conomi sunt fideliter administrent, Et
in omni charitatis sollicitudine omni-
um necessitatem semper prævenientes
taliter Fratribus alteris dispensent,
qualiter sibi dispensari vellent, Fami-
lias vestras tam Clericorum, quam
Laicorum ita instituere satagite, ut
utroq; proportionato passu in timore
Domini omni tempore progrediatur.
Vocationem vestram ad extra dignam
facite vitæ æternæ, congregantes vobis
coronam ex lucro animarum, sicut
præscripsi vobis: Sed non obliviscimini
relectionis internæ, cujus virtute
per quotidianam meditationem, aut
saltem lectionem Spiritualem Et jacula
S. Spiritus, id, quod per labores aut
strepitum huius sæculi deperditum est*


iterum restitueretur. Scientiam habete
& discretionem, tanquam omnium vir-
tutum Matrem & Magistrum Sanctam
in omnibus vestris actionibus vobis sem-
per præponite & nil operamini maxi-
me ad extra, nisi quod illius Sanctæ Cy-
nosura post maturam præmeditationem
& aliorum audito consilio operan-
dum vel omittendum suaserit. Societa-
tem & Fraternali conversationem in
vinculo amoris ad invicem retinete, &
à commercio mulierum, tanquam à fa-
cie colubri accedentes fugite & deniq;
ut hæc ita propagetur & in sempiter-
num conservetur ad Matricem hujus
statû, quam ordinavi attendite & ex
eâ per generationem quandam conti-
nuam Filios intemeratos ad eandem
hanc vitam & vocationem vobis educa-
te. Media instituendi cam Dei miseri-
cordia et Gratia Principum ad manum
vobis dabunt, si instanter eam depre-
cantes, discretionem et dexteritatem a-
gendi uti satagatis, Mementote mei o
Fratres medullitè amantissimi, Me-
mentote o Filioli mei existentes et fu-
turi, ut hæc semper faciatis, et nun-
quam dilabi disciplinam ac jugum
permittatis. Et si ad teporem post
tempora inclinare videritis, reducite

ad carbones ignis Spiritus S. Custodi-144
te Institutum; dirigite Fratres in omni
humilitate et charitate, ut Filii lucis
sitis, mementote mei quæso, ne inutiliter
institutum limitantes disciplinam ener-
vetis, ut fieri solet. Vos o! Superiores
Custodes agri, vigiles domus Dei, Vir-
gæ regnantes, circuite vineam Domi-
ni, & videte quæso, ut totius hujus in-
stituti circumferentia sine incisione
incolumis subsistat; debilia roborate,
ut quæ successu temporis de discipli-
na dilabi contingit, maturè restaura-
te. Alloquor hodie omnes existentes et
futuros tanquam Filios meos charis-
simos, si quæ Societas spiritus, si quæ
viscera miserationis & si quod vincu-
lum dilectionis, & si quæ vis lacryma-
rum, implete gaudium meum, ut idem
etiam sapiatis, eandem charitatem ha-
bentes, unanimes idipsum sentientes,
nihil per contentionem, neque per ina-
nem Gloriam, sed in humilitate supe-
riores sibi invicem arbitrantur, non
quæ sua sunt singuli quærentes, unus
alterius onera portate, fragilitati
mutuæ invicem condescendite, suppor-
tate invicem; & denique Fratres, unus
alteri obediat in omne bonum, secun-
dum Deum Patrem & D. G. C. Obser-

vate sedulo obedientiam directionis
& ejus subordinationem & sic subja-
cite invicem sicut membra in corpo-
re. Dirigite vos invicem, et dirigi unus-
quisq; se sinat secundum præsentiam
subordinationem. Nam quemadmo-
dum catena in multis membris per
connexionem & quemadmodum cor-
pus humanum sub uno capite secun-
dum subordinationem membrorum in-
feriorum et superiorum in sua Compa-
ge beatum consistit; ita vos si hic ab in-
vicem per vitalitatem Spiritualem
vegetati & connexi permanseritis, e-
ritis corpus & Status, & Templum
J, Christi. Gloria mundi, honor Ec-
clesiæ, ædificatio populi, confractio
Filii perditionis, & odor agri pleni.
Complementum Statuum, planta pe-
dum totius Universi. Spiritualis Uni-
versalis Corporis quod est Ecclesia con-
flata ex omnibus statib; ultim a pro-
les. Gratia D: N. J. C. & Benedictio
Patris, & abundantia Spiritus Sancti
vobiscum sit & vobiscum ambulet in
sempiternum; ut vos omnes cum poste-
ritate videam, deosculer & amplexu
Cælesti comprehendam in æternâ
Beatitudine. Amen.







WIE GARNIA*
ANTYKWARIAT



D N^o 9643
XXXXXXXXXXXXXXXXXXXXXXXXXXXX

(4)

stdr0007888



Biblioteka Jagiellońska

